

## Luk

### *Wẹi tópuratere whi Jon deyaalopóló yale fo*

<sup>1</sup> Kótóné eraalopóló muló betere fo da tuapaae mo eró betepa, mepaae whiné kolóló aseyalépó.

<sup>2</sup> Ai whirape atima kọleaané aseni, yale alarape mo kelale whirapené deté wale fotóró yó maté wou betalépó. Ai whirapeta, kale fo wisi kae fotamo hoseké eraqsóró hotowayóló kaae taru, yó mótu betalépó.

<sup>3-4</sup> Mepaae whirapené deté wale fo aseyaale kaae, mió ɣalokélé ai fo wisiyóló taleyóló betemó kaae sóró, mo donotóró aseyaai kisipa mutapó. Doa whi Tiopilus-ó, take mepaae whirapené ɣapaae yó melale fota, mo erapóló naao diriyóló tué yaasepóló, ɣalo i aseterere ape.

<sup>5</sup> Kale Judia hae kwia teteróló kaae tare topo whi Herot betale alimó etéyalepó. So whimó Talepaae momaratere whi betá beterepó. Ai whita, Lipai faketei, Abaijané deté wale whi Sekaraiapó. Ama soma Elisabet-ta, momaratere topo whi Eron-né deté wale sopó.

<sup>6</sup> Kótóné keletómó atimaamo mo donoi soró whitamó bitu, Kótóné yóló muló betere fo aqmó sukóló, ama erae dere ala betá eraté fu betalépó.

<sup>7</sup> Atéretei, kale so Elisabet atimaamo naale senaalekélé mei, ni daayóló betepa, sokélé sere yóo, whikélé otere yóo yalepó.

<sup>8</sup> Atéro betere tuámó Abaija fake whirapené so whimó momarópóló, tukóló muló betere be demó Sekaraiaró ama fake whitamóné momatere be

kaae tarepó. Atéru, Sekaraia a so whimó momarótu betalemó etéyalepó.

<sup>9</sup> So whimó momaraterere whirape atima mara mole ala sya furaalu, atimané doi mole ni fakerape fesekée deralemó, Sekaraiané doi mole ni fake dono fetée horóló muni dorowalepó. Atétepa, a kale momaterere be tuapaae fóló, felé kɛlaa wale fetera kaae ɔla si keletómó biliyóópóló, atimané a sóró beteralépó.

<sup>10</sup> Atéró, kale felé kɛlaa wale fetera kaae ɔla simó sukɔlaa dalaterere sukamó a momaterere be dolopaae fóló, simó terepetu betalepó. Atétu betepa, mepaae momayaa wale so whi atima belamó kaae taru momatu betalepó.

<sup>11</sup> Até du betepa, Talené dotonale *ensel* wóló, kale felé kɛlaa wale ɔla bilitere tiki turu naase dɛró daapa kelalepó.

<sup>12</sup> Ai *ensel* sókó walemó, Sekaraia kilita sókó furaalu, mo winé sukutu betalepó.

<sup>13</sup> Tétepa, kale *ensel*-né apaae duraalu, “Sekaraia-ó, ya wiyaqse, naao du betale moma Talené wosalepó. Naao so Elisabet naale deyaalo ai ape. Téyaalopa, ama doi Jon mulae.

<sup>14</sup> Ai naale detere kilituraalu, ya doasi hajiné sukó, mo so whikélé ai naale kilituraalu, hajiné sukó yóló Talepaae mo kée du betaalo ai ape.

<sup>15</sup> Ti noatepae, Talené keletómó a mo doasi whi betaalópó. A doayóló bitukélé, *wain* weiró topo doayóló keyaa fole weitamó naalomeipó. A hamané depemó betepatei, kale Dɛi Kepe Wisi a tuamó faayóló mo suró betaalópó.

<sup>16</sup> Atéru, take kópaee fu betere Israel fake so whi atima tetéróló kaae tare Kótó aqmó beterópóló, ai

naalené momó dapesó waalo ai ape.

<sup>17</sup> Tale wópóló folosóró aḗi wouraalu, ama yaaire alata, take betale whḗ Ilaija a keperó fotokotamo faanuraalu du betale ala kaae, ai seké a tuamókélé até yaalopó. Ai naale doayóló bitu, alimaraperó naale senaaletamopaae momó hosaa muópóló, atima tué tiki feteraalo ai ape. Atéturaalu, mepaae Kótóné fo woseni dowaae fu betere so whḗ Kótóné donoi ala tuamó wisi kisi-patamo beterópóló eraalopó. Atéturaalu, so whḗ fea Tale beterepaae faaire ala amatei, donoróló beteraalo ai ape,” yalepó.

<sup>18</sup> Atéro Sekaraiané *ensel*-paae duraalu, “Atei ala mo eraalopóló yało noayóló kisipa yaaloé? Ti ẹ otere yóo, yało sokélé sere yóo, erapó,” yalepó.

<sup>19</sup> Tétepa, kale *ensel*-né aḗpaae duraalu, “Eta Kótóné keletómó daalu i ala yae depa du betere *ensel* Kebriel-pó. Mió i dere fo wisi yało yaḗpaae yó melópóló, ama ẹ ya beterepaae dotonatepa wóló yaḗtamo fo i du betere ape.

<sup>20</sup> Mió yało i dere fo wosóló kisipa tiki tiréni depa, ti naao fo aluyaalo ai ape. Ya atépatei bitiré fóló, mió i dere fo dokonóló eratere sukamó ti naao fo momó yaalo ai ape,” yalepó.

<sup>21</sup> Téro, Sekaraia momatere be dolopaae holóló betepa, belamó a kaae tawóló betó mole so whḗné duraalu, “A mo taketi holaleteti, diki du betere-a, noakó su bitu dérópó,” du betalepó.

<sup>22</sup> Téro kale whḗ a belapaae dorowóló atimapaee fo yaaireteḗi sḗni, ama fo alureteiné naasené maaté du betepa, so whḗné etei kisipa mualepó. Be tuamó Talené me alakó aḗpaae nokené dere ala kaae eratepa kilitu yalepó du betalepó.

<sup>23</sup> Atéró, momatere be tuamó kutó diyópóló ðale mulale be ðe kemetepa, ama bepaee felepó.

<sup>24</sup> Ai alarape yale k̄lipaae ama soma Elisabet naale yalepó. Atétepa, kale so ą kelaosóró ama bemó kinóló betepatei, wélié aporó kemeyalepó.

<sup>25</sup> Ȧ atéró bitu duraalu “Take ę ni daapa so wh̄i feané faletu betaletei, mió i be ðemó Talené ępaee erale wisi alané so wh̄i feané keletómó yalo hale kemeralepó,” yalepó.

### *Yesu deyaalopóló yale fo*

<sup>26</sup> Téró, kale so ą naale yóló betepa, apomi wélié tuamó Kótóné ama *ensel* Kebriel, Kaleli haemó tene Nasaret be huluapaae doteyalepó.

<sup>27</sup> Atéró, kale *ensel* Kebriel betą so seimale Maria beterepaae felepó. Ai sota, Depit fake wh̄ikó Josep-né dokaairaaalu tukóló betero beterepó.

<sup>28</sup> Téró, kale *ensel* ą beterepaae fóló duraalu, “Talené hekesere so seimale-ó, Tale yątamo ai betere ape,” yalepó.

<sup>29</sup> Atei fo Mariané woseturaalu, etei kaae k̄leó dere fo-a, noa betené dérópóló ą kisipa teketu betalepó.

<sup>30</sup> Até du betepa, kale *ensel*-né ąpaee duraalu, “Maria-ó, Kótóné ama yą mo wisiyóló kolóló hosaa mutu, yapaee wisi ala eraai dapa, wiyaose.

<sup>31</sup> Yąta, naale yaalo ai ape. Ai naale detepa, ama doj Yesu mulae.

<sup>32</sup> Ȧ doasi topo wh̄i betepa kilituraalu, so wh̄i feané mo ó taoró betere Kótóné Naalemapó du betaalo ai ape. Ai naaleta, take ama noumatere Depit bitu yale kaae, so wh̄i fea teteróló kaae tanópóló, Kótóné amatei ą doasi wh̄i sóró beteraalo ai ape.

<sup>33</sup> ʒta topo whi bituraalu, Jekop-né firale fak-erape teteróló kaae tare ala kemekélé ini, hãle yótóró tawaalopó,” yalepó.

<sup>34</sup> Tétapa, Mariané *ensel*-paae duraalu, “Eta, whitamokélé konipa, ai ala neyóló yaaloé?” yalepó.

<sup>35</sup> Ai fo depa, *ensel*-né apaae tokó mótu duraalu, “Kale Deı Kepe Wisi ya tuapaae bitı waalopó. Téturaalu, mo ó taoró betere Kótóné fotokóné ya teteróló husuró betaalo ai ape. Ai deyaaire naaleta, me dowi alakélé muni, mo kae naale detepa so whi feané kilitu, ita Kótóné Naalemapó fo yaalo ai ape.

<sup>36</sup> Aita ya maaté mei, naao kekelé so Elisabet-kélé seretei naale erapó. Upulé a ni daapa mepaae so whiné atei serené naale deyaalomeipó dua yaleteti, mió a naale epa, apomiró wélié kemeyalepó.

<sup>37</sup> Ti fea ala fea Kótóné sumó enénipóló de?” yalepó.

<sup>38</sup> Ai fo depa, Mariané apaae duraalu, “Ti eta Kótóné ama kutó diratere so beterapa, naao yale fotóró ama epaae erópóló yae,” yalepó. Téró, kale *ensel* felepó.

### *Maria a Elisabet kefe fele fo*

<sup>39</sup> Atéyale be demótóró, Maria a ıla ıla hapale sisóló ai be hulua taaróló, Judia du sorokó mole haemó tene be huluapaae felepó.

<sup>40</sup> Atéró, kale so a Sekaraiaró somatamo betere be dolopaae fóló, Elisabet-paae duraalu, “Fapa kóleó,” yóló apualepó.

41 Mariané Elisabet-paae ai dere fo woseturaalu, Elisabet-né depemó betere naale toróyó holalepó. Atéturaalu, Dɛi Kepe Wisi ɔ tuamó faayóló sɔralepó.

42 Atéru Elisabet-né fo fakeyóló duraalu, “Sorape fea betó mupatei, ya betɔ Tale Kótóné mo wisiró betera. Atéturaalu, nao deyaaire naalekélé ama mo wisiró betera.

43 ɛ mé so wisi betepa, ɛ tɛteróló kaae tare Talené hama nao ɛ kele waleé?

44 Nao kɔleó dere fo woseturaalu, ya lo depemó betere naalekélé hekesené sukutu toróyó holalepó.

45 Kótóné yapaae eraalopó yale fo wosóló, nao kiswa tiki tiralemó ya wisiró betera, mióta ya hekesené sukɔe,” yalepó.

*Mariané Kótóné doi hale horótu yale wole fo*

46 Téró, Mariané duraalu,  
“Ya lo hosaa tuamó Talené doi hale sóro horatapó.

47 Ya lo hosaa turónékélé ɛ aluyaosóro tao sale Kótópaae mo kée yóló hajné sukutapó.

48 Ti ɛta, kutó diratere doi muni sókótei so betepatei, ama ɛ wisiyóló tao salepó.

Mió i be demó kaae sóro bitiré faaire so whi feané ɛ kilituraalu, ita Kótóné wisiró betere sopó yaalo ai ape.

49 Ti noatepae, mo doa fotokɔ bole Tale Kótóné emó mo doakale ala eralepó.

Ama doi mo kae muluraalu, dowi ala mo betakélé munire Talepó.

50 Mepaae so whi de Kótópaae winé sukóló ɔ aomó dua betepa, ama kɔlené sukutere ala mió

i alimó betere so wh̄ipaaekélé, take bitiré faaire so wh̄ipaaekélé, h̄ale yó tarapó.

51 Ama doasi bole fotokóné mepaae doasi alarape eralepó.

Atéturaalu, mepaae wh̄i de atima kispánétei duraalu, ‘Èta mo doasi seké wh̄i beterapóló,’ bopé faketu betale wh̄irape dapo dapo yóló f̄ópóló, h̄okó faralepó.

52 Mepaae t̄eteróló kaae tare doasi topo wh̄irapéné kaae tare alarape ama kemeróló, haepaae só deróo, mepaae naameyóló sókótei betere so wh̄i ama sikipaae horóo, yalepó.

53 Mepaae wotené sukutere wh̄irape ama ọla wisi melóló hairóo, mepaae ọla ọla dekéró mole néli so wh̄i h̄ale f̄ópóló dotonóo, dua yalepó.

54 Ama kutó diratere Israel fake wh̄irape kiswa keteréni, k̄olené sukuturaalu, atima tao sere ala h̄ale yó tarapó.

55 Talené Abraham-ró ama deté faaire naaletamopaae wisi ala eraalopó yóló mulale fo keteréni, d̄ané ayarapepaaekélé eralepó.

Atéyale kaae, mió i alimó d̄apaaekélé ama k̄olené sukutere ala h̄ale yó tarapó,” yalepó.

56 Téró, wélié soremó Maria ẹ Elisabet-tamo beteró, nalo ama bepaae fesaae felepó.

### *W̄ei tópuratere wh̄i Jon deyale fo*

57 Téró etéyalepó. Kale so Elisabet ẹ naale saaitere be demó ama naale dealepó.

58 Tale Kótóné doasi k̄olené sukuturaalu, ẹpaae erale alamó Talepaae mo kée yóló doasi h̄ekese yalepó. Atétepa, ama be wh̄i so wh̄iró kekelé so

whitamokélé ama dere hekesse kaaetóro du betalepó.

<sup>59</sup> Atéroro kale so naale sóro beteró, bokó wale be demó ama tiki sekaş tukóló siriróo, kale naalené doikélé alima Sekaraiané doi yakoróo yaai, ama fake so whi walepó.

<sup>60</sup> Até yaaitepa, ama hama Elisabet-né duraalu, “Meipó. Ama doita, Jon mulaai dapó,” yalepó.

<sup>61</sup> Ai fo depa, atimané apaae duraalu, “Ya fake whikó mo betakélé atei doi munipó,” yalepó.

<sup>62</sup> Ti fo depa, atimané alimapaee naasené maaté yóló duraalu, “Naao kisipané a de doi mulaalóé?” yalepó.

<sup>63</sup> Tétepa, ama atimapaee naasené maaté yóló duraalu, aşterere sóku sóro ape depa, sóro walepó. Atéroro, ai kale sóro wale ęla tómó Jon doi aşeyalepó. Ai doi aşterere kilituraalu, so whi feané haió yóló, sirayalepó.

<sup>64</sup> Até yaletamotóro Sekaraia a fo aluretei momó duraalu, Kótóné doi hale sóro horalepó.

<sup>65</sup> Atimaamoné be felekemó betó mole so whiné atétere ala kilitu, me ala kae dapóló winé sinalepó. Du sorokó mole Judia hae kwiamó betó mole so whi feapaae i ala yalepóló deté kwęyóló fak-eralepó.

<sup>66</sup> Mepaae i fo wosale so whiné “I naaleta, Tale Kótóné mo doasi fotokó bete a tuamó mupa kilitu, take doayóló a noa kae whi betaalorópó,” du betalepó.

*Sekaraiané yale wole fo*



67-68 Kale naale Jon-né alima Sekaraia Dęi Kepe Wisiné fotokoratepa, Kótóné ąpaae yae depa mo so whįpaae duraalu,

“Dąné Talené doi hale sóró horaalopó. Israel fake so whį tętەرóló kaae tare Kótópaae mo kée du betae.

Ti noatepae, dą ama so whįpóló dupuró beter-  
apó.

69 Ama kutó diratere whį Depit-né firale fake tuąmó Kótóné whį betą sóró beteró beter-  
apó.

Ai sekéné ama fotokóné dą i hae so whį  
aluyaąsóró tao saalopó.

70 Ti mo take Kótóné ama kae beteró betere  
kóló whįrapené yale fo mo dokonóturaalu  
yalepó.

71 Dą bóe whį kuamó betepa, ama tao saalopó.  
Téturaalu, mepaae whįné dowi kisipa  
muóló dątamo bóe dupa, ama fotokóné  
sesé yaalopó.

72 Dąné ayarape ama kisipa keteréni, kólené suku-  
turaalu mió dą tao saaire whį dotonaalopó.

73 Ti aita hale mei, Kótóné dąné aya Abraham-  
paae i ala eraalopóló mo dirii fo yóló muló  
betereteinépó.

74 Take ai yóló muló betere fo dokonóturaalu, bóe  
whįrapené dą dóló tęteraąsóró, tao sóró  
beteró beterapó.

Atérené mió dą wikélé ini, halaainé Kótóné  
kutó betą dirótu betenérápó.

75 Ti betere dokọ fea dą ama keletómó ama kae  
ere alaró mo donoi alatamo tuąmótóró betó  
tawaalopó.

76 Yaṭa, yaḷo naalepó. Take nalopaae so whị feané ya kilituraalu, mo taoró betere Kótóné ama kọlọ whịpó yaalopó.

Ti Tale waaipa yaṗi folosóró wouraalu, ẹ waaire tẹ donoraẹ yaaire whị betaalopó.

77 Téturaalu, Kótóné ama so whịné dowi alamó melaaire kwia aluróló tao saaire ala naao atimapaae yó melaalo ai ape.

78 Ti Kótóné kọle dere ala ama hosaa tuámó ẹaneteiné ai ala eraalopó.

Ti atéyaaire alata, hịka teó sokotere suka ẹané tikimó felétu dere kaae, Kótóné ama hepenmó ere ẹ ẹ ẹ betere tuapaae eraalopó.

79 Ti aita, noa yaai mei, mepaae diliki tuámó betó mole so whịró mo felekemó sukai du betere so whịtamo Kótóné hosaa muni deyóló dua betere ala tuapaae bitị fọpóló, ai ẹné yó melaalopó,” yalepó.

80 Atéró, kale naale ẹ doaturaalu, ama kepe tuapaaekélé doasi fotokọ bualepó. Atéru, ẹ Israel so whị beterepaae hẹkearóló sókó waairaalu, so whị bitini hẹle wópu tikimó bitiré felepó.

## 2

### *Yesu deale fo* (*Mat 1:18-25*)

<sup>1</sup> Ai alarape du betale tuámó etéyalepó. Rom Gavman topo whị Sisa Akastus-né i hae kwiamó betó mole so whị doi siré kwẹyae yóló mulalepó.

<sup>2</sup> Atéró so whị doi saleteita, Siria hae kwia Kwirinius-né tẹteróló kaae tapa, folosóró kaae sutóro yalepó.

<sup>3</sup> Atétepa, kale so whi mo fea doi sópóló, atimané turuku be séle sélepaae felepó.

<sup>4</sup> Atétepa, Josep a Depit-né deté wale whi ereteiné Kaleli hae kwiamó tene Nasaret be taaróló, Judia haemó tene Depit-né be hulua Betelehem-paae felepó.

<sup>5</sup> Ama dokaai tukóló betero betere so Maria naale epa, atimaamoné doikélé mulaai felepó.

<sup>6</sup> Atéro fóló, atimaamo ai bemó betepa, kale so naale saaire be de sókó walepó.

<sup>7</sup> Ai be demó kale soné ama topo naale deyalepó. Atéro, kale naale kutiné bope yóló hupurape ɔla melótua dere ni fakené aleyale nuku tó mó belero beterepó. Ti noatepae, uké wale so whiné fitere be faneteiné yalepó.

*Ensel-rapené sipsip hupu kaae tare whirapepaae yale fo*

<sup>8</sup> Téro eteyalepó. Ai hae kwiamó mepaae *sipsip* hupu kaae tare whirape ai be hulua taaróló, ne yó molepaae fóló, dikitamo atima hupurape kaae tawóló betó molepó.

<sup>9</sup> Atéro betere mó, Talené *ensel* betá atima betere tikimó sókó wouraaalu, Talené ama ere doasi dené atima betere tikikélé deyó felepó. Atéteremó atima fea winé sukutu betalepó.

<sup>10</sup> Atétepa, kale *ensel*-né atimapaee duraalu, “Diá wiyaose, ɛta i hae kwia feamó betó mole so whiné wosóló doasi hainé sukaaire fo wisinaale ene walepó.

<sup>11</sup> Diá i haemó betó mole so whi aluyaosóró, tao saaire whi mió i be demó Depit-né be hulua mó ai

deyale ape. Aṭa, Kótóné so whị fea tẹteróló kaae tanópóló, sóró beteró betere Kerisopó.

<sup>12</sup> Diṭ fóló kelenalemó, miótóró deale naale kutiné bopeyóló hupurape ọla melótua dere ni fak-ené aleale ọla tómó beleró betepa kilituraalu, ita kale bope yale naale hịtipó yaalo ai ape,” yalepó.

<sup>13-14</sup> Atéró, mo tétítóró kale *ensel* betṭ daalepaae ó hepen bemó betó mole *ensel*-rape mo hṭle ọla kaae dorowóló daae mulu, Kótóné doi hale sóró horótu duraalu,

“Mo taoró betere Kótóné doasi mole doi hale sóró horaē.

Kótóné ama tuṭéné wisi ala eraaitere so whịpaae hosaa muni deyóló mo dua betere ala erópóló yae,” yalepó.

<sup>15</sup> Kale *sipsip* hupu kaae tare whịrape betó mupatei taaróló, *ensel*-rape hepen-paae fesaae holalepó. Atétepa, kale whịrape atimasisi duraalu, “Talené ḍapaae yó melale ala kelaai, Betelehem be huluapaae faalopa fiépe,” yalepó.

<sup>16</sup> Atéró, atima hapale fóló Mariaró Josep-tamo betóo, kale naalekélé hupurape ọla melótua dere ọla tómó firóo, epa kelalepó.

<sup>17</sup> Atimané kale naale kolóló *ensel*-rapené atimapaae yale fo so whị feapaae deté kwẹyóló fakeralepó.

<sup>18</sup> Ai fō depa wosale so whị feané ita, noa kaae fo yalerópóló, sirayóló tuṭ teketu betalepó.

<sup>19</sup> Até du betepatei, Mariané ai dere fo wosóló, ama hosaamó muló bitu kisipa hṭle yó tarepó.

<sup>20</sup> Téró, kale *sipsip* hupurape kaae tare whịrape atima bepaae fesaae furaalu, kale *ensel*-rapené atimapaae i ala epa kelaalo ai ape, yale ala motóró

epa kelaletiné Kótóné doi hale sóró horaté fu betalepó.

*Yesu momatere bepaae yó male fele fo*

<sup>21</sup> Atéró kale naale sóró bitiré fóló, bokó wale be demó ama tiki siriróló Yesu doi mulalepó. Aita kale so naale yaaipatei, *ensel*-né mulae yale doipó.

<sup>22</sup> Moses-né ašemó soné naale sale tiki Talené keletómó wisiyópóló, kaae tawae ere be dę keme-  
tepa, Josep-ró Mariatamo kale naale Talepaae melaai dapóló, Jerusalem bepaae dapesó felepó.

<sup>23</sup> Aita hãle meipó. Talené fo tuãmó “Topo naale Talepaae melae,” ere fo sya furaalu yalepó.

<sup>24</sup> Téró, me ere fo i ape. “Betã soné naale senaale detepa, kale soné naale ditu yale ala Tal-  
ené wisirópóló, ba hókósere tamo ó sukusi tamo Talemó melae,” ere fo sya furaalu atéyalepó.

<sup>25</sup> Até yale sukamó, Jerusalem bemó whı betãné doi Simeon beterepó. Ȧta, mo donoyóló bituraalu, Kótóné ala betã erótu betale whıpó. Atéró, kale Israel fake so whı dowi sekęi ala tuãmó betepa, tao saaire whı wópóló, kale Dęi Kepe Wisi ȧtamo betãmó beterepó.

<sup>26</sup> Ȧpaae kale Dęi Kepe Wisiné etei fo yóló munélipakalepó. Yã hapale sukuni, Talené sóró betero betere whı Keriso kolóló sukãalo ai ape.

<sup>27</sup> Atéyale sukamó, Simeon otere Dęi Kepe Wisiné fotokoratepa, momatere be tuãpaae fóló beterepó. Atéró beterepó, kale yóló muló betere foné yae ere ala yaairaaalu, hamaró alimatamoné Yesu apuóló momatere bepaae sókó walepó.

28 Atéró wapa, kale Simeon oterené kale naale tao sóró ama naase tómó beleróló, Kótóné doi hale sóró horótu duraalu,

29 “Qla qla fea t̄eteróló kaae tare Tale-ó, naao kale yóló mulale fo mió mo dokonatereteiné naao kutó diratere wh̄i sukutepa, hosaa muni deyóló dua f̄ópóló yae.

30-31 Ti noatepae, naao so wh̄i aluyaqsóró, tao saaire ala so wh̄i feané keletómó donoróló muló betepa mió yalo i keletere ape.

32 Ai d̄ené Juda mei, kae fake so wh̄i tuapaae Kótóné ere ala h̄akearatepa kolóló tué yóo, Israel fake so wh̄ikélé doasi doi sóo, yaalopó,” yalepó.

33 Téró, kale naale hamaró alimatamoné Simeon oterené yale fo wosóló, haió i yale fo-a, noa betené yalerópóló siratu betalepó.

34 Kale Simeon oterené atima wisiratere fo yóló, hama Mariapaae duraalu, “I naalenéta, Israel fake so wh̄i fea haepaae só deróo, mepaae so wh̄i tao sóró sikipaae horóo, yaalopó. Atétere ala kilituraalu, Kótóné hiróló mole ala so wh̄i feapaae h̄akearóló yó matepa, mepaae so wh̄iné ai dere fo wosaalomeipóló, ̄a só deraalo ai ape.

35 Atétere alané mepaae so wh̄iné hosaa tuamó mole tué tiki h̄akeamó mulaalopó. Atéteremó, sepake kwia kaaené naao hosaamó deyaalo ai ape,” yalepó.

36-37 Aimó Kótóné ama bet̄a koló so wulia Aser fakekó Fanuel-né senaalema Anakélé beterepó. Ama wh̄itamó dokóló betepa w̄eikeró ba fo kemeyóló, oma sukutepa wulia bitu kemeyale ba fotamo touróturaalu 84 ba fo biti serepó. Atéró

Kótópaae kisipa tiró bitu, momatere be taaréni, dikitamokélé, dɛtamokélé, moma dere ala haɓe yó tarepó. Atéru, ɓ ɓla weyóló bitu, moma dere ala betɔ dua yalepó.

<sup>38</sup> Téró ai fapotoró kale so Ana atima beterepaae sókó wóló Kótópaae mo kée yóló, Jerusalem bemó betó mole so whɪ aluyaɔsóró dupuróló tao saaire whɪ wópóló kaae tare so whɪpaae kale naale i ape yóló yó mótu betalepó.

<sup>39</sup> Atéroró, Josep-ró Mariatamoné Talené yae yóló muló betere alarape yóló kemetepa, Kaleli haemó tɛne atimané diri Nasaret be huluapaae momó fesaae felepó.

<sup>40</sup> Kale naale ɓ doaturaalu, mo doasi fotokɔ buó, tuɛ tiki dotoróɛ fóló fosó fosó yóo, Kótóné ɓpaae hosaa muóló yaala sókó fío erapó.

*Yesu ɓ teó naale belekɔamale, momatere bemó betere fo*

<sup>41</sup> Téró etéyalepó. Kale bosenée fele be dɛ sókó wapa ɓla deteremó, ama hamaró alimatamo ba fo dokɔ fea Jerusalem be huluapaae fua yalepó.

<sup>42</sup> Kale naale doayóló 12 ba fomó betepa, atima dua dere kaae, ɓla detere sukamó atimaamo Jerusalem be huluapaae holalepó.

<sup>43</sup> Kale bosenée fele be dɛmó ɓla detere ali kemetepa, ama hamaró alimatamo bepaae fesaae furaalu, kale naale Yesu Jerusalem bemó betepatei, fole so whɪtamo fele nisiyóló atimaamo felepó.

<sup>44</sup> Téró kale soró whɪtamoné kisipané so whɪtamo fole nisiyóló atimaamokélé fu betepa, be dɛ betɔ kemeyalepó. Atéroró fóló kale naale

atimaamoné fake so wh̄iró fulumu wh̄irapetamo betere tikimó kek̄lepó.

<sup>45</sup> Até yalemó bitinipa, kek̄ai Jerusalem be huluapaae momó fesaae felepó.

<sup>46</sup> Atéro kek̄itu betepa, be de sore haḷe kemeyóló nalo kale momatere be bopére tipi tuamó betepa kelalepó. Atéru, mepaae Juda yó matere wh̄irapené dere fo wosóo, mepaae wosetere forapekélé yóo du betalepó.

<sup>47</sup> Kale naale atéro kisipa fosó fosóru atimané apaae wosetere fo mo donotóro tokó matepa woseturaalu, wh̄irape feané siratu betalepó.

<sup>48</sup> Atétere ala hamaró alimatamoné kilitu, atimaamo kilita sókó fóló hamané apaae duraalu, “Ti naale-ó, ayanaao damo ya whaalia depa kek̄ale supa, noatapa atei kaae ala yaleé?” yalepó.

<sup>49</sup> Ti fo depa, atimaamopaae duraalu, “Yaḷo ayané e beterópóló ere bemó fóló beteretei diaamo tué iniru e kekenapó,” yalepó.

<sup>50</sup> Ama ai yale fo bete atimaamoné diriyóló wosóló kisipa sinipó.

<sup>51</sup> Téró, kale naale ama hama alimatamo Nasaret be huluapaae fóló, atimaamoné dere fo betā wosóló aomó sukóló beterepó. Téruraalu, Yesuné ama yale fo fea hamané kisipa keteréni, ama hosaamó muló beterepó.

<sup>52</sup> Téró, Yesu a teó doatutei kisipa tiki dotoróe fóló, fosó fosói naale wisi doatapa Kótónékélé, mo so wh̄inékéle, heḷekeyóló apaae hosaa mualepó.



*Węi tópuratere whi Jon-né yó male fo  
(Mat 3:1-12, Mak 1:2-8, Jon 1:19-28)*

<sup>1</sup> Taiperius Sisa 15 ba fo tuámó ą topo whi bitu-raalu, Rom hae kwia mo fea ama teteróló kaae tarepó. Atéyale sukamó, Pontias Pailat ąkélé doasi *Gavman* topo whi bitu, Judia hae kwia teteróló kaae tawóo, Herot ąkélé doasi topo whi bitu-raalu, Kaleli hae kwia teteróló kaae tawóo, ama noma Filip-né Ituraea hae kwiaró Trakonaitis hae kwiatamo teteróló kaae tawóo, Lisantias ą doasi topo whi bitu, Abilene hae kwia teteróló kaae tawóo, erepó.

<sup>2</sup> Anas-ró Kaiapas-tamo Kótópaae momaratere doasi topo whi betere sukamó, Sekaraiané naalema Jon whi bitini wópu mole tikimó betepa, Kótóné fo ą tuąpaae sókó walepó.

<sup>3</sup> Atéró, Jon ą Jordan węi fole hae kwiamó tę mole be hulua dokopaae fóló, fo yó mótu be-talepó. Atéró, Kótóné fo yó mótu duraalu, “Diaaą du betere dowi ala taaróló, Kótópaae kisipa tiki feteyóló ape. Atétepa, yąlo dią węi tópuraalo ai ape. Diaaą dowi alamó saaire kwia Kótóné me ąla meipóló, hałe kemeraalo ai ape,” deté kutu betalepó.

<sup>4</sup> Mo take betale Kótóné ama kóló whi Aisaiané aseýóló muló betere fo mo donotóróti yalepó. Ai fo i ape.

“Whi betą hałe wópu mole tikimó bitu fo fakeýóló duraalu,

“Tale waaire tų aleyae, ą waaire tų donoraе.

<sup>5</sup> Tukwę derepale tiki, hae mulóló wisirae.

Doasi hasi uluró du sokoreteitamo dukųýóló mulurae.

Wé wére tükélé, mo donoyóló aleyae.

Kapo ó hapisaa muóló dore tų dukjyóló taae faróló wisirae.

<sup>6</sup> Até depa, ti Kótóné so whị fea aluyaqsóró tao saaire ala wisi so whị mo feané kelaalo ai ape, ” yalepó.

<sup>7</sup> So whị mo fea Jon-né wẹi tópurópóló ą beterepaae wua depa, atimapaae duraalu, “Diaaą dere alata, wuliné tų kotere kaae dapó. Kótóné diątamo fopaae butu taleyaqsóró, mopaae botokó faai de?

<sup>8</sup> Dią dowi ala taaróló kisipa feteyóló tų wisipaae fulapó du betere fo, hąkeamó motóró du betae. Ti noatepae, Abraham-ta diaaą ayapó du betere fomó yąło diąpaae i dere ape. I muó mole kapo fakerape Kótóné whị aleyóló, Abraham-né naale senaale beteranérápó.

<sup>9</sup> Talené kąwei ni bete dokọ taketi muló beterapó. Mepaae ninétamo du wisi olenitepa, ti ai nirape fea diyóló sipaae taae deraai Talené ama tọ ai ni betemó bukó tarapó.” yalepó.

<sup>10</sup> Ai fo depa so whị feané ąpaae duraalu, “Ti dąné noa alakó yaaloé?” yalepó.

<sup>11</sup> Ti fo depa Jon-né atimapaae duraalu, “Me whị dené kuti tamo deró betepa, me kuti sokóló yąyare whị melae. Whị me dené ọla hųyóló mupa, ti aikélé betą kaae alatóró yae,” yalepó.

<sup>12</sup> Mepaae *takis moni* siré kotere whịrape atimakélé wẹi tópuuai dapóló wóló ąpaae wosetu-raalu, “Yó matere whị-ó, dą noa alakó yaaloé?” yalepó.

13 Tétepa, ama atimapaae duraalu, “Diaaḡ *takis moni* siré kutu, bosenóló sini, sae yale sṡtóró sae,” yalepó.

14 Ti fo depa, mepaae diki tare whṡrape wóló aḡpaae woseturaalu, “Da noa ala yaaloé?” depa ama duraalu whṡiné *moni* saai, so whṡ tṡteréli fo yóló ó dilikóló saḡse. Naaḡ *Gavman*-né diḡ matere *moni*-tóró tawóló betae. I sṡ meipóló, dokó dokó yaḡse,” yalepó.

15 So whṡ feané Jon kilituraalu, i seké Kótóné sóró beteró betere whṡ Keriso du yalepóló, tuṡ tekitu betalepó. Ti noatepae, atima Keriso mo kelaai kisipa mutu betaleteinépó.

16 Até du betepa, Jon-né atimapaae tokó mótu duraalu, “Yaḡlota, diḡ weṡi maaté tópuratapó. Téteretei, mo doa seké whṡ betḡ waalo ai ape. Aṡa ḡ kaae meipó. ḡ ḡ aḡmó naale belekaamale kaae betereteiné yaḡo ama hó be dokore képi teraayaairetei mo sṡnipó. Amata, kale Deṡi Kepe Wisiró sitamoné diḡ weṡi tóपुरaalo ai ape.

17 Ama naasené *whit* betḡpaae eróló kane fake kaae ḡla tómó mulóló, fumi beséné só fópóló epeyóló horatere ḡla tarapó. Tétu, mo *whit*-ta betḡpaae eróló mulótu beterapó. *Whit* fumita, mo sukókélé feni haḡe dó tare sipaae taae deraalopó,” yalepó.

18 Atéró, Jon-né kale mió wosetere kisi fo wisi so whṡ feapaae yó melóturaalu, so whṡiné kisipa tiki feteraaire forapekélé, yó melótu betalepó.

19 Tétu betaletei, kale doasi *Gavman* topo whṡ Herot-né noma Filip-né sotei ḡ dokóo, mepaae kae kae dowi alarape yóo, du betalepó. Até du betepa,

Jon-né Herot-paae atei alarape taalae yóló, foné salepó.

<sup>20</sup> Herot-né take yale alarape tómó, me i alakélé yalepó. Kale Jon *dipula* beteralepó.

*Jon-né Yesu wẹi tópurale foró Yesu deté yale whirapené doirape*

*(Mat 3:13-17, Mak 1:9-11)*

<sup>21</sup> Atéyale sukamó, Jon-né so whi fea wẹi tópuróturaalu, Yesukélé wẹi tópuralepó. Atéro ą momatu beterepó, ó hepen be tu tukwe fóló molepó.

<sup>22</sup> Atépa, kale Deı Kepe Wisi ba hókóse kaae Yesuné tikimó biṭi dorowalepó. Até deretamo, hepen beró fo fakeyóló duraalu, “Yaṭa, yaḷo Naalepó. Naao dere ala wisi kilituraalu, ẹ mo doa hekesené sinitapó. Ti yaṭa yaḷo mo yaala sókó fóló mole Naalepó,” yalepó.

<sup>23</sup> Téro etéyalepó. Yesu ą kutó kaae saai betale sukamó, 30 ba fo beterepó. ą atéro betepa so whiné ąta, Josep-né naalema nisi yalepó.

Josep-ta, Heli-né naalemapó.

<sup>24</sup> Heli-ta, Matata-né naalemapó.

Matata-ta, Lipai-né naalemapó.

Lipai-ta, Melki-né naalemapó.

Melki-ta, Janai-né naalemapó.

Janai-ta, Josep-né naalemapó.

<sup>25</sup> Josep-ta, Matatias-né naalemapó.

Matatias-ta, Amos-né naalemapó.

Amos-ta, Naham-né naalemapó.

Naham-ta, Esli-né naalemapó.

Esli-ta, Nakai-né naalemapó.

<sup>26</sup> Nakai-ta, Mat-né naalemapó.

Mat-ta, Matataias-né naalemapó.  
Matataias-ta, Semen-né naalemapó.  
Semen-ta, Josek-né naalemapó.  
Josek-ta, Joda-né naalemapó.  
<sup>27</sup> Joda-ta, Joana-né naalemapó.  
Joana-ta, Resa-né naalemapó.  
Resa-ta, Serubabel-né naalemapó.  
Serubabel-ta, Sealtiel-né naalemapó.  
Sealtiel-ta, Neri-né naalemapó.  
<sup>28</sup> Neri-ta, Melki-né naalemapó.  
Melki-ta, Adi-né naalemapó.  
Adi-ta, Kosam-né naalemapó.  
Kosam-ta, Elmadam-né naalemapó.  
Elmadam-ta, Er-né naalemapó.  
<sup>29</sup> Er-ta, Josua-né naalemapó.  
Josua-ta, Elieser-né naalemapó.  
Elieser-ta, Jorim-né naalemapó.  
Jorim-ta, Matata-né naalemapó.  
Matata-ta, Lipai-né naalemapó.  
<sup>30</sup> Lipai-ta, Simeon-né naalemapó.  
Simeon-ta, Juda-né naalemapó.  
Juda-ta, Josep-né naalemapó.  
Josep-ta, Jonam-né naalemapó.  
Jonam-ta, Eliakim-né naalemapó.  
<sup>31</sup> Eliakim-ta, Melea-né naalemapó.  
Melea-ta, Mena-né naalemapó.  
Mena-ta, Matata-né naalemapó.  
Matata-ta, Natan-né naalemapó.  
Natan-ta, Depit-né naalemapó.  
<sup>32</sup> Depit-ta, Jesi-né naalemapó.  
Jesi-ta, Obed-né naalemapó.  
Obed-ta, Boas-né naalemapó.

Boas-ta, Salmon-né naalemapó.  
Salmon-ta, Nason-né naalemapó.  
<sup>33</sup> Nason-ta, Aminadab-né naalemapó.  
Aminadab-ta, Atimin-né naalemapó.  
Atimin-ta, Arni-né naalemapó.  
Arni-ta, Hesron-né naalemapó.  
Hesron-ta, Peres-né naalemapó.  
Peres-ta, Juda-né naalemapó.  
<sup>34</sup> Juda-ta, Jekop-né naalemapó.  
Jekop-ta, Aisak-né naalemapó.  
Aisak-ta, Abraham-né naalemapó.  
Abraham-ta, Tera-né naalemapó.  
Tera-ta, Nahor-né naalemapó.  
<sup>35</sup> Nahor-ta, Seruk-né naalemapó.  
Seruk-ta, Reu naalemapó.  
Reu-ta, Pelek-né naalemapó.  
Pelek-ta, Eber-né naalemapó.  
Eber-ta, Sela-né naalemapó.  
<sup>36</sup> Sela-ta, Kainan-né naalemapó.  
Kainan-ta, Arpaksat-né naalemapó.  
Arpaksat-ta, Sem-né naalemapó.  
Sem-ta, Noa-né naalemapó.  
Noa-ta, Lamek-né naalemapó.  
<sup>37</sup> Lamek-ta, Metusela-né naalemapó.  
Metusela-ta, Enok-né naalemapó.  
Enok-ta, Jared-né naalemapó.  
Jared-ta, Mahalalel-né naalemapó.  
Mahalalel-ta, Kainan-né naalemapó.  
<sup>38</sup> Kainan-ta, Enos-né naalemapó.  
Enos-ta, Set-né naalemapó.  
Set-ta, Adam-né naalemapó.  
Adam-ta, ti Kótóné naalemapó.

## 4

*Satan-né Yesu dée nópóló sụ sale fo  
(Mat 4:1-11, Mak 1:12-13)*

<sup>1</sup> Yesu ả Đeị Kepe Wisi ảayóló sụruraalu, Jordan wẹi taaróló wapa, Đeị Kepe Wisiné ả whị bitini, hảle wópu mole tikipaae ảlisóró felepó.

<sup>2</sup> ả aimó betepa, dowi Satan-né ả dée nópóló, sụ sere alarape deté fu betepa 40 be đẹrape kemeyalepó. Atéyale be đẹmó ả ỏlakélé néni wote siri bitiré fóló, kemene folepaae ả wote yalepó.

<sup>3</sup> Atéró betepa, dowi Satan-né ảpaae duraalu, “Yảtamo Kótóné Naalemapata, ti i kapopaae *bred* o alée fae yae,” yalepó.

<sup>4</sup> Ai fo depa Yesuné ảpaae duraalu, “Tale Kótóné asemblyó i fo erapó.

‘So whị betereteita, mo ỏla maaté nukuraalu bitinipó erapó,’ ” yalepó.

<sup>5</sup> Atéró, kale dowi Satan-né ả mo ópaae hore dupaae dapesó holóló daalu, i hae kwia dokọ tẹteróló kaae tare alarape fea ảpaae tétitóró hapale yó melalepó.

<sup>6</sup> Téro, ảpaae duraalu, “Yảlo yámó doasi doi muaaire alaró i haemó muó mole wisi wisi alatamo naao tẹteróló kaae tawaasepóló melaalopó. Ti noatepae, take ảpaae matepa taretei, mepaae yảlo kisipa mole whịrape melai depa, ti sụmó manérapó.

<sup>7</sup> Yảlo i dere fotamo naao betả wosóló ẻ aqmó bitu, doa Tale-ó depa, ti i ỏla ỏla fea naaotóró tẹteróló kaae tawaasepóló melaalopó,” yalepó.

<sup>8</sup> Ti fo depa, Yesuné ảpaae duraalu, “Kótóné asemblyó ere fo i ape.

‘Tale Kótó mo betatóro betepa, a aomó sinóló bitu, Aya doa Tale-ó, yóló ama ala beta erótu betae erapó,’ ” yalepó.

<sup>9</sup> Téró, kale dowi Satan-né Jerusalem bemó tene momatere be hulua tómó dapesó holóló daaló bitu duraalu, “Yatamo Kótóné Naalemapata, ti haepae tuó derepae.

<sup>10</sup> Ti noatepae, ase mó i fo erapó.

‘Kótóné ama *ensel*-rapepae ya me olané doalé yaosóro, wisiyóló kaae tawae yaalopó.’

<sup>11</sup> Me fo i ape. ‘Ya atimané naase tómó muni durupuraalu, me olané ya kotóo sóro doalé yaalomeipó,’ ” yalepó.

<sup>12</sup> Ai fo depa, Yesuné kale dowi Satan-paae duraalu, “Ase mó i fokélé erapó.

‘Naao Tale Kótóné ya tao sirémóló kaae kolóló su saose,’ erapó,” yalepó.

<sup>13</sup> Atéro, kale dowi Satan-né Yesu dée nópóló su sale kilipaae me tē mutere sukamó momó su saai dapóló taaróló felepó.

*Nasaret so whi Yesuné dere fo wosaalomeipó yale fo*

*(Mat 13:53-58, Mak 6:1-6)*

<sup>14</sup> Atéro, Yesu kale Dēi Kepe Wisiné fotokoratepa, a Kaleli hae kwiapaae momó fesaae felepó. A atéro wóló betepapó dere fo ai hae kwiamó betó mole so whi feapaae deté kweyalepó.

<sup>15</sup> Atéro, a ai hae kwiamó bituraalu, atimané fo wosetere be dokó fo yó maté kotopa, so whi feané ama doi hale sóro horótu betalepó.



16 Take a doayóló betale Nasaret be huluapaae fóló bituraalu, kale sa nokole be demó ama dua dere kaae, fo wosetere be dolopaae holalepó. Atéró, Kótóné asemó ere fo dosayayairaaalu turukó holalepó.

17 Kótóné ama kóló whi Aisaiané asere *buku* bopeyóló moletei, ama dosayayópóló, whi mené apaae melalepó. Tétepa, ai *buku* sóró daae faróló, ama tué mole fo kekalemó keletepa dosayayale fo ipó.

18 “Talené ama Deji Kepe Wisi ẹ tuamó beteroó betelepó. Ti aita hale mei, ama kale fo wisi so whipaae yó melópóló ẹ sóró beteralepó. Atéru, *dipula* kaae betere so whi hale fópóló dotonóo, keke dilikire so whiné keke fisaae falóo, mepaae wae sóró sonaalei ala tuamó beteroó betere so whi sokóló hale beteroo yópóló, ẹ dotonalepó.

19 Talené so whi wisiyóló beteroópóló, ama kolené sukutu hamokoróló hale tao sere ali i wale ape fo so whipaae yópóló, ẹ dotonalepó,” yalepó.

20 Téró, Yesuné kale foloji *buku* momó bopeyóló kaae tare whipaae melóló, a bitu deyalepó. Atéro betepa, ai fo wosetere be dolomó betó mole so whi feané apaaetóro keke fopolaa yalepó.

21 Téró, ama atimapaae momó duraalu, “Mió diaaq wosale asemó yóló muló betere fota, motóro dokonalepó,” yalepó.

22 Ama yó matere fo wosale so whi feané i whiné kólómó mo kokoi fo wisinaale dapóló, siratu betalepó. Tétu atimasisitei duraalu, “Ita, Josep-né

naalema meié?” yalepó.

<sup>23</sup> Ai fo depa, Yesuné atimapaae duraalu, “I mara mole fo diaaḡ epaae mo enérapó. ‘Dokta whi-ó, naaotei ya tikimó daale kisi bete wisirótimié? Ti Kapeneam be huluamó du betere alarape ḡané wosalepa, umó erótu betale ala kaae naao i turuku bemókélé erótumié?” ” yalepó.

<sup>24</sup> Atéro ama atimapaae momó duraalu, “Yaḡo diḡpaae mo i dere ape. Kótóné kḡló whiné ama be whi so whiḡpaae Kótóné fo i ape yóló yó matepa, atimané mo dapóló wosetimipó.

<sup>25</sup> Yaḡo diḡpaae mo i dapa wosae. Mo take Israel haemó Ilaija betale alimó mepaae sorape atimané whi sukóló wulia betó molepó. Ai sukamó ba fo sorené wélié apo mirómó hali kinó betepa, hae kwia feamó ḡla sóku aluyóló, wote ali walepó.

<sup>26</sup> Téyaleteti, Kótóné Ilaija dotonaleteta, mo betḡ Israel fake sorapekó tao sópóló dotonénipó. Ténitei, Saidon hae kwiamó tene Sarepat be huluamó betere betḡ wulia so tao sene fópóló dotḡyalepó.

<sup>27</sup> Téró, Kótóné ama kḡló whi Elaisané Israel hae kwiamó dowi humu fuluné tiki doyóló betó mole so whi mo betḡkélé wisirénipó. Israel hae kwiamó atei kaae whirape betó mupatei, mo betḡkélé wisiréni, Siria hae kwiamó betere whikó Naaman maaté wisiralepó,” yalepó.

<sup>28</sup> Ai kale fo wosetere be dolomó betó mole so whi mo feané ama ai dere fo wosóló, atima doasi fopaae bualepó.

<sup>29</sup> Atéro atima hapale turukó huturaalu, ḡ belapaae ḡokó deralepó. Téró, ai be hulua felekemó ere kulapaae taae deraai dapóló dapesó felepó.

<sup>30</sup> Téyaai depa, ai touró betere so whị kua dolomótei sókótamo yóló, ama faai yale tikipaae felepó.

*Yesuné dowi kepe hōkonale fo  
(Mak 1:21-28)*

<sup>31</sup> Téró, Yesu ą Kaleli hae kwiamó tene Kape-neam be huluapaae derepelepó. Aimó bituraalu, kale s̄aa naai tukóló muló betere be demó so whị feapaae ama fo momó kaae sóró yó mótu betalepó.

<sup>32</sup> Ama ai yó matere fo so whị feané wose-turaalu, sóró beteró betere topo whịné fo kaae dapóló, siratu betalepó.

<sup>33</sup> Ai fo wosetere be dolomó dowi keperape te-peyóló betere whị betą beterepó.

<sup>34</sup> Ai sekéné fo fakeyóló duraalu, “He! Nasaret be hulua whịkó Yesu-ó, naao d̄apaae noa alakó eraai waleé? Naao d̄a doraai waleé? Ȳata, me dowi alakélé muni, Kótóné mo kae beteró betere whịpóló, ȳalo kisiparapó,” yalepó.

<sup>35</sup> Ai fo depa, Yesuné kale dowi kepe foné sóró duraalu, “Fo taaróló ȳa ai whị tuamó betereitei, sókó ape,” yalepó. Ti fo depa, dowi kepe kale whị tuamó betaleteti, so whị feané keletómó ama tiki haepaae taae deróló ą sókó felepó. Atéyaleteti, kale whị ą doalékélé inipó.

<sup>36</sup> Atétere ala so whị feané kolóló, sirayóló atima-sisitei duraalu, “I whịné yó mótu betere fota, mo kaepó. Ti ama fota, doasi fotok̄otamo yó matepa, dowi keperapenékélé ama dere fo mo betą wosóló, ai sókó fulapa, kelae!” yalepó.

<sup>37</sup> Yesuné i ala du beterepó fo, ai hae kwiamó betó mole so whị mo feapaae deté kw̄eyalepó.

*Yesuné so whi feané kisi wisirale fo  
(Mat 8:14-17, Mak 1:29-39)*

<sup>38</sup> Yesu a ai fo wosetere be taaróló, Saimon-né bepaae felepó. Ai bemó kale Saimon-né auma sere tiki suputere kisiné sinóló mupa, atimané Yesupaae, “Naao wisiraaloé?” yóló wosalepó.

<sup>39</sup> Atétepa, a kale so molepaae fóló hemene doropóló, kale soné tiki supu dere kisi bete foné salemó, kemeyalepó. Atéteretamotóró kale so a turukó holóló, atimamó ɔla kaae sóró biliyóló melalepó.

<sup>40</sup> Be dikiyaaairaaalu, suka doropoletamo mepaae haɓe betere whirapené kae kae hepo daale so whi Yesu beterepaae dapesó walepó. Atéro wóló betó mupa, so whi dokɔ feané tikimó ama naase mulótua yalemó, atimané kisi beterape wisiyalepó.

<sup>41</sup> So whi feané tiki tuamó tepeyóló betere dowi keperape fo fakeyóló sókó furaalu, yaɓa Kótóné naalemapó dua yalepó. Ai fo depa, atimané aɓa haɓe whi mei, Kótóné so whi teɓteróló kaae tanópóló sóró betero betere whi Kerisopó yaɓsóró, kale dowi keperape foné sua yalepó.

<sup>42</sup> Mo hikati Yesu ama wotoró so whikélé bitinire tikipaae felepó. Atépa, kale so whi feané keketé kweyóló, a betere tikimó sókó walepó. Atéro wóló bituraalu a metikipaae faɓsóró, atimatamo betaai dapóló, sesé du betalepó.

<sup>43</sup> Tétepatei, ama atimapaae duraalu, “Kótóné teɓteróló kaae tare aɓmó mole fo wisi i ape yóló yó maté kweyópóló, Kótóné e doteyalepó. Atéreteiné e diatamo betenéni, mepaae be huluapaae faai dapó,” yalepó.

<sup>44</sup> Téró, ą Judia hae kwiamó tẹ mole fo wosetere be dokọ fea fo yó matétóró kutu betalepó.

## 5

*Yesuné mepaae ama yó melaaire whịrape ape yale fo*

*(Mat 4:18-22, Mak 1:16-20)*

<sup>1</sup> Téró etéyalepó. Me be demó Yesu ą Kenesaret wei fókumó daalepó. So whị mo fea hẹle ọla kaae wóló tourale tikimó, hae tiki fẹae fóló mulu, Kótóné fo wosetu betalepó.

<sup>2</sup> Até du betepa, wei nuku tamo ai wei fókumó duló betepa kelalepó. Ai nuku tamota, ya siré kotere whịrapené nukupó. Atimané nuku aimó dupa teraae fóló, wei fókumó hẹleke warape fukutu betalepó.

<sup>3</sup> Atétu betepa, ą nukumó bitị holalepó. Ai nuku tale, Saimon-paae duraalu, “Naa nuku ai wei kulu tuapaae sawa hikili falae,” yalepó. Téró, ą nuku tómó bituraalu so whị feapaae fo yó mótu betalepó.

<sup>4</sup> Ọ fo yó melóló kemetepa, Saimon-paae duraalu, “Yakó detémóló kelaalopa, nuku wei kulu tuapaae fóló, diaaọ hẹleke warape wei dolopaae derae,” yalepó.

<sup>5</sup> Ai fo depa, Saimon-né apaae duraalu, “Doa whị-ó, mió dikitamo yakó saalo nisyóló da depe tukó wei ala yóló deraté kweyalemó, mo betakókélé denipó. Téyaletei, naao derae depa ti hẹleke warape dané deraalopó,” yalepó.

<sup>6</sup> Atéró, atimané hãleke warape deralemó mo doakale yarape deale tikimó, atimané hãleke warape tukó faairaalu yalepó.

<sup>7</sup> Atéteremó, atimané fulumu whĩrapepaae atima tao sene ape depa wóló, mepaae yarape nuku dolopaae bulóló fu betalemó, kale nuku tamo wusuró mo felekemó w̃i dolopaae buó deyaai yalepó.

<sup>8-10</sup> Atétepa, Saimon-ró ątamo kutó ditere whĩrapetamokélé, atima betámó ya siré kotere Sebedi naalema tamo Jems-ró Jon-tamokélé, ya mo dekéro sóró muló betere kilituraalu, haió yóló siratu betalepó. Atétepa, Saimon Pita ą Yesuné hó ąomó bukutiri teąró bitu duraalu, “Tale-ó, ęta dowi ala du betere whĩpa, taaróló yą fumié?” yalepó.

Tétepa, Yesuné Saimon-paae duraalu, “Yą wiyaąse, naao ya su dere kaae, mió kaae sóró so whĩ siré kweyaasepólópó,” yalepó.

<sup>11</sup> Atétepa, atimané nukurape w̃i fókupaae tao sóró mulóló, atimané ąla ąlakélé mupatei taaróló ą sya felepó.

*Dowi humu fuluné tiki dore whĩ Yesuné wisirale fo*

*(Mat 8:1-4, Mak 1:40-45)*

<sup>12</sup> Téró etéyalepó. Yesu ą betą be huluamó berteremó, dowi humu fuluné tiki dore whĩ walepó. Atéró, Yesu betere felekemó ama kelepaa haepaae deróló bukutiri teąró bitu ąpaae woseturaalu, “Tale-ó, yalo tiki doretei naao kisipané wisiraai depa, ti wisiraasepólópó,” yalepó.

<sup>13</sup> Atétepa, Yesuné ama naase teréę faróló kale whiné tikimó wolaayóló duraalu, “Naao tiki yało wisiraaai kisipa mutapa wisiyae,” yalepó. Téyalemó, mo ai fapotóró kale whiné dore tiki mo ti wisiyó felepó.

<sup>14</sup> Atéro, Yesuné kale whi dotonaaai ąpaae mo diri ma fo yóló duraalu, “Yało naao tiki wisiralepóló, mo whipaae momókó yaęse. Ya fóló, Kótópaae momaratere whiné naao tiki fope yópóló, yó male fae. Atéro fopeyóló naao tiki wisipa kilitu, Moses-né ere fo sya furaalu, Talepaae hałe melae ere ęla melae. So whi feané ai ala kilituraalu, ita Talené erapó kisipa muaalopó,” yalepó.

<sup>15</sup> Yesuné mo so whipaae yaęse yaletai, i ala yalepóló deté kweyóló fakeratepa, so whi feané woseturaalu, atimané kae kae kisi beterape wisiróo, ama dere fo wosóo yaairaalu, wua yalepó.

<sup>16</sup> Atépatei, Yesu ą so whıtamo betere tiki taaróló so whikélé bitinire tikipaae suka fea moma eneta dua yalepó.

*Yesuné tiki momaare whi wisirale fo  
(Mat 9:1-8, Mak 2:1-12)*

<sup>17</sup> Atéro, me sukamó etéyalepó. Ama fo yó mótu betepa, mepaae Farisi whıraperó Moses-né asere fo yó matere whırapetamo Kaleli haeró Judia haetamomó betó mole so whikélé, Jerusalem be hulua so whikélé, wóló betó molepó. Ai sukamó, so whi feané kisi bete wisiraaire Talené fotokọ sımó bolepó.

<sup>18</sup> Atépa, mepaae whırapené betą tiki momaare whi besekené dokopatei, beleyóló wóló be

tuapaae holóló Yesu beterepaae sóró holaai kisipa mualepó.

<sup>19</sup> Téró, kale whi sóró faaire tumó so whi mo fea daayale tikimó fenénipa, siki bepaae sóró holóló kea sokóló, kale whi dokopatei, beseķtamo Yesu daale donotóró deralepó.

<sup>20</sup> Atéró, atimané kisipa tiki tiratere ala Yesuné kolóló, kale tiki momaare whipaae duraalu, “Ti naale-ó, naao dowi alamó kwia melaai yaletei mió i kemeratere ape,” yalepó.

<sup>21</sup> Yesuné ai fo depa, Farisi whiraperó Mosesné asere fo yó matere whirapetamo atimasisi fo yaai tuę teketu betalepó. “Ti whiné ata, Kótó kaaepó du betere foné Kótó faletu beterapó. Mo whi betanékélé dowi alamó melaaire kwia kemeranénitei, Kótóné betā sumó enérapó,” du betalepó.

<sup>22</sup> Atéró mutere kisipa Yesuné kolóló, atimapaae duraalu, “Noatepa diā atei tuę mutu bitu de?”

<sup>23</sup> Ti mé fo so whi feané enére? Naao yale dowi alamó saaire kwia aluratapó enérepe, ya turukó holóló naao beseķ sóró fae fo enére?

<sup>24</sup> I haemó betó mole so whiné dowi ala bete tokóló aluraaire fotokō Whiné Naalemané sumó bulapóló, kisipa yaasepóló i whipaae eratere ala kelaē. Yalo yapaae mo i dere ape, ya turukó holóló naao beseķ sóró bepaae fae,” yalepó.

<sup>25</sup> Ai fapotóró kale be whi so whi feané keletómó turukó horóló ama beseķ sóró bepaae furaalu, Kótóné doi hale sóró horaté felepó.

<sup>26</sup> Atéteremó, so whi fea winé sukutu sirayóló duraalu, “Mo take etei kaae ala depa, dané kolókéle



ini, mió kisi ala keletapóló,” Kótóné doi hale sóró horótu betalepó.

*Takis moni sere whi Lipaipaae Yesuné a sya ape yale fo*

*(Mat 9:9-13, Mak 2:13-17)*

<sup>27</sup> Ai ala yóló kemetepa, Yesu a betá *takis moni* siré kotere whikó ama doi Lipai *moni* su betepa kolóló, Yesuné a paae duraalu, “Ya e sya ape,” yalepó.

<sup>28</sup> Ti fo depa, a turukó holóló ama ɔla ɔlakélé mupatei, taaróló a sya felepó.

<sup>29</sup> Téró, Lipainé Yesu ama bepaae dapesó fóló, amó doasi ɔla deralepó. *Taks moni* siré kotere whiraperó mepaae so whitamó fea touró bitu, ɔla nuku beterepó.

<sup>30</sup> Tétu betepa, mepaae Farisi whiraperó atima betá kisipa mulu Moses-né asere fo yó matere whirapetamoné Yesuné yó matere whirapepaae duraalu, “*Taks moni* siré kotere whiraperó dowi ala du betere whirapetamo weiró ɔlatamo betamó noatepa ɔla nuku bitu dérópó,” yalepó.

<sup>31</sup> Ti fo depa, Yesuné atimapaae duraalu, “Hepo daanire so whi *dokta* whi beterepaae fumi, hepo daale so whi maaté fua dapó.

<sup>32</sup> E waleteita, donoi ala du betere whipaae ape yaai ani, dowi ala du betere so whi atimané dowi ala taaróló ape yaairaalu walepó,” yalepó.

*Yesuné yó matere whirape ɔla woteremó yale fo*  
*(Mat 9:14-17, Mak 2:18-22)*

<sup>33</sup> Atimané a paae duraalu, “Jon-né yó matere whirapeta, Kótópaae kisipa muóló, me féli ɔla weyóló bitu, momatua dapó. Atétere kaae, Farisi

wh̄irapené yó matere wh̄irapekéle atétua dapó. Tétépaitei, naao yó matere wh̄irape ai ala ini, atima ɔlaró wēitamo nokole ala suka fea h̄ale yó tarapó,” yalepó.

<sup>34</sup> Tétépa, Yesuné atimapaee duraalu, “Beta wh̄i ɔ so dokotere sukamó ama nomarape ɔla weyóló h̄ale bitua de? Meipó.

<sup>35</sup> Téyaalo meitei, me sukamó kale so dokaaire wh̄i atima betamó bituraalu, ɔla nuku beteralemó, ɔ tawóló só fole sukamó atima ɔla weyóló h̄ale betaalopó,” yalepó.

<sup>36</sup> Ama atimapaee yale fo kisipa s̄ópóló, me fo sale etéro yalepó. “Mepaae wh̄iné kisi kuti bis̄ayóló der̄akele kuti bis̄aae faletei nomotua de? Atétépa, ti der̄akele kutiné kisi kuti h̄ukulu yóló doróo, nomaletéikélé kokó ini yóo, yaalopó.

<sup>37</sup> Atétere kaae, mepaae wh̄irapené *wain* wēi hupu sekaené aleyale der̄akele wutimó tepetumipó. Até enalemó, kale wēi fotokóné kale hupu sekaené aleyale der̄akele wuti fulukó furaalu, wēikélé sunée faalopó.

<sup>38</sup> Até yaqsóro, atimané kisi *wain* wēi tepeturaaalu, ti hupu sekaené aleyale kisi wutimó tepetua dapó.

<sup>39</sup> Folo moi *wain* wēi nokole wh̄irape atima kisi *wain* wēi naai h̄ekese dumipó. Ti noatepae, folo moi *wain* wēi nóló toureteiné mo wisirapó, du beteraapó,” yalepó.

## 6

*Yesu ɔta, s̄aa nokole be dē t̄eteróló kaae tare*

### *Talepó yale fo*

*(Mat 12:1-14, Mak 2:23-28, 3:1-6)*

<sup>1</sup> Téró, s̄aa naai tukóló muló betere be demó, Yesu ̄a ama yó matere wh̄rapetamo *whit* kutó tuamó t̄eyóló felepó. Atéró furaalu, ama yó matere wh̄rapené ai kutómó ere *whit* du k̄aae s̄oró fumi hotokóló nukulé fu betalepó.

<sup>2</sup> Mepaae Farisi wh̄rapené até dere ala kolóló, ̄apaae duraalu, “S̄aa nokole sukamó naao yó matere wh̄rapené atei ala yópóló, noatepa kaae tare?” yalepó.

<sup>3</sup> Ai fo depa, Yesuné atimapaae tokó mótu duraalu, “Depit-ró ama fulumu wh̄rapetamo wotetepa yale ala asemó moletei, diaā dos̄ayóló kisipa muni airapó.

<sup>4</sup> Depit ̄a Kótóné be dolopaae holóló bituraalu, Kótópaae melale mo kae muló betere *bred* otei ama s̄oró nalepó. ̄A nóló, kwiapaae ama fulumu wh̄rapekélé matepa, atimané s̄oró nalepó. Ai ota, h̄ale mo wh̄iné nukumi, Talepaae momaratere wh̄rapené maaté nukua dapó,” yalepó.

<sup>5</sup> Téró, Yesuné atimapaae duraalu, “S̄aa nópóló tukóló muló betere be d̄e t̄eteróló kaae tare Taleta, ti kale wh̄iné Naalemapó,” yalepó.

<sup>6</sup> Téró, s̄aa nokole me be demó, Yesu ̄a Kótóné fo wosetere be dolopaae fóló, fo yó mótu betalepó. Atéró yó mótu betalemó, bet̄a wh̄i ama turu naase sinóló dopa kelalepó.

<sup>7</sup> Atétepa, mepaae Farisi wh̄rapero Moses-né as̄ere fo yó matere wh̄rapetamoné Yesu só der-aaire bete kikitu, kale s̄aa nokole be demó naase dowi wh̄i wisiratéro kelaairaaalu, kaae tawóló beterepó.

<sup>8</sup> Atimané atéró mutere kisipa ama kolóló, kale naase dowi whĩpaae duraalu, “Yā so whĩ kuamó turukó holóló, daayae,” yalepó. Atétepa, kale whĩ ą so whĩ feané keletómó daane holalepó.

<sup>9</sup> Tétepa, Yesuné atimapaee duraalu, “Yālo diāpaae betą fo wosetapó. Sāa nokole sukamó noa ala yaqse yóló mule? Whĩ tao sóró wisiratere alapé, dowi ala deretei? Ó whĩ sukaqsóró tao sere alapé ó whĩ betere bete doratere alaé?” yalepó.

<sup>10</sup> Ai so whĩ beterepaae kele keleyóló kale whĩpaae duraalu, “Naa naase teréę falae,” depa, kale whĩné naase teréę faralemó, wisiyalepó.

<sup>11</sup> Atéteremó, doasi fopaae buóló atimasisitei fo kęlaaróló duraalu, “Dąné ąpaae noa alakó er-aaloé,” du betalepó.

*Yesuné 12 whĩrape sóró sóró beterale fo  
(Mat 10:1-4, Mak 3:13-19)*

<sup>12</sup> Téró betą sukamó Yesu ą moma yaairaalu, du sorokó mole aqpaee felepó. Atéró, aimó Kótópaae moma deté fu betepatei, be dęralepó.

<sup>13-14</sup> Atéró be dęyó hotepa, hĩka ama yó matere whĩrapepaae ape yóló, fea betó mupatei, 12 whĩrape maaté sorokó sóró, *aposel* doi mulalepó.

<sup>15</sup> Saimon doi mupatei, ama me doi Pita mulalepó.

<sup>16</sup> Ama noma Andru, Jems, Jon, Filip, Batolomiu, Matyu, Tomas, Alpias-né naalema Jems-kélé, kęlo kęlore whĩ Saimon, Jems-né naalema Judas-kélé, Yesu dópóló eleké deyaaire whĩ Judas Iskariot, atima atéró whĩrape sóró beteralepó.

<sup>17</sup> Atéró, Yesu ą kale du sorokó mole tiki taaróló, ai aqmó sawa mulure tikipaae ama sóró

beterale wh̄rapetamo derepelepó. Kale mepaae yó matere wh̄rapekélé, Judia hae kwiamó wale so wh̄kélé, Jerusalem be huluamó wale so wh̄kélé, w̄i fókú felekemó t̄ene Tair beró Saidon beta-momó wale so wh̄kélé, mo h̄ale ɔla kaae wóló touró beterepó.

<sup>18</sup> Atéró waleteita, ama dere fo wosóo, atimané kisi bete kemeróo, mepaae so wh̄kélé dowi kepe tepeyóló betereitei dóló h̄okonóo, yópóló walepó.

<sup>19</sup> Ama fotok̄oné aimó betó mole so wh̄i atimané kisi bete wisirótua yaleteiné, ama tikimó wolaayaai dapóló walepó.

*Yesuné ama yó matere wh̄rapepaae dere fo  
(Mat 5:1-12)*

<sup>20</sup> Atétepa, Yesuné ama yó matere wh̄rape kaae taru duraalu,

“Dīa yoleale betere wh̄rapeta, ti Kótóné t̄eteró betere ala sereteiné dīa h̄ainé sukutu beterepó.

<sup>21</sup> Dīa mió wotené sukóló mole so wh̄rapeta, take ɔla s̄umó naalopóló kisipa mutu, h̄ainé ai sukutu betere ape.

Mió dīa dekené sukóló moló du betere so wh̄ita, take h̄ainé sinóló betaaireteimó, Talené wisiró beterepa, wisi kisipa muóló betae.

<sup>22</sup> Atéró, dīa Wh̄iné Naalema sya fu beterepó, mepaae wh̄rapené dīa h̄óróo, kae beterepóló h̄okó falóo, dowi ala dere wh̄ipóló diaaɔ doi doróló fale yóo du beterepa, ti Talené dīa wisiró beterepa, h̄ainé sukutu betae.

- 23 Atétere sukamó hekesené sukutu, tųwó holae. Ti noatepae, diaaḡ take saaire doasi dupu wisi hepen-mó muló betepó. Ti take atima alimarapénékélé Kótóné ama kóló whırapepaae betḡ kaae ala erótua yalepó.
- 24 Téretei, néli whırape diḡ mo doa wió yae! Ti noatepae, diaaḡ tiki feléyóló mo dua be-taire ala taketi sóró tareteiné, nalopaae atei wisi wisi ɔla momó kae saalomeipó.
- 25 Mió diḡ mepaae whı de ɔla sımó nóló betere so whı diḡ mo wió yae! Ti noatepae, take diḡ wotené sukḡalo ai ape.  
Mió diḡ mepaae whı de dḡ nóló hekesetu betepa, take diḡ dekené sukuturaalu doasi wole yaaireteiné mo doasi kḡlerapó.
- 26 So whı feané yaḡpaae whı wisi-ó, yóló dukiratere fo du betepa, kḡlerapa mo doasi wió yae. Ti noatepae, mió diḡ dukiratere so whı atima alimarapénékélé take betale kapala kóló whırape atéro dukirótua erapó,” yalepó.

*Bóe whıpaae yaala sókó fu betae yale fo  
(Mat 5:38-48)*

27 “Téretei, mepaae yaḡo fo wosetere so whı diḡpaae i dere ape. Diḡ hóróló bóe duraalu, dowi ala erótu betere so whıpaae yaala sókó fóló hekesené sukutu, wisi ala betḡ erae.

28 Mepaae whı dené diḡ doróló sekeratere fo depa, Kótóné atima wisirópóló, fo wisitei yae. Mepaae whı dené diḡpaae sekei ala eratepa, Kótópaae atima wisirae yóló momarae.

29 Mepaae whı dené naao faamumó deké supa, metikirókélé dḡpóló yó melae. Mepaae whı dené

nao tómó deró betere kuti sokotepa ti naao tuamó deró betere kutikélé seséni, sokópóló yae.

<sup>30</sup> Mepaae whi dené yapaae me olakó alae depa, ama kematere ola melae. Mepaae whi dené naao tare ola fasetepa, momó alae fo yaose.

<sup>31</sup> Mepaae so whiné yapaae eranée dere ala kaae, naao mepaae so whipaaekélé erótua yae.

<sup>32</sup> Diapaae yaala sókó fu betere whipaae maaté yaala sókó fu betere-a, ai doasi alae? Mepaae dowi ala dere whirapenekélé atimané fulumu whirapepaae atéro yaala sókó fole ala du beterapó.

<sup>33</sup> Mepaae whi dené diapaae wisi ala erótu betepa, diaaokélé atimapaae wisi ala eratepa, aita doasi ala meipó. Ti aita, dowi ala du betere so whinékélé dere alapó.

<sup>34</sup> Diaaotamo mepaae whiné diapaae momó tokó melópóló me ola melatepa, ai-a hapólure? Ti mepaae dowi ala dere whirapenekélé momó tokóló saai ai ala dua dapó.

<sup>35</sup> Tépateti diaaota, bóe whipaae yaala sókó fóló wisi ala beta erótua yae. Atéturaalu, naao me ola mótu, momó tokó melópóló kisipa muóló meni, hale meló beta yae. Atétepa, ti diá mo taoró betere Kótóné dupu wisi menóló, ama naalerape betaalo ai ape. Ti noatepae, ama kolené sukutere alaró hale tao sere alatamota, dowi ala du betere whiraperó apaae mo kée initere whirapetamopaae erótu beterapó.

<sup>36</sup> Diaaot Ayané mo so whi feapaae kolené sukutu dere kaaetóro diaaokélé me whipaae atéro kolené sukutu betae,” yalepó.

*Me whi hāletei foné só deraqse yale fo  
(Mat 7:1-5)*

<sup>37</sup> “Diaaḡ me whi taleyóló só deratere ala yaḡse. Naaotamo me whi só deratere ala initepa, ti mené diākéle taleyóló só deraalomeipó. Diāné mepaae whitamo foné só deréni depa, ti yaḡkéle mené só deraalo meipó. Mené yaḡpaae erale dowi ala me ḡla meipóló hāle kemeratepa, ti diaaḡ yale dowi alakéle me ḡla meipóló hāle kemeraalopó.

<sup>38</sup> Mepaae ḡla ḡla yaḡyaḡe so whimó hāle matepa, menékéle diāmó hāle melaalo ai ape. Naa me ḡla melaai depa, ti deyóló mo ti faḡánóló melae. Ti noatepae, nao mepaae whimó mo dekéro mótu dere kaae, menékéle yaḡmó nao male sḡtóró melaalo ai ape,” yalepó.

<sup>39</sup> Atéro, ama i yale fo tómó atimapaee i fo sale yalepó. “Betaḡ kele dilikire whiné me kele dilikire whipaae tu i mole ape yóló ḡlisóro fenére? Atétepa, ti ḡ dée nukuraalu, atimamo wusuró dée nóló dolopaae derepaalopó.

<sup>40</sup> Betaḡ *skul* naalené ḡ yó matere whi teteraalo meipó. Téyaalo meitei, kisipa siré fóló sḡtepa, ti ḡ yó melale whi kaae betaalopó.

<sup>41</sup> Naa kele dolomó doakale bole ni fake kilini, nao noné kelemó sawatamo bole mometei noatepa sokaai du betere?

<sup>42</sup> Naa nopaae duraalu, ‘No-ó, nao kele dolomó bole mome sawa sokotapa maé,’ dere noatepa de? Naa kele dolomó bole doasi ni fake sokóló nao kele feléruraalu, ti nao noné kelemó bole mome sokotapa mo wisirapó,” yalepó.



*Wisi niné dowi du oletimipó yale fo  
(Mat 7:16-20, 12:33-35)*

<sup>43</sup> “Ni wisiné dowi du oletimipó. Dowi ninékélé wisi du ulutimipó.

<sup>44</sup> Mo nirape fea du oletepa kolóló, ita du wisi oletefe nipó, ita, kokola oletefe nipó dua dapó. Whirape feané nose du teketuraalu, mu daai képi tikimó ó hãle hõko ni tikimó olepa teketumipó. Mo besãae teketukélé hãle kèpimó olepa tekete? Meipó.

<sup>45</sup> Whi wisiné hosaa tuãmó wisi alatóro fãayóló muluraalu, ama dere fokélé, wisi fotóro dua dapó. Dowi whiné ama hosaa tuãmó fãayóló mole alatóro dowi fo hãkeamó depa wosetua dapó.

*Be hõko tẽtere alaró wisiyóló tẽtere alatomomó  
yale fo*

*(Mat 7:24-27)*

<sup>46</sup> Yãlo diãpaae yae dere alamo diaaõ iniyóló, epaae doasi Tale-ó fo noatepa du betere?

<sup>47</sup> Mepaae whiné yãlo dere fo wosóló, yãlo yae dere alakélé wisiyóló erótu betere so whi ti etei kaae alané kelerapó.

<sup>48</sup> Whi betané ama be tẽyaairaaalu, tó hae fea dukuté doropóló, hae dirimó kapo fake mulóló, ai tómó be tẽtua dapó. Atéro tẽne be doakale hali tikiró wẽi asyatamo waalotei, ai be mo wisiyóló tẽneteiné tokó fenipó.

<sup>49</sup> Tẽyaalotei, whi me dené yãlo fo wosetutei, yãlo erae dere ala erẽnitepa, ti etei ala kaaené kelerapó. Whi betané ama be tẽyaairaaalu, tó hae kãayóló taae faréni, hãle hõko tẽnapó. Atépa, doakale hali

tikiró wẹi ayatamo waletikimó, kale be tokó taae faróló, mo ti doralepó,” yalepó.

## 7

*Topo diki tare whịné kutó diratere whị wisirale fo*

*(Mat 8:5-13)*

<sup>1</sup> Téró, Yesuné so whịpaae fo yó melóló keme-tepa, ą Kapeneam bepaee felepó.

<sup>2</sup> Ai bemó betą topo diki tare whịné ama hosaa mole kutó diratere whị betą heponé mo felekemó sukąai du betalepó. Ai topo whịné 100 Rom diki tare whịrape tẹteróló kaae tarepó.

<sup>3</sup> Atépa, kale topo whịné Yesu wóló bete-apó dere fo woseturaalu, ama kutó diratere whị Yesuné tao sene wópóló, mepaae Juda topo whịrapené ąpaae ene fópóló doteyalepó.

<sup>4</sup> Atima Yesu beterepaae wóló ąpaae duraalu, “U whị wisinaale mo felekemó sukutapa, naao ą wisiraasepóló yą dą faalopó.

<sup>5</sup> Ti noatepae, dą Juda fake so whịtamo hẹkesené sukóló yaala sókó fole ala muluraalu, dąné fo wosetere bekélé ama tẹnalepó,” yalepó.

<sup>6</sup> Atétepa, Yesu ą atimatamo fóló, kale whịné be felekepaae sókó waairaalu wou betepa, kale diki tare whịrapené doasi topo whịné ama fulumu whịrape Yesutamo tumó hokolaatu, i fo yae yóló dotonalepó.

<sup>7</sup> Atétepa, atima fóló, kale topo whịné Yesupaae yae yale fo yalepó. “Tale doa whị-ó, ą whị wisi betepapakó yą ama be tuąpaae ape yaalomeipa, yą tika tumó daalu kisi bete wisi yae fo betą yae.

<sup>8</sup> Ti noatepae, ẹkélé ẹ tẹteróló kaae tare whị aomó betepapó. Yalo diki tare whịrape atimakélé ẹ aomó betepapó. Ai whịrapepaae yalo ‘Fae,’ depa fío, ‘Yá ape,’ depa wóo, dua dapó. Yalo kutó diratere whịpaae i ala yae depa, ai alatóró ama dua dapó,” yalepó.

<sup>9</sup> Yesuné i kale whịné ene wale fo wosóló sirayalepó. Téró, Yesu fetée fóló ẹ sya wou betere so whịpaae duraalu, “Israel hae kwiamó etei kaae kisipa tiki tiró betere whị mo betakélé betepa kilinipó,” yalepó.

<sup>10</sup> Téró, kale doasi topo whịné doteyale whịrape bepaae momó fesaae wóló kelalemó, kale kutó diratere whịné hepo bete wisiyóló, mo betepa kelalepó.

### *Yesuné wulia soné naale kepaarale fo*

<sup>11</sup> Atéró, Yesu ẹ Kapeneam be huluamó sawa beteró, ama yó matere whịrapekélé, mo so whịkélé, fea ẹtamó Nain be huluapaae sókó faai fu betalepó.

<sup>12</sup> Atéró fu betalemó, ai be hulua tipiné bopéro daaló betere tikimó sókó felemó, betẹ sukale whị beleyóló walepó. Ai naalené hamata, oma sukóló wulia bituraalu, ai naale betatóró kaae tarepó. Ama tiki sini beleyóló fupa, ai be huluamó betó mole so whịkélé fea ẹtamó fu betalepó.

<sup>13</sup> Atétepa, Talené kale so kelalemó, kọlené hosaamó supa, ẹ daalepaae fóló duraalu, “Yá wole ekesé,” yalepó.

<sup>14</sup> Téró, Yesu ẹ wóló kale sukale whị dokore besekẹ olaatepa, beleyóló fu betere whịrape feni,

keɣyóló daayalepó. Atétepa ama duraalu, “Ti naale-ó, ɣalo ɣapaae dapa turukó holae,” yalepó.

<sup>15</sup> Tétepa, kale sukale wh̄itei turukó holóló bituraalu, fò kaae sóró yalepó. Téró, Yesuné kale sukale naalené hamapaae naao naale ai ape yóló melalepó.

<sup>16</sup> Ai ala kolóló, so wh̄i fea winé sukutepa, Kótóné doi hale sóró holóló duraalu, “Kótóné mo doasi kóló wh̄i betɔ́ ama so wh̄i tao saai i wóló betere ape,” yalepó.

<sup>17</sup> Yesuné ai ala du beteropó fo Judia hae kwiaró ai hae kwia tuámó betóló fale so wh̄itamó feapaae deté fóló fakeralepó.

*Jon-né amayó matere wh̄i tamo Yesu beterepaae dotonale fo*

*(Mat 11:2-19)*

<sup>18</sup> Atéró, kale Jon-né ama yó matere wh̄irapené Yesuné i alarape du beteropóló, Jon-paae ene walepó.

<sup>19</sup> Jon-né ama yó matere wh̄i tamopaae ape yóló, Tale beterepaae fópóló doteyalepó. Atétepa, atimaamo fóló apaae woseturaalu, “Waalopóló bope du betale wh̄i ɣapé? Wh̄i me kae wópóló kaae tawaróe?” fo ene fópóló dotonalepó.

<sup>20</sup> Atéró, kale wh̄i tamo Yesu beterepaae wóló apaae duraalu, “Dɔ́mota, w̄ei tópuratere wh̄ikó Jon-né ɣapaae wosene fae depa walepa, ɣata kale waalopóló bopetu betale wh̄ipé, wh̄i me kae wópóló kaae tawaalóe?” yalepó.

<sup>21</sup> Atéyale sukamótóro Yesuné mepaae hepo daale so wh̄ikélé, depe dolomó dowi kepe betere

so wh̄ikélé, kele dilikire so wh̄ikélé, wisirótu betera-  
apó.

<sup>22</sup> Atéro, ama atimaamopaae duraalu, “Diaamo fesaae fóló diaamoné wosale foró kelale alatamo Jon-paae ene fae. Mepaae kele dilikiyóló betale so wh̄iné kele fisaae fóló ɔla ɔla kolóo, h̄oleke dore so wh̄i mo sesere wh̄i kaae kweyóo, dowi humu fuluné tiki dore wh̄irape sesere mo betere wh̄iné tiki kaae daayóo, mepaae woséli kinu fokélé wosenire so wh̄i woséli tukwe falóo, mepaae sukutepa dourai yale so wh̄itei kepaaróo, mepaae yoleale betere wh̄irapepaaekélé, kale mió wosetere fo wisi yó matepa wosetu betera-  
apó fo ene fae.

<sup>23</sup> Mepaae so wh̄i de yało du betere alamó dée néni, suka fea eró tare so wh̄ita, h̄ainé sukópóló yae fo apaae ene fae,” yalepó.

<sup>24</sup> Atéro, kale Jon-né doteyale wh̄i tamo fimó, Yesuné Jon-mó kisipa mutu, ai betó mole so wh̄ipaae duraalu, “Upulé dią so wh̄ikélé bitini kópu kaae fitikipaae fua yale-a, besené kape fépo eraterere kelaai felepé, wh̄i kuti wisinaale deróló auretei kelaai feleé? Meipó.

<sup>25-26</sup> Ti mepaae wisi wisi kuti maaté deraterere wh̄ita, topo wh̄i betere be wisimótóro bitua dapó. Aąa atei ala inipa, dią noa ɔlakó kelaai feleé? Atépatei, diątamó Kótóné ama kóló wh̄i mo kelaai fitikimó, ti aąa ai kutó maaté mei, mepaae kutókélé dirópóló sóro betero betera-  
apó.

<sup>27</sup> Asemó yóló muló betere fota, i wh̄imó kisipa mutu erapó.

‘Wh̄i beta api folosóro furaalu, ya waaire tu dono-  
rae fo ene fópóló yało doteyaalo ai ape.’

28 Yało diɔpaae i dere ape. I haemó betó mole soné deale wh̄irapekélé fea betó moletei, kale w̄ei tópuratere wh̄i Jon-né t̄eteró beterapó. T̄epatei, wh̄i me detamo Kótóné t̄eteróló kaae tare aomó, belei sókó deóló betepa, ti kale w̄ei tópuratere wh̄i Jon bosenée falapó,” yalepó.

29 Mo so wh̄i fearó *takis moni* siré kotere wh̄irapetamo Jon-né dere fo wosóló sya fupa, atima w̄ei tóपुरateiné Yesuné yale fo wosóló, Kótó ɔta, mo donotóro taletere Talepó du betalepó.

30 Téyaletei, mepaae Farisi wh̄iraperó Moses-né asere fo yó mótu betere wh̄irapetamo Kótóné tao sóró eraai yale wisi ala atimanétei h̄oralepó. Ti noatepae, atima Jon beterepaae w̄ei tópuairaalu feni yaleteinépó.

31 Téró, Yesuné duraalu, “Mió i alimó betere so wh̄irapené du betere ala yało noapaae dó faróló yaaloé?

32 Atimata, so wh̄i mo fea touróló betere tikimó, kale keteirape atimasisitei melaa duraalu, etei kaae ala dere naale senaale kaaené kelerapó.

‘Diɔ k̄iliyópóló ɔané fó wuti haleróló mepaae wole forape yaletei, diɔ h̄ekeseyóló sama k̄ilinipó.

Diɔ deke duraalu moló yópóló, mepaae wole forape yaletei, diɔ wolekélé inipó,’ yalepó.

33 Atére kaae, kale w̄ei tópuratere wh̄ikó Jon ɔlakélé, w̄eikélé, néni, weyóló h̄ale betepa, diaaɔ duraalu, ‘A tuamó dowi kepe tepeyóló beterapó,’ dua yalepó.

34 Kale wh̄iné Naalema ɔlaró *wain* w̄eitamo nokole ala kolóló diaaɔ duraalu, ‘Kelere? i wh̄ita, ɔla mo dekéro nóo, *takis moni* siré kotere

wh̄iraperó dowi ala dere wh̄irapetamo fulumu yóo, du beteraṗó, fo diaaḡ ai dere ape,” yaleṗó.

<sup>35</sup> Atei fo diaaḡ du betereṗó, mepaae so wh̄i de Kótóné mo fo wisi wosóló sya fupa, so wh̄i feané haḡeamó kilitu, ita Kótóné mole fosó fosóre tué sya feleteiné erapó, yaleṗó.

*Dowi ala du betale soné Yesuné hó fokale fo*

<sup>36</sup> Téró etéyaleṗó. Farisi wh̄irapekó betané Yesu-paae aṗamo ḡla naai faalopó depa, fóló betereṗó.

<sup>37</sup> A atéro wóló Farisi wh̄iné bemó ḡla nuku beteraṗó dere fo ai be huluamó dowi ala du betere soné wosóló, *alapasita* kanené aleyale wutimó felé ḡlaa wale *wel* weṗi sóró waleṗó.

<sup>38</sup> Atéro wóló, a Yesuné sisópaae fóló, ama hó aḡmó hemée deyóló bitu, wole du betaleṗó. Atéro du betale wole kaaṗe Yesuné ḡleke tópaee durupu betereṗó. Tétepa, kale soné ama topo nikinéṗi, helekḡló kópurótu betaleṗó. Atéro, kale soné Yesuné ḡleke tamo ḡló tukó nóló, kale felé ḡlaa wale *wel* weṗi ama hómó suniyaleṗó.

<sup>39</sup> Atétere ala beta Farisi wh̄iné kolóló, ama kisi-panéṗi duraalu, “I wh̄ita, Kótóné ḡló wh̄i uḡsóró, ti ama hómó olaa deremó, dowi ala dere sonéṗi a olaa dapó, kisipa muḡpó,” yaleṗó.

<sup>40</sup> Tétepa, Yesuné aṗaae duraalu, “Saimon-ó, ḡlo ḡpaee yaaitere fo beta mulapó,” yaleṗó. Ti fo depa, ama duraalu, “Yó matere wh̄i-ó, naao eṗaae yaaitere fo yae,” yaleṗó.

<sup>41</sup> Ti fo depa, Yesuné aṗaae duraalu, “Beta wh̄iné *moni* momó tokḡ melaai dapóló, tamo wh̄iné kwia mulóló me wh̄iné 500 *denarias moni* sóo, me wh̄iné 50 *denarias moni* sóo, yaleṗó.

<sup>42</sup> Kale whi tamoné sale *moni* talepaae tokó melaairetei sūnipa, kale whiné me ɔla meipóló, taaralepó. Atéro taalatepa, atimaamokó mé whiné kale *moni* talepaae doasi hosaa muóló yaala sókó fole ala enére?” yalepó.

<sup>43</sup> Ti fo depa, Saimon-né ɔpaae duraalu, “Yalo kisipanéta, kale doasi *moni* sale whi ɔ həkese yaalo ai ape,” Tétepa, Yesuné duraalu, “Naa dere fota, mo dono dapó,” yalepó.

<sup>44</sup> Téro, ɔ kale so daalepaae fetée fóló, Saimon-paae duraalu, “I so naao kelere? Ɛ naao bepaae waleteti, yalo hɔleke fokópóló, naao wɛkó ɛ menipó. Ténitei, i soné betɔ ama wole kaape fɛ yalo hómó epa, ama topo nikinétei helekóló kópuralepó.

<sup>45</sup> Ɛ naao bepaae wale sukamó, yalo faamumó naao kóló tukó néni, i soné betɔ yalo hó kóló tukó nuku betalepó.

<sup>46</sup> Naa yalo topomó *wel* wɛi dilénitei, i soné betɔ yalo hɔlekemó felé kɛlaa wale *wel* wɛi dilalepó.

<sup>47</sup> Atéyale kaae, yalo ɔpaae i dere ape. I soné ama mo doasi du betale dowi alamó saai yale kwia yalo hɔle kemeraleteiné ama ɛpaae hosaa muóló doasi yaala sókó fu betera-pó. Tépateti, whi me dené ama dowi ala hɔle tómó maaté kemeratepa, ti ama yaala sókó fóló həkese-né sukutere alakélé hɔle tómó erapó,” yalepó.

<sup>48</sup> Téro, Yesuné kale sopaae duraalu, “Naa yale dowi alamó saaire kwia hɔle kemeró betera-pó,” yalepó.

<sup>49</sup> Ai fo depa, ɔtamo betámó ɔla nuku betere whirape atimasisitei, fo kɛlaaróló duraalu, “I



wh̄ita, Tale kaae bitu, dowi alamó saaire kwia ama hāle kemeraalopóló dérópó,” yalepó.

<sup>50</sup> Tétepa, Yesuné kale sopaae duraalu, “Naao kisipa tiki tiró betere alané yā tao sóró wisiralepa, naao hosaa muni deyóló mo dua fae,” yalepó.

## 8

### *Ōla wae biliterepaae dó faróló yale fo sale (Mat 13:1-23, Mak 4:1-20)*

<sup>1</sup> Ai ala yóló kemetepa, Yesu ā doasi be huluaró sawa be huluatamopaae fóló kale fo wisi yó móturaalu, Kótóné t̄eteróló kaae tare aqmó mole ala etérápóló yó maté kw̄eyalepó. Ā atéró kotere alata, ama yó matepa wosetere 12 wh̄irapekélé feapó.

<sup>2</sup> Téró, take depe tuamó dowi keperape betepa wisirale sorapekélé, mepaae hepo daapa wisirale sorapekélé, fea ātamo felepó. So wh̄iné Mak-tala be hulua sokó Mariapó du betere so felepó. Ai sota, take w̄eikeró dowi keperape tepeyóló betepa, dóló h̄okonale sopó.

<sup>3</sup> Kale topo wh̄i Herot-né ama be ó ɔla ɔla fea kaae tanópóló, sóró beterō betere wh̄i Kusané soma Joanakélé, so me Susanakélé, mepaae sorapekélé, mo fea ātamo felepó. Ai sorape atima *moninétei*, Yesuró ama yó matere wh̄irapetamo tao sua yalepó.

<sup>4</sup> Atéró so wh̄i fea betapaae tourótu betepa, mepaae kae kae doasi be huluamó betó mole so wh̄ikélé wóló tourótu betalepó. Atépa, Yesuné ama i fo sale yalepó.

<sup>5</sup> “Whị betāné ọla wae ke ama kutómó terepeté kwẹyaairaaalu, sóró felepó. Atéro furaalu, mepaae kerape tumó sorokóta yóló mupa, so whịné hōlekené ẹyiya ẹyiya yalepó. Atépa, sikimó kotere barape dorowóló, kale kerape dósu yóló nalepó.

<sup>6</sup> Téro, kale whịné kutómó kerape terepeté kwẹyaaletei, mepaae ti kane tómó dakere haemó taae doróló hapale holalepó. Téyaaletei, kapo tómó dakere hae fe meiru, kale ọla wae feleke doaló derepeniyóló, hapale séliyalepó.

<sup>7</sup> Mepaae ke ti dowi ne eremó taae derepelepó. Atéyaaletei, dowi netamo betámó holóló kale ke ọla wae wisi dowi nené bopeyóló aluralepó.

<sup>8</sup> Mepaae hae wisimó terepée derepele ọla wae wisiyóló holóló, du oleyalepó. Ai ọla ọlumétepa sóró, 100 yorape faanalepó,” yalepó.

Ama i fo sale yóló kemetepa, fo fotokōiné duraalu, “Whị de woséli daapata, i dere fo wisiyóló wosóló tué muae,” yalepó.

<sup>9</sup> Tétepa, ama yó matere whịrapené ọpaae wose-turaalu, “Naao ti yale fo sale noa betené yaleé?” yalepó.

<sup>10</sup> Ai fo depa, ama atimapaae duraalu, “Tale Kótóné ẹteróló kaae tare aqomó kinóló mole ala diaaọ tué yópóló, mené diọ sóró beteró beterapó. Téretei, mepaae hāle mo so whịpaaeta, ti fo salené maaté du beterapó. Ti noatepae,

‘Take atima kelené kelaalotei, mo diriyóló koló faalomeipó.

Take atimané fo wosaalotei, bete mo diriyóló kisipa yaalomeipó,’ erapó.

<sup>11</sup> I yale fo sale bete i ape. Kale ɔla wae keta, ti Kótóné fo wisipó.

<sup>12</sup> Kale ɔla wae ke tumó taae doropóló mupa, barape dorowóló dósu yóló nale kaaeta, mepaae whi de Kótóné fo wisi wosóló, atimané hosaa tuamó mulatepatei, dowi Satan wóló, kale fo wisi tokó sua du betrapó. Aita hãle mei, kale fo wisi wosóló kisipa tiratepa, Kótóné atima tao saqsóró du betrapó.

<sup>13</sup> Téró, mepaae kane tómó dakere haemó taae derepele ɔla waeta, i ala dere kaaepó. Kótóné fo hëkesetamo wisiyóló woseteretei, atimané tué tuamó mulótimipó. Sawa sukamó kisipa tiki tiró bitu, woseté fu betaalotei, sekei ala wale be demó hapale dée nukua dapó.

<sup>14</sup> Kale dowi ne dolomó taae doropóló ɔla wae botokó sóró honiyale kaaeta, i ape. Mepaae whi de Kótóné fo wosólótei, tumó furaalu, atima betere alamó doasi whaalia dere alakélé, tó tikiné felé yaaire alakélé, atimané kisipa tiki tuamó muló bitu, kale fo wisi botokó sóró aluróló, du wisi oletimipó.

<sup>15</sup> Tépateti, hae wisimó taae derepele ɔla waeta, i ala dere kaaepó. Mepaae so whiné kale fo wisi kisipa wisitamo wosóló keteréni, atimané hosaa tuamó mulóló eró tareteiné, ɔla wae kaae holóló, kale fo wisi du oletua dapó,” yalepó.

*Mo whi betanékélé lamp sa kinóló munanéni  
yale fo*

*(Mak 4:21-25)*

<sup>16</sup> “So whiné *lamp* sa deróló haené aleale nuku aqmó ó fitere kea aqmó kinóló munéni, so whi

feané kolópóló dẹróló hakeamó mulótua dapó.

<sup>17</sup> Ti so whiné kelaqsóró mió hiróló muló betere ala fea take fopa hakeamó mulatepa, so whi feané kelaalopó.

<sup>18</sup> Téyaalopa, mió diaaq wosetere fo wisi mo wisiyóló sya fóló, erótóro tawae. Ti noatepae, mepaae so whi dené Kótóné fo wisi mo bete mulapóló tao tapa, atétere so whipaae Talené tómó beleróló mo dekéró melaalopó. Mepaae so whi dené wosale fo wisi ama kisipané tare nisi du betereteikélé Kótóné fasó saalopó,” yalepó.

*Yesuné hamaró nomarapetamo wóló belamó daalopó yale fo*

*(Mat 12:46-50, Mak 3:31-35)*

<sup>19</sup> Téró etéyalepó. Yesuné ama hamaró nomarapetamo a kelaai waletai, so whi fea touraletikimó, a daale felekepaae fenénipa, atima belamó kaae tawóló daae molepó.

<sup>20</sup> Atépa, mepaae whiné apanee duraalu, “Naao haeró nonaaorapetamo ya kelaai wóló belamó daae mulapó,” yalepó.

<sup>21</sup> Ai fo depa, ama atimapaee duraalu, “Mepaae so whi de Kótóné fo wosóló erótu betepa, ti yalo haeró norapetamo ai ape,” yalepó.

*Yesuné hali tikiró besé tikitamo foné sale fo*

*(Mat 8:23-27, Mak 4:35-41)*

<sup>22</sup> Téró me be demó Yesuné ama yó matere whirapepaae duraalu, “I wei kela uté teró faalopa fiépe,” yalepó. Atétepa, atima nuku tuapaae bití holóló, tẹ felepó.

<sup>23</sup> Atéró, atima nukutamo wei tómó fu bituraalu, a nuku salemó toró mulóló, noke firepó. Atéró

węi tómó fu betalemó, doakale besę tikiró węi asyatamo wale tikimó, nuku dolopaae węi bó dorowóló ƒaturaalu, węiné atima mo felekemó aluratapó, du betalepó.

<sup>24</sup> Tétépa, ama yó matere whĩrape fóló, ą turukuróló duraalu, “Doa whĩ-ó, mió węiné dą mo felekemó i aluraterere ape,” yalepó.

Atétépa, ą turukó holóló kale besę tikiró węi asyatamopaae taalae yóló foné salemó, béyóló dono felepó.

<sup>25</sup> Atéró, ama yó matere whĩrapepaae duraalu, “Dią kisipa tiki tiró bitini airapó,” yalepó.

Ai fo deremó atima witepa, sirayóló atimasisitei duraalu, “I sekęnéta, noa whĩrópó. Węi asyaró besę tikitamokélé, ą aomó bitu, ama dere fo mo betą wosetapó,” yalepó.

*Dowi kepe tepeyóló betale whĩ wisirale fo  
(Mat 8:28-34, Mak 5:1-20)*

<sup>26</sup> Atéró, atima ai Kaleli węi kęla tęyóló, Kadarin hae kwiamó sókó felepó.

<sup>27</sup> Atéró, Yesu ą nuku taaróló hae tópaae taae felemó, ai be huluumó betą dowi kepe tepeyóló betere whĩ ątamo hokolaa yaai walepó. ą mo take bitiré woutei, kutikélé deréni, tiki hąle whĩ dou tómótóro bitua yalepó.

<sup>28</sup> Atéyale whĩné Yesu daale kolóló, keterę yóló ama hó aomó deraapisa fóló fió mulu fo fakeyóló duraalu, “Mo taoró betere Tale Kótóné Naalema-ó, yąlo yąpaae dapa, naao ę momó kae susupu-raose,” yalepó.

<sup>29</sup> Ti noatepae, Yesuné kale dowi kepepaae duraalu, ai whĩ tuąmó beteretei taaróló sókó fae dere

fomó yalepó. Ti ąta, take mepaae whinė *sein* képiné dokóló mulótua yaletai, kale dowi kepené ą whı bitinire tikipaae fópóló, hókó fatua yalepó.

<sup>30</sup> Yesuné ąpaae woseturaalu, “Naao doi deé?” depa ama duraalu, “Yąło doita Lisanipó,” yalepó. Ti noatepae, ą tuąmó keperape mo hąle ọla kaae woló, betó moleteinépó.

<sup>31</sup> Téró, kale dowi keperape atima betere tiki taaróló, mo apaae derepale dolopaae hókó de- raąse yóló momó du, momó du, yalepó.

<sup>32</sup> Ai du sorokó mole aąmó hupurape kimimó daae mupa, dowi keperapené Yesupaae wosetu- raalu, “Dą ai hupurape tuąpaae bitı faai dapa, naao dąpaae fae yaalóé? depa, Yesuné wisirapa téyae,” yalepó.

<sup>33</sup> Atétepa, kale dowi keperape kale whı tuąmó betaletai taaróló, kale hupurape tuąpaae tepeyóló bitı felepó. Tétepa, kale hupurape botokó fele tikimó węiné sąane kulamó doropóló, węiné sorokọ fóló, fea sisiraae felepó.

<sup>34</sup> Atétepa, kale hupu kaae tare whırape witu- raalu botokó fóló, doasi be huluaró ipu berapeta- mopaae fóló atimané kelale ala deté kweyalepó.

<sup>35</sup> Ai fo wosale so whı feané noa ala yalerópóló kelaai felepó. Atéró, Yesu berteremó sókó felemó, dowi keperape tepeyóló betale whıtei tué wisi muóló, mo whı kaae kuti wisitamo betepa kilitu, atima wiyalepó.

<sup>36</sup> Téró, mepaae ai ala depa, kelale so whinė ai wale so whıpaae duraalu, “I whıta, dowi keperape tepeyóló betale whıtei, mió ą wisiyóló mo sesere whı kaae, ai berterapa kelae,” yalepó.

37 Téró, ai kale Kadarin hae kwiamó betó mole so whi doasi wituraalu, Yesupaae atima taarólo fae yólo, setu betalepó. Atétepa, a faairaalu, wei nukupaae bitij holalepó.

38 Tétepa, dowi keperape tepeyólo betale whiné Yesupaae akélé yatamo fénére? yólo wosalepó.

39 Tétepa, Yesuné a doteyaa duraalu, “Ya etamo faalomeipa, Kótóné yapaae erale ala yó melai naao bepaee fesaae fae,” yalepó. Atétepa, kale whi a fóló, Yesuné apaae erale alarape ai be huluumó betó mole so whi feapaae yó melaté kweyalepó.

*Yesuné betq senaaleró sotamo wisirale fo  
(Mat 9:18-26, Mak 5:21-43)*

40 Atéró, Yesu a momó wei kela teyólo uté teró sókó fóló beteremó, a wópóló kaae tawóló betó mole so whi fea hekesetamo a boperale walepó.

41 Yesu atéró betepa, Kótóné fo wosetere be kaae tare whi Jairus wóló, Yesu kelalemó, mo doasi whipa, ama hó aomó deraapisa fóló fió mulu, apaae mo miótóro ama bepaee faalopóló, wosetu betalepó.

42 Aita hale mei, 12 ba fo kemere senaale mo betatóro betteretei mo felekemó sukai depa yalepó.

Téró, Yesu tumó fu betepa, so whi feané betekij betekij deté fu betalepó.

43 A atéró sókó felemó, fake fu betepa 12 ba fo kemere so betq walepó. Tétu betepatei, mo whi betanékélé ama ai kisi bete wisiraaire mo sunipó.

44 Atére so a so whi kuamó Yesuné sisóro kikiti sókó wóló, ama tómó deró betere kuti salemó olaa yaletamótóro, ama samea fu betaletei tikalepó.

45 Atétepa Yesuné atimapaee duraalu, “E né olaa yaleé?” yalepó. Téyalemó, ai so whi feané atima meipó depa Pitané duraalu, “Doa whi-ó, so whi feané ya tē alu yóló ai daae mole ape,” yalepó.

46 Tétepa Yesuné duraalu, “Diakó whi betané e olaa yaletikimó, yalo fotokọ sókó felepa, e né olaa yaleé?” yalepó.

47 Téró, so whiné keletómó kale soné ama yale ala hiranénipa, a Yesuné hó aomó deraapisa fóló fió molepó. Atéru, ama kisi bete wisi yópóló kisipa mutu olaa yalemó, kisi bete mo hapale tétitóró wisiyalepo.

48 Téró, kale sopaae duraalu, “Ti senaale-ó, naao kisipa tiki tiraletiné ya ai wisiyalepa, hosaa muni deyóló dua fae,” yalepó.

49 Kale sotamo ai fo du betepatei, fo wosetere be kaae tare topo whi Jairus-né ama be whi wóló apaae duraalu, “Naao senaale mo ti ai sukale ape. Térapa, yó matere whipaae fo me kae ini taalae,” yalepó.

50 Ai dere fo wosóló, Yesuné kale whi Jairus-paae duraalu, “Naao senaleta wisiyaalopa, ya fomoyóló whaaliani, kisipa tiki beta tirae,” yalepó.

51 Atéró etéyalepó. A kale fo wosetere be kaae tare topo whi Jairus-né bemó sókó fóló duraalu, “Mepaae whirape etamo faai dapóló waose. Pita, Jon, Jems, kale senaalené alimaró hamatamo beta wópóló yae,” yalepó.

52 Atéró, sókó fóló kelalemó, kale senaale sukóló mupa molóró fo tiki whaatamo du betepa, Yesuné atimapaee duraalu, “Ai senaleta, sukuni noke



firapa, diaaḡ fo tiki whaaró moló-utamo taalae,” yalepó.

<sup>53</sup> Ai fo depa, atima mo so whinė kisipané i senaaleta, mo ti sukunapóló, ą dḡ nanalepó.

<sup>54</sup> Tétépa, kale senaalené naasemó tao sóró duraalu, “Tí senaale-ó, ą turukó holae,” yalepó.

<sup>55</sup> Atétépa, ama kepe bete ą tuąpaae momó biṭi wouraalu, mo hapale tétitóro turukó holóló daayalepó. Tétépa, Yesuné atimapaee duraalu, “Me ɔlakó nópóló melae,” yalepó.

<sup>56</sup> Atétere ala kolóló, kale senaalené ama alimaró hamatamo hokomó sókó furaalu, sirayalepó. Tétépa, Yesuné atimaamopaae fo mulótu duraalu, “I ala yalepóló, mepaae so whįpaae momókó yaḡse,” yalepó.

## 9

### *Yesuné sóró beterales 12 whįrape dotonale fo (Mat 10:5-15, Mak 6:7-16)*

<sup>1</sup> Atéro etéyalepó. Yesuné ama dosąayóló sóró betero betere 12 whįrape betąpaae tourale ape depa, walepó. Atéro wóló betó mupa, ama doasi fotokḡ bulóo, so whį tuámó dowi keperape betereitei, dóló hḡkonótua yóo, mepaae kae kae kisi daale so whįrape wisirótua yóo, yḡpóló sóró beteralespó.

<sup>2</sup> Atéro atima dotęyaai duraalu, “Dią be hulua dokḡ feapaae fóló, Kótóné tęteróló kaae tare aḡmó mole ala yó melóo, mepaae hepo daale so whįkélé wisiróo yaasespóló fae,” yalepó.

<sup>3</sup> Atéro ama atimapaee duraalu, “Dią furaalu dotó tikikélé, waró yotamokélé, mo nokole

ɔlakélé, *monikélé*, kutikélé me dekaaporólo momókó sóro faose.

<sup>4</sup> Diá me be huluamó sókó fɛnalemó, betá whiné diá dape supá, ti ai whitamotóro fitua yólo, fole sukamó ai be taalae.

<sup>5</sup> Mepaae so whiné diátamo dape sini depa, ti atimané yale alamó dapólo kisipa muópólopa, ai be hulua taarólo faairaalu, diaaɔ hómó dakere hae terepée derólo fae,” yalepó.

<sup>6</sup> Atéro atima fóló, be hulua dokɔ feamó kale fo wisi yó maté kwɛyóo, atima kotere be huluamó kisi muó mole so whikélé, fea wisiraté kwɛyóo, yalepó.

<sup>7</sup> Atima ai ala deté kutu beterapó dere fo Kaleli hae kwia tɛterólo kaae tare whi Herot-né wosalepó. Mepaae so whiné kale sukale whi Jon momó kepaayólo beterapólo deté fele fo wosetu, Herot-né ama kisipa tiki kɔlo kɔlo du betalepó.

<sup>8</sup> Atétepa mepaae so whiné duraalu, “Mo take betale whi Ilaija wóló biturapó. Tétepa, mepaae so whiné du, mo take betólo sukale Kótóné ama kɔlo whirapekó, momó kepaayólo wou yalepó,” du betalepó.

<sup>9</sup> Tétepa kale topo whi Herot-né duraalu, “Jon-ta, yaɔo diki tare whirapené depa tikalepa, aita demó dérópólo,” ama kɛle faai kisipa mualepó.

*Yesuné 5,000 whirape ɔla melale fo*

*(Mat 14:13-21, Mak 6:30-44, Jon 6:1-13)*

<sup>10</sup> Téro, ama dotɛyale whirape atima momó fesaae wóló, atimané yale alarape Yesupaae yó melalepó. Téro, ama atima maaté dape sóro, Bet-saida be huluapaae felepó.

11 Atima atéro felepó dere fo so whị mo turóné woseturaalu, ả sya felepó. Atima atéro ả beterepaae wapa, wisirapóló ảape sóró, Kótóné tẹteróló kaae tare aomó mole ala atimapaee yó melóo, mepaae hepo daapa wale so whịkélé wisiróo, yalepó.

12 Atéro, suka doropoletamo ama yó matepa wosetere 12 whịrape ả beterepaae wóló duraalu, “Dạta ảlakélé meire tikimó betera, i so whị felekemó tẹ mole berapepaae fóló atimané naaire ảlaró fiyaaire betamo atimanétei kekạai fọpólópa, dotonae,” yalepó.

13 Ti fo depa, ama atimapaee duraalu, “Diaaọtei, atima naaire ảla melae,” depa atimané ảpaae duraalu, “Dạnéta, *bred* o bula aporó yóo, ya tamo yóo, yóló betạ i mole ape. Térapa, naao kisipané i betó mole so whịné naaire ảlakó ảnétei dupune fọpóló kisipa mute?” yalepó.

14 Atéro, aimó betó muale soró naale senaale-tamo dosạani, whị maaté dosạayóló touróturaalu, 5,000-rópó.

Tépatei, ama yó matere whịrapepaae duraalu, “Dosạayóló 50 whịrape kae kae yóló beteraté kwẹyae,” yalepó.

15 Tétepa, ama yó matere whịrapené so whị fea taleróló beteraté felepó.

16 Atépa, Yesuné *bred* o bula aporó yóo, ya tamo yóo yóló taruraalu, hepen-paae kese holóló Kótópaae mo kée yóló terekée daalu yalepó. Téro, ama yó matere whịrapepaae melatepa, atimanémo so whị feamó ảliraté kwẹyalepó.

17 Atéró, atima fea nalemó sũtepa, buki muni feletei, ama yó matere wh̄rapené siré kweyóló, 12 yorape deyóló faanalepó.

*Pitané Yesupaae Kótóné sóró betero betere wh̄ Kerisopó yale fo*

*(Mat 16:13-28, Mak 8:27-9:1)*

18 Téro, me sukamó etéyalepó. Ama yó matere wh̄rape atimasisi maaté moma du bitu, ama atimapaee duraalu, “Ai so wh̄ feané ę-a, depó du bitu de?” yalepó.

19 Ti fo depa, atimané duraalu, “Mepaae so wh̄iné yāta, w̄i tópuratere wh̄ Jon-pó, mepaae so wh̄iné ti Elaijapó, mepaae so wh̄iné ti mo take be-tale Kótóné kóló wh̄rapekó kepaayóló bituraalu, du betera pó,” yalepó.

20 Ai fo depa, ama atimapaee duraalu, “Dīnéta ę depóló kisipa mute?” yalepó. Atétepa Pitané duraalu, “Yāta, Kótóné so wh̄ fea t̄teróló kaae tanópóló, sóró betero betere wh̄ Kerisopó,” yalepó.

21 Ti fo depa, Yesuné atimapaee fo fotok̄iné duraalu, “Pitané ai yale fota, so wh̄paae momókó yaq̄se,” yalepó.

22 Téro ama duraalu, “Kale Wh̄iné Naalema kae kae sek̄i ala saalo ai ape. Doasi wh̄ disirapenékélé, mo so wh̄imó Talepaae momaratere topo wh̄rapenékélé, Moses-né asere fo yó matere wh̄rapenékélé, ą mené dópóló, só deraalo ai ape. Téyaalotei, ą momó kepaayóló betaalopó,” yalepó.

23 Téro ama yó matere wh̄rapepaae duraalu, “Wh̄ me de ę fole t̄mó waai kisipa mutepa, ti

naao yaaire ala tẹteróló yà dóló oleraaire filipaa ni naaotei beleyóló, betere dokọ ẹ sya ape.

<sup>24</sup> Mepaae so whị dené ama betere bete me ala yaṣórópóló amatei hotowaró kaae tapa, atétere so whịné betere bete aluyaalo ai ape. Téyaalotei, whị me dené yàlo ala eróturaalu, Talepaae naaopóló taalatepa, atétere whịné betere bete aluni, mo ti betó tawaalopó.

<sup>25</sup> Betà whịné i haemó muó mole wisi wisi ọla dekéro soro betapaae du betere tuamó ama betere bete alutepa, ti me noa dupu wisikó saaloé?

<sup>26</sup> Mepaae whị de witu halemó, ẹkélé, yàlo fokélé tuenipó depa, kale Whịné Naalemakélé, Alimakélé, mo kae betere *ensel*-rapekélé ama mo kae ere dẹtamo wale sukamó, Whịné Naalemanékélé ai whị ẹ tuenipó, yaalopó.

<sup>27</sup> Téyaalopa, yàlo diapaae mo i dere ape. Dià i daae mole so whị mepaae sukaiipatei, Kótóné tẹteróló kaae tare ala mó kelaalopó,” yalepó.

*Yesuné ama tiki kae daane wale fo  
(Mat 17:1-13, Mak 9:2-13)*

<sup>28</sup> Yesuné i forape yóló bitiré fóló, bokó waleró be dẹ kemetepa, etéyalepó. Pita, Jon, Jems, atima Yesuné dape soro du sorokó molepaae moma yaairaalu felepó.

<sup>29</sup> Atéro holóló momatu betaalemó, ama kelepaa kae daane wóo, ama deró betere kutikélé mo epée dẹ kaae yó fóo, yalepó.

<sup>30-31</sup> Atére tuamó, whị tamo Moses-ró Elaijatamo mo kae ere dẹtamo sókó wóló, Yesutamo fo du betepa kelalepó. Atima atéro du betale fota, Yesu

à i hae taaróló hepen-paae momó fesaae faaire ala dokonóló, Jerusalem bemó eraalopó du betalepó.

<sup>32</sup> Pitaró ama fulumu wh̄rapetamo noke fi turukó horóló kelalemó, kale wh̄i tamo mo doasi ere de tuamó daalu, Yesutamo fo du betalepó.

<sup>33</sup> Atéró, kale wh̄i tamo Yesu taaróló faai depa Pitané duraalu, “Yó matere doa wh̄i-ó, d̄a fea etéró betere ala mo wisirapó. D̄ané diámó furu be sore t̄enaai kisipa mutapó. Me yamó t̄enóo, me Moses-mó t̄enóo, me Elaijamó t̄enóo, yaalopó,” yalepó. Aita, Pita à noa fo enénitepa, k̄oló k̄oló duraalu yalepó.

<sup>34</sup> Pitané atéró fo du betepatei, s̄ako dorowóló atima husuratepa, doasi winé sukutu betalepó.

<sup>35</sup> Ai s̄ako dolomó i fo yalepó. “Ita, ȳalo Naalepó. A s̄okó s̄oró, ȳalo kae beteró beterepa, ama dere fo wosae,” yalepó.

<sup>36</sup> Ai fo yóló kemetepa kelalemó, Yesu à bet̄a daapa kelalepó. Ama yó matere wh̄irape atimané ai kelale alarape mo so wh̄ipaae ini, hiróló bitiré felepó.

*Yesuné dowi kepe tepeyóló betere naale wisirale fo*

*(Mat 17:14-21, Mak 9:14-29)*

<sup>37</sup> Atéró be deyó hotepa, atima ai du sorokó mole tiki taaróló dorowou betalemó, so wh̄i mo h̄ale ɔ̄la kaae atamo tumó hokolaa yaai walepó.

<sup>38</sup> Ai so wh̄i betó mole kua dolomó bet̄a wh̄i turukó holóló daalu, fo tokoróló duraalu, “Yó matere wh̄i-ó, ȳalo mo bet̄a naale naao wisirale waaloé?”

<sup>39</sup> Suka fea dowi kepené à taneta depa, keteré yóló ama k̄oló dako s̄okó wua dapó. Até duraalu,

dowi kepené ą taaróló feni, fotokḡné ama tiki fesoróló, hó naasekélé sosoro faróló mo dorótua dapó.

<sup>40</sup> Até du betepa, naao yó matere wh̄rapepaae ḡkonaaloé? yóló wosalemó, atima s̄nipó,” yalepó.

<sup>41</sup> Ai fo depa, Yesuné atimapaee duraalu, “Mió i alimó kisipa tiki tiréni, dowḡae fóló kḡpaae fu betere so wh̄-ó, diḡ tḡ wisipaae fḡpóló ę diḡtamo betale supa, ai naale ipaae dapesó ape,” yalepó.

<sup>42</sup> Kale naale dapesó wou betepatei, dowi kepené haepaae taae deralepó. Atéro haemó mulu, fesorótu betepa, Yesuné kale keperape foné sóró duraalu, ai naale tuḡmó beteretei ḡkó faróló, alimapaee malepó.

<sup>43-44</sup> Kótóné doasi fotokḡné eralepóló, so wh̄ feané kilituraalu, siratu betalepó. Yesuné atéro yale alamó so wh̄ feané haió, i-a noa ala yalerópóló, siratu betepa, ama yó matere wh̄rapepaae duraalu, “Yḡlo diḡpaae i yaaitere fo mo wisiyóló wosóló kisipa muae. Kale Wh̄iné Naalema mo wh̄rapené dḡpóló, mené eleké deyaalo ai ape,” yalepó.

<sup>45</sup> Ama atéro yale fo kinóló moleteiné bete atima wisiyóló kisipa initepa wosaai yalemó, atima wituraalu taaralepó.

*Doasi topo wh̄ de betaaloé yale fo  
(Mat 18:1-5, Mak 9:33-40)*

<sup>46</sup> Téro, Yesuné ama yó matere wh̄rape atimaisitei de doasi topo wh̄ beteré yóló, u só derólu i só derólu dere ala kaae salepó.

47 Atimané atéro mutere kisipa Yesuné kolóló, naale beta tao sóró turukó horóló ą daale demó daalalepó.

48 Téro, ama atimapaae duraalu, “Whi me dené yalo doimó etei kaae naale wisiyóló dape supa, ti etei dape sirapó. Whi me dené ę wisiyóló dape supa, ti ę doteyale sekétei dape sirapó. Whi me de dia tuamó naale belekamale aleyóló belei betepa, ti ą doasi whi ai betere ape,” yalepó.

49 Ai fo depa wosóló, Jon-né duraalu, “Tale doa whi-ó, beta whiné naao doi yóló dowi kepe hokonótu betepa, ąta dakó meipóló kisipa mutu, dané ąpaae atékese yóló, sesé du betalepó,” yalepó.

50 Ai fo depa, Yesuné ąpaae duraalu, “Diaaq ą sesé yaose. Ti noatepae, mepaae diatamo bóe dinitere whita, ti diatamo mole whi ai ape,” yalepó.

*Yesu wisiyóló dape sini yale fo*

51 Téro, Yesu i hae taaróló hepen-paae dapesó holaai feleke deremó, ą me tikipaae faai kisipa muni, Jerusalem be huluapaae maaté faai fotokó yalepó.

52 Téro, Yesu ą nalo faairaalu, mepaae whirape beró naaire ąlatamo donoróló mulaai atimapi fópóló dotonatepa, atima Samaria hae tuamó tene bemó sókó felepó.

53 Téyaletei, ai be hulua so whi feané ą Jerusalem bepaae faai wale kilitu, dape sinipó.

54 Atétere ala kilitu, ama yó matere whitamó Jems-ró Jon-tamoné ąpaae duraalu, “Tale-ó, i be huluamó betó mole so whi fea hepen-mó mole si dorowópóló yaé yóló kisipa mute?” yalepó.



<sup>55-56</sup> Ai fo depa, Yesu ą fetée fóló atimaamo foné sóró, atima me be huluapaae felepó.

*Beta whiné Yesupaae ya sya walapó yale fo*  
(Mat 8:19-22)

<sup>57</sup> Atéro atima fu betalemó, tu tuámó whi betané ąpaae duraalu, “Ya mopaae fupa, ti ękéle yątóró sya waalopó,” yalepó.

<sup>58</sup> Ai fo depa, Yesuné duraalu, “Hąonarapeta, atima fitere tiki yóo, barapekéle fiyaaire dépi daayóo eretei, Whiné Naalema beta toró mulóló fiyaaire tiki inipó,” yalepó.

<sup>59</sup> Atéro, whi mepaae duraalu, “Ya ę sya ape,” yalepó. Ai fo depa, kale whiné duraalu, “Tale-ó, folosóro ę yąlo ayapi dourąle fulapa, wisire?” yalepó.

<sup>60</sup> Ai fo depa, Yesuné ąpaae duraalu, “Sukune aore whiné ti sukune whi dourópóló, ya ti Kótóné tẹteróló kaae tare aomó mole ala yó maté kweyae,” yalepó.

<sup>61</sup> Atéro, me whinékéle duraalu, “Tale-ó, ę ya sya waaitei, yąlo hae ayapaae kọleó fo ene faai kisipa mutapó,” yalepó.

<sup>62</sup> Ti fo depa, Yesuné ąpaae duraalu, “Whi me de ama kutó ditu bitutei, depaae kele mulatere whiné Kótóné tẹteróló kaae tare aomó mole kutó diraaire sunipó,” yalepó.

## 10

*Yesuné 72 whirape dotęyale fo*

<sup>1</sup> Atęyale kılıpaae. Talené mepaae 72 whirape sóró beteróló, ą faai dere be hulua dokopaae atimapi fópóló, tamo tamoyóló dotęyalepó.

<sup>2</sup> Atéro doteyaai atimapaae duraalu, “Kutómó ɔla mo dekeró ɔlumépaitei, ai ɔla saaire whi betá doaló meipó. Térapa, ai ɔla sere ala teteróló kaae tare Talené mepaae whirapekó ai kutópaae dotonópóló, Talepaae kemayae.

<sup>3</sup> Diá bete haorape betere tuapaae *sipsip* hupu malerape kaae, yało i dotonaterere ape.

<sup>4</sup> Diá furaalu *moni* detere bekélé, mo yokélé, hó bekélé, sóró faqse. Týmó furaalu, so whipaae kqleó fokélé ini, fó betá yae.

<sup>5</sup> Diá betá whiné bemó sókó furaalu, Kótóné hosaa muni deyóló dua betere ala diá tuámó mulópóló yae, fo betá yae.

<sup>6</sup> Ai be tuámó hosaa muni deyóló dua betere whitamó betepa, ti Kótóné hosaa muni deyóló dua betere ala ai whi tuámó muaalopó. Meipa, ti ai ala diatamo momó fesaae waalo ai ape.

<sup>7</sup> Ai fitere bemótóro bitu, atimané diámó matere ɔlaró weitamotóro nuku betae. Ti aita, diaaɔ diteremó kutómó dupu dono ai sere ape. Térapa, diá be dokɔ hɔko fité kuni, fitere bemótóro fitua yae.

<sup>8</sup> Téro, diá betá be huluamó sókó fenalemó, ai be hulua so whiné diá wisiyóló dape sóró ɔla matepa, ti ai ɔlatóro nae.

<sup>9</sup> Atéro bitu, ai be huluamó kisi daae mole so whi wisirótua yae. Diaaɔ atimapaae yó mótu, ‘Kótóné teteróló kaae tare alakélé diá beterepaae mo felekemó wale ape,’ fo yae.

<sup>10</sup> Téyaalotei, diá betá be huluamó sókó fenalemó, atimané diá wisiyóló dape sinitepa, ti ai be bela tuámó daalu, atimapaae i fo yae.

11 ‘Diaaḡ yale alamó, diḡné be hae ḡané hómó dakeretei diaaḡ keletómó i heleketera ape,’ fo yae. Diḡné dowḡae fu betepa, Kótóné tḡeteróló kaae tare aḡmó mole ala mo felekemó waalopa, diḡ diriyóló kisipa muae yae,” yalepó.

12 Atéró, Yesuné ama yó matere whḡrapepaae duraalu, “Yḡlo diḡpaae mo i dere ape. Kótóné i haemó betó mole so whḡ taletere sukamó, Sodom be huluamó betó mole so whḡpaae doasi seḡei ala eraalotei, diḡ wisiyóló dape sinitere be hulua so whḡpaae eraaire seḡei alata, mo doasi bosenóló eraalo ai ape.

13 Korasin beró Betsaida be huluatamomó betó mole so whḡ diḡ tuḡpaae doasi seḡei ala waalopa, diḡ mo wió yae. Ti noatepae, i be hulua tamomó erale kelemei kaae, Tair-ró Saidon be huluatamomó eróluaḡsóró, ti atima mo taketitei yei kuti bukóo, kili diyóo, yóló kisipa feteyóló bituḡpó.

14 Téyaalotei, Kótóné fo tokóló tale dere sukamó Taia-ró Saidon be hulua so whḡtamopaae seḡei ala eraalotei, diḡpaaeta, ai bosenóló mo doasi seḡei ala eraalo ai ape.

15 Diḡ Kapeneam be hulua so whḡ-ó, diaaḡ kisi-pané diḡ Talené ó ḡapaae dapesó horaalopóló de? Meipa, doa ḡleó. Whḡ mo ti sukóló aluyaaire dolopaaetei derepaalo ai ape,” yalepó.

16 Tétepa, Yesuné ama yó matere whḡrapepaae duraalu, “Mepaae diaaḡ dere fo wosetere so whḡné ti yḡlo dere fokélé wosetapó. Mepaae so whḡ dené diḡ hḡratepa, ti ḡkélé hḡratapó. Téretei, mepaae whḡ dené yḡlo dere fo woseni nisiyóló hḡratepa, ti ḡ dotḡyale whḡkélé hḡratapó,” yalepó.

17 Téró, kale doteyale 72 wh̄rape h̄kesetamo momó fesaae wóló duraalu, “Tale-ó, dané naao doi yóló dowi keperape doló h̄konatepa, dané dere fo mo bet̄a wosóló fua dapó,” yalepó.

18 Ti fo depa, ama atimapaee duraalu, “Hepen bemó dowi Satan epée dē kaae fit̄a deté i haepaae dorowapa kelalepó.

19 Dowi wuliró t̄rapetamo diané t̄ya depa, dané bóe wh̄i Satan-né bole fotok̄né dī do-raalomeipó.

20 Ti ai alata motei, kale dowi keperape dī aomó sukóló beteremó h̄keseni, hepen bemó diaāq doi asēyóló moleteimó bet̄a dī h̄kesetu betae,” yalepó.

21 Atéyale sukamó, Yesu ā Dēi Kepe Wisiné fotok̄ratepa, doasi hajné sukutu duraalu, “Hepen beró haetamo aleóló muló betere Aya Tale-ó, *skul* yóló doasi kisipa sere wh̄raperó fea ala tūere wh̄rapetamoné kelāsóró kinóo, ketei āre wh̄rapené kolópóló, h̄kearóo dere kilitu, yālo yapaae mo kée yóló, naao doi sóró horatapó. Aya-ó, aita mo naao kisipa mole alatóró erapó,” yalepó.

22 Téró, Yesuné atimapaee duraalu, “Ai ala feata, yālo t̄eteróló kaae tanópóló, Ayané epaae meló beterapó. Wh̄i bet̄anékelé Naalema tūeni, Alimané bet̄a tūrapó. Atére kaae, Alimakélé wh̄i bet̄ané tūeni, Naalemané bet̄a tūrapó. Atérené Naalemané ama Aya i ape yóló yó melaai tūe mole so wh̄ipaae yó matepa, ai so wh̄iné maaté Alima tūénérapó,” yalepó.

23 Téró, Yesu ā ama yó matere wh̄rape atimanale bitu, ā atima beterepaae fetée fóló du-

raalu, “Mió diaaḡ kelené i kilitu betere ala tué sere so whi Kótóné wisiró beterapóló, haḡné sukutu beterópóló yae.

<sup>24</sup> Ti noatepae, yaḡo diḡpaae mo i dere ape. Mió keletere ala take betale kóló whiraperó topo whirapetamoné kelenée deté waletai kilini yóo, diaaḡ wosetu betere fokélé wosenée deté waletai woseni yóo ipakalepó,” yalepó.

### *Samaria whiné Juda whi tao sale fo*

<sup>25</sup> Téró, Moses-né asḡere fo yó matere whi betaḡ turukó holóló Yesu sḡsóró duraalu, “Yó matere whi-ó, ḡ mo ti betó tawaairaaḡ, noa alakó yaaloé?” yalepó.

<sup>26</sup> Ti fo depa ama duraalu, “Ai asḡmó noa fo ere? Ai yóló muló betere fo dosḡatu, naao noa kisipa mute?” yalepó.

<sup>27</sup> Ai fo depa, kale whiné ḡpaae tokḡ mótu duraalu, “Tale Kótópaae ḡḡkesené sinóló yaala sókó fole alata, naao hosaa turónékélé, kepe turónékélé, fotokḡ turónékélé, kisipa tiki turónékélé, du betae. Tétu, naaotei yaḡ ḡḡkesené sukutu dere kaae, naao be whi so whiḡpaaekélé, atéró ḡḡkesené sukóló yaala sókó fu betae,” yalepó.

<sup>28</sup> Ti fo depa, Yesuné kale whiḡpaae duraalu, “Aita, naao mo dono tokḡ matapa, yaḡ mo ti be-taasepóló, ai alatóró ḡḡe yó tawae,” yalepó.

<sup>29</sup> Téró kale whiné ama yale fonétei ḡ só deranépa, ḡ donore whi ḡḡyóló Yesupaae wosetu-raalu, “Naao ḡpaae be whiḡpó dere fo-a, demó de?” yalepó.

<sup>30</sup> Ai fo depa, Yesuné duraalu, “Whi betā i Jerusalem be taaróló, Jeriko bepaae durupu be-talepó. Téyalemó, qlémi nokole whirape tu tuamó melaa muóló, ama kuti sorokóló taae faróló ą susupuróló felekemó sukāai du betepa atima felepó.

<sup>31</sup> Atéró, Talepaae momaratere whi betā ai kale whi derepele tumó durupuraalu kelalemó, kale whi tumó mupa, dekeróló ą demó derepelepó.

<sup>32</sup> Atétepa, betā Lipai fake whi ąkélé sókó walemó, kale whi sinóló mupa kolóló, dekeróló ąkélé demó felepó.

<sup>33</sup> Téyaletei, betā Samaria whi ąkélé kale whi mole tikimó sókó wouraalu kelalemó, kōlei ala epa kilitu, ama tao saai kisipa mualepó.

<sup>34</sup> Atéturaalu, ą kale whi mole felekepaae fóló, kale whiné doalére tikimó *wel* wēiró *wain* wēitamó dilóló dokalepó. Téró, kale whi ama *donki* hupu tómó beteróló fóló, uké whirape fitua dere bemó beteróló, kale whi ama mo wisiyóló kaae tarepó.

<sup>35</sup> Téró, be depepa hika kale whiné ama *silpa moni* tamo sóró, kale uké whirape fitere be kaae tare whipaae duraalu, ‘Yalo i matere *moniné* ą kaae taté felalemó, ai *moni* tamo kemetepa, ti ę wóló naao *moni* yalo tokó melaalopa, ą mo wisiyóló kaae tawae,’ ” yalepó.

<sup>36</sup> Téró, Yesuné kale Moses-né asere fo yó matere whipaae duraalu, “Naao kisipané i whirape sorekó mé whi kale dale whiné ama be whi kaae aoyaleé?” yalepó.

<sup>37</sup> Ti fo depa, kale whiné momó tokó mótu du-

raalu, “Kõlené sukutu tao sale whípó,” yalepó. Ai fo depa, Yesuné apaae duraalu, “Ama yale ala kaae, naaokélé yaai fae,” yalepó.

*Yesu Mataró Meriatamo betere be huluamó betale fo*

<sup>38</sup> Téró, Yesu a ama yó matere whirapetamo tumó fité woló, Mata betere be huluamó sókó wapa, Matané atamo betaai dape salepó.

<sup>39</sup> Matané kema Mariakélé Yesuné hó aomó bituraalu, ama dere fo wosetu betalepó.

<sup>40</sup> Atétu betepatei, Marta a atima naaire olamó bipi du bituraalu, ama yó matere fo wisiyóló wosenipó. Atétepa, kale so Yesu beterepaae wóló apaae duraalu, “Tale-ó, e yalo wotoró depe tukó wei ala du beterepa, ama e tao sene wópóló, naa apaae dumié?” yalepó.

<sup>41</sup> Ti fo depa, Talené apaae duraalu, “Ti senaale Mata-ó, yata mepaae ala noa yaaloé yóló, doasi whaalia du betereteiné ya ai só deró betere ape.

<sup>42</sup> Téretei, mo doasi topo ola beta ya seni, yayá ai ere ape. Mariané ama beta mo doasi topo olapóló kisipa muóló sóró taretei dané fasó saalomeipó,” yalepó.

## 11

*Yesuné Talepaae moma dere ala yó melale fo  
(Mat 6:9-15, 7:7-11)*

<sup>1</sup> Téró me sukamó. Yesu a me tikimó bitu, moma du beterepó. Atéró, moma yóló kemetepa, ama yó matere whi betané apaae duraalu, “Tale-ó, Jon-né ama yó matere whirapepaae Kótópaae momatere

ala yó melale kaae, naao ðakélé yó melaasepé,” yalepó.

<sup>2</sup> Ai fo depa, ama atimapaee duraalu, “Diaaọ Talepaae moma dere ala etéro yae.

‘Aya-ó, yaṭa dowi ala mo betakélé munire Kótó bettereiné so whi feané naao doi wisinaale doasi mulópóló yae.

Nao tetérolo kaae tare aomó mole ala wisi wópóló yae.

<sup>3</sup> Be de dokọ betá betámó ðané naaire ọla naao sumó ọlae.

<sup>4</sup> Mepaae so whiné ðapaae erale dowi ala kwia tani, me ọla meipóló hałe kemeratapa, ðané dowi ala kwiakélé naao hałe kemerae.

Téturaalu, su sere alané ða deé nalaosóro, naao ða ọlisóro fae.’ ”

<sup>5-6</sup> Téro, ama atimapaee duraalu, “Diakó betá whiné ama fulumu whi saletómó wóló betepa, ọ diliki su tuatamo ama noma beterepaae fóló duraalu, ‘No-ó, yało fulumu whi mióti sókó waleteteiné naaire ọla meitepa, yapaae *bred* o bula sorekó ọ maletamo melaasepé fo dekeró yó tapa, noa ala yaaloé?’

<sup>7</sup> Ai be dolomó betere whiné i fo yaalopó. ‘Be tu kinóló yało naale senaaletamo fireteiné turukó holóló, naao kematere ọla menanénipa, epaae dotopoi fo ekesé,’ dua dapó.

<sup>8</sup> Yało diapaae i dere ape. Kale whi ọ halaaíné kematóró hałe yó tapa, ama fulumu whi turukó horóló kematere ọla manénipatei, mo sumótóró melaalo ai ape.

<sup>9</sup> Atérapa, yało diapaae i dere ape. Talepaae me ọlakó kematepa, ai kematere ọla melóo, keketepa



ti ai ɔla mo kolóo, tɔ tukɔyae yóló tɔ dupa, ti tukɔ yóo yaalopó.

<sup>10</sup> Ti noatepae, mepaae kematere so whɛné ti mo sua dapó. Mepaae so whɛné keketepa ti ai ɔla mo kilitua dapó. Mepaae so whɛné tɔ tukɔyae yóló tɔ dupa, atétere so whɛ wópóló tɔ tukɔtua dapó.

<sup>11</sup> Diakó me whɛné diaaɔ naale senaalené yakópóló kematepa, ya taaróló, dowi wuli male melaaloé?

<sup>12</sup> Ó naao senaale naalené ba kekó ‘Aɔlae’ depa, ai kematere ɔla taaróló, whɛ tukó nokole tɔ melaaloé? Meipó.

<sup>13</sup> Diɔ dowi ala du betere whɛrape bitutei, diaaɔ naale senaalemó wisi wisi ɔla matere ala diaaɔ ai kisipare ape. Atére kaae, mepaae so whɛ dené Dɛi Kepe Wisi kematepa, ó hepen-mó betere diaaɔ Aya Talené mo melaalo ai ape,” yalepó.

*Yesupaae Belsebul-né fotokɔratepa dapó yale fo  
(Mat 12:22-30, Mak 3:20-27)*

<sup>14</sup> Téró me sukamó etéyalepó. Dowi kepené whɛ betɔ kóló nomonó betepa, Yesuné dóló hɔkonalepó. Atétepa, kale dowi kepe sókó furaalu, ama fo kaae sóró deremó, ai touró betere so whɛ feané sirayalepó.

<sup>15</sup> Atétepa, mepaae so whɛné duraalu, “Aita, dowi keperapené topo kepe Belsebul-né fotokɔratepa, dóló hɔkonótu betepapó,” yalepó.

<sup>16</sup> Ai fo depa, mepaae whɛrapené ama noa ala deró ɔ sɔ sóró kaae kilituraalu, ɔpaae hepen bemó mole betɔ fareyópu eratapóló dané kisipa yaaipa, erae yalepó.

17 Atéro mutere tué tiki Yesuné kisipa yóló atimapaee duraalu, “Mepaae doasi topo whirape atimané teteróló kaae tare tuámó atimasisitei bóe dupa, ti teteróló kaae tare ala mo haepaae doropóló doyóo, beta be huluamó betó mole so whikélé atimasisitei bóe dupa, ti ai be haepaae doropóló mo doyóo yaalopó.

18 Satan ama fake atimasisitei bóe dupa, ti ama teteróló kaae tare ala netéro fotokọ buaaló? Yálo i dere fota, diaaọ epaae ya dowi keperapené topo kepe Belsebul-né fotokoratepa, hokonótu beterapó depa i dere ape.

19 Ti diaaọ epaae topo kepe Belsebul-né fotokoratepa, dóló hokonalepó dere-a, diá fak-enékélé dóló hokonótu betere ala né fotokoratepa de? Motamo Kótóné fotokọ bulatepa dapó depa, ti fo tokóló taletere sukamó atimanétei diá só deraalopó.

20 Téretei, yalotamo Kótóné fotokóné dowi keperape dóló hokonélipa, ti Tale Kótóné teteróló kaae tare aomó mole ala diá tuapaae wóló i mole ape.

21 Fotokọ bole whiné be ó ọla ọla mepaae whiné doraosóro, sesé duraalu, kale whiné ama tóró dikitamo tawóló, siki siki yóló kaae tapa, whi mené doraalomeipó.

22 Téretei, mepaae doasi fotokọ bole whiné bóe sókó wouraalu, kale doasi fotokọ bole whi dóló teteróló, bóe dele ọla ọlakélé fea fasóló, ama bemó muó mole wisi wisi ọlakélé fea sóro ama be whitamó ọli yaai sóro fulapó.

23 Whi me de etamo betámó bitinipa, ti etamo bóe dilapó. Whi me de etamo bitu, ẹ fasóló ọla

ɔla betapaaeróló munénitepa, ai whiné yało ɔla ɔla hɔko besekératapó.

<sup>24</sup> Atéró, kale dowi kepe whiné depe tuamó beteretei, sókó furaalu kópui hae tikipaae ɔ feléyóló betaaire tiki kekɔairaalu fua dapó. Atéró fóló, kelenalemó betaaire tiki kilinitepa, ɔ take betale be kelaai momó fesaae faai dapó dua dapó.

<sup>25</sup> Atéró ɔ sókó wóló kelenalemó, kale be wisiyóló fuóló taae faróló, wisiró betepa keletapó.

<sup>26</sup> Téró, kale dowi kepe ɔ momó fóló, mepaae dowi ala mo turó faane wɛikeró keperape dape sóró, kale bepaae momó bitɪ walapó. Atétepa, kale whɪ ɔ take bitu sawa doyaleteti, mió mo ti doyó faalopó,” yalepó.

<sup>27</sup> Atéró Yesuné ai forape du betepa, so whɪ fea betó mole kuamó so betané fo fakeyóló duraalu, “Ya deyóló awa male so naao hae Tale Kótóné wisiró betepa, ɔ hainé sinóló beterópóló yae,” yalepó.

<sup>28</sup> Ti fo depa, Yesuné atimapaae duraalu, “Ai dukiratere fota mepaae whɪ de Kótóné fo wosóló, sya fóló erótu betere so whɪta, Tale Kótóné wisiró betereteiné hainé sukutu betepapó,” yalepó.

*Yesupaae me ala yaairemó dere fareyópukó erae yale fo*

*(Mat 12:38-42, Mak 8:12)*

<sup>29</sup> Téró, so whɪ fea wóló touró betepa Yesuné duraalu, “Mió i alimó betere so whɪ dowi alané faanutei, ɛpaae doasi sira yaaire me fareyópukó erae du betepapó. Tépateti, me kae eraalomeipa, mo take Jonapaae erale ala kaae betɔ eratepa kelaalo ai ape.

<sup>30</sup> Ti noatepae, Ninipa so whĭné Jonapaae erale fareyópu kilituraalu, ita Kótóné dotonale whĭpóló kisipa moipakalepó. Atéyale kaae, mió i alimó betere so whĭnékélé Whĭné Naalemapaae eraterere ala kilituraalu, ita Tale Kótóné dotonó betere whĭpó kisipa muaalo ai ape.

<sup>31</sup> Beta *Saoti* hae kwia tĕteróló betere doasi topo *kwin* soné mió i alimó betó mole so whĭtamo fo tokóló taletere be demó, diā só deraalo ai ape. Ti noatepae, ai sota hae kwia dene falepaae biti wóló, Solomon-né fosó fosói kisipa muóló yó matere fo wosaai walepó. Téyaletēi, Solomon-né mole kisipa bosenóló whĭ beta i betere ape.

<sup>32</sup> Téretei, Ninipa be hulua so whĭró diā mió i alimó betó mole so whĭtamo só deraai fo tokóló taletere be demó atimanétei diā só deraalopó. Ti noatepae, atima Jonané yó mótu betale fo wosóló, kisipa tiki feteyalepó. Tépatēi, Jonakélé tĕteróló bosenée fale mo doasi sekĕ whĭ beta wóló i betere ape.

*Keleta tiki fea đeró betere sa supó yale fo  
(Mat 5:15, 6:22-23)*

<sup>33</sup> Mo whĭ betańékélé, *lamp* sa đeróló kinéli tikipaae ó nukuné husiróló mulótimipó. Đeróló daalótua dere tikimótóro mulótua dapó. Mepaae so whĭ be dolopaae wapa, ai demó beterópóló, đeró beterapó.

<sup>34</sup> Naao keleta, ti tiki turó đeró betere *lamp* sa su ai ape. Naao kele tamo wusuró wisipa, ti naao tikikélé turó đerapó. Téretei, naao kele tamo wusuró dilikipa, ti naao tikikélé turó dilikirapó.

35 Naaó tiki tuámó dó tare de diliki yaqsóró, mo hotowa yóló kaae tawae.

36 Térapa, naao tiki turótamo depa, ti tiki me kwiapaae sawa dilikikélé ini, tiki featóró deyo furaalu, belapaaekélé sókó faalo ai ape,” yalepó.

*Yesuné Farisi whirapepaae wiyó yae yale fo  
(Mat 23:1-36, Mak 12:38-40, Luk 20:45-47)*

37 Yesuné ai fo yóló kemetepa, Farisi whi betané atamo ɔla naairaalu ama bepaae dapesó fóló, ɔla nukuatere ni fake tómó tiróló beterepó.

38 Atéru, Yesu ɔla naairaalu, atimané mara mole ala sya furaalu, folosóró ama naase fokunitepa, kale Farisi whi a hokomó sókó fu sirayalepó.

39 Atétepa Talené apaae duraalu, “Aita motei, diɔ Farisi whiné ɔla nokole nukuró wutitamo hale tómó ere bólu maaté fukutua dapó. Téturaalu, diaaɔ tiki tuapaaeta, ti fea ɔla senée yóló ekeletere alaró ukusitere alatamoné ai faane ape.

40 Diɔ okokoi tué mole whirape-ó, Kótóné diaaɔ tó tikimó ere ala fea taleturaalu, u tuapaaekélé tale dumipóló de?

41 Diaaɔ nuku tuámó mole ɔla sóró yolealere so whi tao sóró melae. Atétepa, ti diaaɔ tiki tuámó ere ala fea Kótóné kilitu, mo kokɔrapó fo yaalo ai ape.

42 Farisi whirape-ó, diané kutómó ere sawa ɔlakélé naase tamo supa, dekeyóló betɔ Kótópaae hale móturaalutei, mo donotóró taletere alaró Kótópaae yaala sókó fole alatamo sisópaae erótu beterapó. Atére alamó doasi sekei ala diɔ tuapaae waalopa, wiyó yae. Donoyóló taletere alaró Kótópaae yaala sókó fole alatamo touróló, Kótópaae hale matere alakélé uqsóró mo wisi uapó.

<sup>43</sup> Farisi wh̄irape-ó, dīa fo wosetere bepaae furaalu, doasi doi mole wh̄irape bitua dere tikimótóró betaai ekele yóo, ọla dotonaterere tikimó daalukélé, so wh̄iné doasi wh̄i wisi-ó yóo, yóló dukiraterere kokomó ai ala dua dapó. Atétere alamó dīapaae doasi sekei ala waalopa wiyó yae.

<sup>44</sup> Farisi wh̄irape-ó, dīata u t̄upaae wh̄i dou epatei hāle tiki āpa, ai tómó so wh̄i fua wua du beterapó. Ti dīata, douró betere wh̄i kaae ārapa, wiyó yae,” yalepó.

<sup>45</sup> Tétepa, Moses-né as̄ere fo yó matere kisipa fosóre wh̄iné āpaae duraalu, “Yó matere wh̄i-ó, naao ai dere forapené d̄a mo ti só deratapó,” yalepó.

<sup>46</sup> Ti fo depa Yesuné duraalu, “ Moses-né as̄ere fo yó matere wh̄irape-ó, diaā so wh̄ipaae i ala yae, i ala yāose, du betere alata, doa sekei ọla so wh̄iné hulumó belerótu dere kaae du beterapó. Ai sekei ọla diaā belerótu bitutei, atima fasóló tao sere alamo dumipó. Atérapa, dīapaae waaire sekei alamó wiyó yae.

<sup>47-48</sup> Take diaā noutererapené dale Kótóné kóló wh̄irape dourale tiki be wisiyóló t̄enótu beterapó. Mió atétu betere alané diaā ayarapené wh̄i dale ala wisirapóló, hākeamó yó matapó. Atéteremó dīapaae doasi sekei ala eraalopa, wiyó yae.

<sup>49</sup> Atéro betale alamó Kótóné ama fosó fosóre kisipa sya furaalu, i fo erapó.

‘Ȳalo kóló wh̄iraperó *aposel* wh̄irapetamo atima beterepaae dotonaalotei, mepaae wh̄i mo ti dóo, mepaae hāle susupuróo yaalopó,’ erapó.

<sup>50</sup> Atérapa, mo take kaae sóró dilé wale kóló wh̄irapené samearó mió diaaḡ du betere wh̄irapené sameatamomó kwia turó mió i alimó betere so wh̄i diaaḡ saalo ai ape.

<sup>51</sup> Ita, mo dapó. Atéyaaire alata, Abel-mó kaae sóró dilé wóló, kale momatere bemó Kótópaae simó sukūlaa dalatere tikiró kae tukóló muló betere be ke tuamó dale wh̄i Sekaraiamó ḡale yóló kwia feata, mió i alimó betó mole so wh̄iné saalopó.

<sup>52</sup> Moses-né asere fo yó mótu betere wh̄irape-ó, Kótóné mo bete mole alapaae sókó faaire so wh̄i faḡsóró tu tuk̄itere *ki* diaaḡ fasó salepó. Ti diḡta, ai tumó fumitei, atima faai du betere so wh̄i diaaḡ sesétu beterapó. Atétere alamó diḡ doasi sekei ala saalopa, mo wiyó yae!" yalepó.

<sup>53</sup> Ai fo yóló kemetepa, Yesu ḡ felemó, kale Farisi wh̄iraperó Moses-né ere fo yó matere wh̄irapetamoné ḡ só deraairaalu, deteraai fo du betalepó.

<sup>54</sup> Aita ḡale mei, ḡ ḡasókó fuléro kelaai kae kae wosetere fo du betalepó.

## 12

*Farisi wh̄irape wisiyóló kaae tawae yóló yale fo (Mat 10:26-33)*

<sup>1</sup> Atéro, so wh̄i mo dekeró wale tikimó hae tiki faapa, folosóró Yesuné ama yó matere wh̄irapepaae duraalu, "Farisi wh̄irape tuamó bole *yist* diḡpaae tekaḡsóró hotowaró kaae tawae. Atimata tiki tuapaae dopatei, tó tikimó ḡale wisire nisi du beterapó," yalepó.

2 “Mió kilini hiró betere ala fea, take haķearatepa so whı feané kolóló tuę yaalopó.

3 Diaağ diliki tuamó du betere fo demó depa wosóo, be dolomó dua kikiti dere fo be huluamó daalu fakeyóló depa so feané wosóo, yaalopó.

4 Norape-ó, diapaae i dere fo wosae. Mepaae whırapené diaağ tó tikita dóló sukunaalotei, take diapaae me ala eraalomeipa, ai alapaae wiyağse.

5 Wiyaai depata, ti naao mo tikikélé, kepe betekélé, doróló mo ti dó tare sipaae deraaire fotokọ bole Kótó betera, apaae betą mo doasi wiyaie.

6 Sonaai *moni* ke tamoné aporó ba belekaatiki dupunérápó. Atére barape betakélé Kótóné kisipa keterótimpó.

7 Diąta, ai ba belekaatikitamo suni, Kótóné ama hosaa mole doasi ọla ai ape. Diaağ topo nikiélé Kótóné ama sumó dosayóló kisipareteiné dią wiyağse.

8 Yało diapaae mo i dere ape. So whı feané kele tómó mepaae whıné duraalu, Yesuta ę tetéróló kaae tare Talepó depa, Whıné Naalemanékélé Kótóné *ensel*-rapené keletómó ą yało fo eratere whıpó yaalopó.

9 Téyaalotei, whı me dené so whı feané keletómó ą Keriso fake meipó depa, ti Whıné Naalemanékélé, Kótóné *ensel*-rapené keletómó ai whı ą kisipanipó yaalopó.

10 Mepaae whı dené Whıné Naalema eróló foné só deratepa, ai dowi ala kwia kemeróló aluranérápó. Tépatei, kale Deı Kepe Wisiné ditere kutó faleyóló só deratepa, ai kwia mo aluranénipó.



11-12 Bóe wh̄irapené fo wosetere bepaee ó so wh̄i t̄eteróló kaae tare wh̄irapepaee ó *Gavman*-né sóró betero betere topo wh̄i beterepaee fo tek̄ai dapesó fupa, dīa noa fo yaaloé yóló, whaalia yaq̄se. Ti noatepae, atétere sukamó diaāq̄ yaaitere fo fea Dēi Kepe Wisiné yó melaalo ai ape,” yalepó.

*Néli wh̄iné h̄oko ala yalet̄ei fo salepaee dó faróló yale fo*

13 Tétepa so wh̄i fea touró betere kuamó, wh̄i bet̄ané Yesupaae duraalu, “Yó matere wh̄i-ó, yālo no dāmoné ayané mómu ̄la ̄la bukóló, emale melópolópa, naao yālo nopaae yae,” yalepó.

14 Ti fo depa Yesuné duraalu, “Ti wh̄i-ó, di-aamomó ̄la ̄la bukóló melópoló né ̄ sóró beteralee?” yalepó.

15 Téró ama atimapaee duraalu, “Kae kae ̄la fea senée yóló au nokole alané dīa doraq̄sóró, mo hotowaró kaae tawae. Ti noatepae, ̄la ̄la mo dekéró sóró tare alané wh̄i betero bitinipó,” yalepó.

16 Téró, ama atimapaee fo sale fo etéró yalepó. “Betā néli wh̄iné ama diyale ke kutómó ̄la dekéró salepó.

17 Ai ala kilitu, ama etei kisipa mualepó. ‘Ama kutómó yó mole ̄la moolaire tiki meipóló,’ ̄a fomo du betalepó.

18 Téró ama duraalu, ‘Yālo ̄la ̄la moolaie t̄eale be fisikóló mo doakale be t̄eyóló yālo kutómó sere ̄laró mepaae wisi wisi ̄latamo moolaalopó.

19 Atéróló yālotei etei fo enérápó. ̄ ̄la ̄la mo sumó moleteiné mió me kutó dini doasi ba fomó ̄a nóló h̄ale bitu, mole ̄laró wēitamo maaté

haɪtamo nukulé fu betaalopó,' ere fo kisipa muni airapó.

<sup>20</sup> Tépatēi Kótóné ɸpaae duraalu, 'Kisipa okokore whi-ó, naao betere bete mió dilikitamo yało tokó sirapa, naao donoróló mulale ɸla né saaloé?' yalepó.

<sup>21</sup> Whi me dené mepaae ɸla ɸla whi tao sóró hałe móturaalu, ita Kótópaae matapóló kisipa muóló meni, ɸtóró néli whi betaai dapóló fea ɸla ekeleyóló betapaae du betepa, ti i ere fo ai whipaaetóro eraalo ai ape," yalepó.

*Naaire ɸla ó yaɸre ɸlamó whaaliala yaɸse yale fo (Mat 6:25-34)*

<sup>22</sup> Téró, Yesuné ama yó matere whirapepaae duraalu, "Yało diɸpaae i dere ape. Diɸ naaire ɸla meitepa, noa naaloé yóló whaaliala du betaɸse. Naao tikimó kisipa mutu, kutikélé noa saaloé yóló whaaliala du betaɸse.

<sup>23</sup> Nokole ɸlata, wisi ɸlatei whiné betere beteta, mo doasi ɸlapó. Kutikélé wisi ɸlatei, whiné tikita mo doasi ɸlapó.

<sup>24</sup> Barapéné dere ala kolóló kisipa muae. Atimané naaire ɸla wae biliyóo, ɸlumé depa sóró bepaae mulatere alakélé yóo, dumipó. Tépatēi, Kótóné atima kaae taru, betere dokó fea atimané naaire ɸla mótua dapó. Hepen bemó betere di-aaɸ Ayané barape kolósu, diɸ kolósu depa, diɸ so whipaae ama hosaa mo turó mulapó.

<sup>25</sup> Diɸkó betɸ whiné ama betaaire alamó kisipa muóló whaaliala duraalu, ɸ betaaire ba fo sumó ɸloranére?

26 Ai sawatamo ala diñané enénipa, ti mepaae doasi alarapemó noatepa whaalia du betere?

27 Håle yó mole nerape fuatere ala kolóló, kisipa muae. Ai ne fua kémi bisikóló kuti nomotumitei, ama ere au wisi kelaalo mo kokorapó. Atére auné Solomon-né derótua yale kokoi kutiné au bosene falapó.

28 Diñ kisipa tiki sawa tiró betere so whirape-ó, haemó hãle yó mole nerapeta mió maaté yóló dó simó biliraaire qlatei, Kótóné wisiyóló aurótua dapó. Ai nerapepaae erótu betere alakélé mo bosenóló, diaaø deraaire kuti Kótóné sumó melaalomeipóló de?

29 Diñané naaire qla ó wëimó hosaa turó muóló noa naaloé yóló doasi whaalia du betaøse.

30 Ti noatepae, hãle hoko betere so whi feané ai qla saai dapóló ketekë buóló wóputu beteraþó. Ti diñané yaøtere qla hepen bemó betere diaaø Ayané ama mo tuërapó.

31 Térapa, Kótóné teteróló kaae tare aomó betaai dapóló, ketekë buóló kikitu betepa, ti yaø du betere qla qla ama sumó melaalo ai ape.

32 Yaø *sipsip* hupu malerape-ó, diaaø Ayané ama teteróló kaae tare ala a wisi kisipa muóló haïtamo diñamó hãle melaalopa, whaalia yaøse.

33 Térapa, diaaø muó mole qla dotonóló *moni* sóró mepaae yolealere so whimó hãle melae. Atétere alané hãle muó tawóþóló, *moni* detere be wisi aletapó. Atétepa, ti wisi wisi qla hepen bemó hãle muó taru, kemekélé yaalomeipó. Aimó qlémi nokole whikélé, hoséli ó ero sinékélé, turukóló doraalomeipó.

<sup>34</sup> Mé tikimó naao wisi wisi ɔla mupa, ti naao hosaakélé aimótóro mulapó,” yalepó.

*Kutó mo wisiyóló kaae tawale fo  
(Mat 24:42-51)*

<sup>35</sup> “Diɔ kutó dine faairaalu kuti deróló bitu, sɔrapekélé duku beterópóló, ɔeróló mulae.

<sup>36</sup> Ti atétere alata, mepaae kutó diratere whɔrape atimané doasi whɔ betɔ so dokotere be ɔemó de-tere ɔla nale feletei fesaae wópóló, kaae tatu dere kaaepó. Atépa, kale whɔ wouraalu be tɔ dupa, ɔ be dolopaae holópóló, hapale atimané be tɔ tukɔyaalo ai ape.

<sup>37</sup> Atéroró, atima tɔteróló kaae tare whɔ wouraalu kelerɔlemó, ama ɔla ɔla mo wisiyóló kaae tapa, ɔ hekeseturaalu atimapaae mo wisi ala eraalopó. Yɔlo diɔpaae mo i dere ape. Kale topo whɔ ɔ kuti wisi deróló, ama kutó diratere whɔrape wópóló ɔpi fóló, ɔla nokole ni fake tómó kaae tawóló be-taalopó.

<sup>38</sup> Kale doasi whɔ ɔ be diliki tuɔmó ó be teó ɔeterepaae sókó wouraalu ama kutó diratere whɔrape kelerɔlemó, fea ɔla ɔla sumó donoró betepa, ɔ hekeseturaalu atimapaae mo wisi alatóro eraalo ai ape.

<sup>39</sup> Tépatéi, i dere fo mo diriyóló wosóló tué muae. Betɔ be talené ama be fulukóló ɔla ɔla ɔlémi saaire whɔ i sukakelemó waalopóló kisipa uɔsóro ti ama be fulukóló ɔla ɔla sóro fópóló kaae tawuɔ meipó.

<sup>40</sup> Térapa, diɔkélé hotowaró donoróló betae. Ti noatepae, kale Whɔiné Naalema waalomei nisiyóló mokɔleyaa yóló betere tuɔmó waalo ai ape,” yalepó.

41 Tétepa Pitané duraalu, “Tale-ó, naao ai fo salepaae dó faróló dere fo-a, ðapaae maaté dépé, so whì feapaaekélé de?” yalepó.

42 Ai fo depa Talene duraalu, “Beta fosó fosóre kutó diratere whì ama doasiné dere fotóró wosóló eró tapa, mepaae kutó diratere so whì apaae teteróló kaae tawae enérapó. Tétu, tukóló muló betere sukamótóro atimané naaire ɔla maté fópóló, ama naase tuámó mulóló a fulapó.

43 Téró kale doasi whì a momó fesaae wouraalu keleralemó, ama diyae yóló fele kutó mo wisiyóló dipa kilitu, ai whìpaae mo doa hekesené sinóló mo wisi ala eraalo ai ape.

44 Yalo ðapaae mo i dere ape. Kale topo whìné ama ɔla ɔla fea ai whìpaae naao mo wisiyóló kaae tawae yóló ama naase tuámó mulaalopó.

45 Téatei, kale kutó diratere whìné ama etei kisipa munérapó. ‘Yalo doasi a foloti feletei hapale wómipó,’ dua dapó. Atéreteiné, a bitu mepaae kutó diratere whìraperó sorapetamo fokosói ala yóló, du beteró a ɔlaró weitamó dekéro nóló topo doyóló keyaa faalopó.

46 Atéru kale doasi whì waalopóló kisipani, mokɔleyaa yóló betere tuámó a sókó wouraalu, kale whì diyóló turukópi sóro kisipa tirénire so whítamo touyóló beterópóló, hókó faraalopó.

47 Ai whìné ama doasiné mole ama kisipa tué irutei, a donoróló bitu doasiné dirae yale kutó diréniyalemó, fokosói ala yóló mo doasi susupu-raalo ai ape.

48 Téyaalotei, mepaae kutó diratere whìné atima doasiné mole kisipa bete wisiyóló sinipa, ti ai

whipaae kwia mótukélé sawa tétitóró melóo, dele alakélé dekéro ini, tétitóró dóo yaalopó. Nalo kale doasi wóló, ama doasi alarape teteróló kaae tawae yale whipaae duraalu, yalo yapaae melóló fele kutórape fea maé yóló wosaalopó. Mepaae so whiné me whipaae duraalu, ‘Dane ɔla ɔla kaae tawae,’ yóló huyóló mélipa, ti atima momó fesaee wou ama male suróló maé yóló wosaalopó,” yalepó.

*Fake tekeyóló, betaalopóló yale fo*  
(Mat 10:34-36)

<sup>49</sup> “Eta i haepaae waletaita si sóró walepó. Ai si i haemó mo hapale dó holópóló, mo taketi noke uapóló kisipa mutapó.

<sup>50</sup> Tépa, e mo kae wei tópuaaire ala beta moletei kemeraai kaae taru, mo doasi sekéné sukutu beterapó.

<sup>51</sup> E i haepaae waletaita, diaaɔ kisané diɔ i haemó betó mole so whitamó hosaa muni deyóló dua betaaire ala sóró walepóló de? Meipó. Yalo diapaae mo i dere ape. Eta, diɔ fake tekeyóló beterópóló, tekenale walepó.

<sup>52</sup> Atérené mió i betere alimó kaae sóró, beta bemó aporó so whi betepa, atimasisitei bóe dóló tekeyóló, sore whi kae betóo, tamo whi kae betóo, yaalo ai ape.

<sup>53</sup> Atimasisi atéro fake tekeyóló kae bitu, alimané naaletamo bóe dóo, naalené alimatamo bóe dóo, hamané senaaletamo bóe dóo, senaalené hamatamo bóe dóo, whiné hama hyama sotamo bóe dóo, hyama soné ama whi hama sotamo bóe dóo, yaalopó,” yalepó.

*Dere ala kilituraalu i ala yaalopóló kisipa yaaire fo*

*(Mat 16:2-3)*

<sup>54</sup> Téró, Yesuné aimó touró betere so wh̄ipaae duraalu, “Suka doropolepaae s̄ako h̄okolo depa kilitu, etei fo dua dapó. Mió hali waairaalu ai dere ape deretei, motóró wua dapó.

<sup>55</sup> Bes̄ékélé *Saut* depaae wapa kilitu, mió mo dirii suka yaai dapó deretei motóró dua dapó.

<sup>56</sup> Dīa tó tikiné wisire nisi du betere so wh̄irape-ó, i haemó dere alaró s̄amó dere alatamo ti diaāq mo diriyóló kisiparapó. Mió i alimó dīa tuamó erótu betere ala dīané kilitu betera nalo waaire alimó yaaire ala bete diriyóló tué initere noatepa de?

<sup>57</sup> Dīané dere ala diaāqtei taleyóló, ita mo dono ala dapóló kisipatere noatepa de?

<sup>58</sup> Wh̄i mené yātamo fo tokóló só deraai taletere wh̄i beterepaae dapesó fupa, diaamosisi tumó furaalu donoratepa wisirapó. Ti noa yāsóró meipó. Ama yā dapesó fóló, taletere wh̄iné naase tuamó mulatepa, ai wh̄inémo diki tare wh̄irapené topo wh̄iné naase tūapaae mulatepa, yā *dipula* beterāsóró dapó.

<sup>59</sup> Yālo yāpaae mo i dere ape. Nao melópóló d̄ale mulale *moni* fea melaleteti, kale sonaai *moni* ke mo ti kemeróló menitepa, ti yā sókó feni, h̄ale bitiré faalo ai ape,” yalepó.

## 13

*Kisipa fetenitepa aluyaalopóló yale fo*

<sup>1</sup> Ai forape yóló kemeteretamo Pailat-né dale mepaae Kaleli wh̄irapené samea Kótópaae

sukɔlaa dalóló hɔle matere ɔlatamo touróló mótu beteraþó fo mepaae whɔrapené Yesupaae ene waleþó.

<sup>2</sup> Ai fo depa Yesuné atimapaae duraalu, “Diaaɔ kisipané ai dale Kaleli whɔrapeta, mepaae hɔle betó mole Kaleli so whɔné yale dowi ala bosenóló, atima mo doasi dowi ala ereteiné daleþóló kisipa mute?

<sup>3</sup> Ténipa, yaɔ diɔpaae i dere fo wosae. Diaaɔ dowi ala taaróló kisipa fetenitepa, ti diɔkélé ai whɔrape yale kaae yaalo ai ape.

<sup>4</sup> Ai fo kaae, me i ape. Sailoam be huluamó tene fɔloi be kolokó dorowouraalu, mepaae 18 whɔrape daleþó. Diaaɔ kisipané ai whɔrapené yale dowi alané mepaae Jerusalem be huluamó betó mole so whɔné dowi ala bosené faleteiné erapóló kisipa mute?

<sup>5</sup> Aténipa, yaɔ diɔpaae i dere fo wosae. Diɔkélé diaaɔ du betere dowi ala taaróló kisipa fetenitepa, ti atima yale kaae diɔkélé fea dóló aluraalo ai ape,” yaleþó.

<sup>6</sup> Téró, ama atimapaae i fo sale yaleþó. “Whɔ betané ama képi du kutómó beta nose biliyaletéi oloréro keɔ felemó, du beta kélé olenipa kelaleþó.

<sup>7</sup> Atépa, ai kutó talené ama kutó kaae tare whɔpaae duraalu, ‘Ai nose du oloréro ba fo sore tuámó keɔleta yaletéi, du mo beta kélé olere kilinipa, diyó mulae. Ti ai dowi waɔa daale niné hae fe hɔle kemeróþóló, noatepa kaae tawaaloé?’ yaleþó.

<sup>8</sup> Ai fo depa, kale whɔné ɔpaae duraalu, ‘Doa whɔ-ó, ba fo beta tuámó yaɔ mepaae keɔlaai ɔla ɔla sóró ai ni betemó munaalopa, daalóþóló taalae.



<sup>9</sup> Waaire ba fo tuamó kaae taralemó, olotepa ti wisirapó. Olenitepa ti diyó mulaalopó,' ” yalepó.

*Saa naai dale muló betere sukamó sisó fulukó tare so wisirale fo*

<sup>10</sup> Saa nokole be demó Yesu a fo wosaai te mole berapekó betá bemó Talené ala etérópóló yó mótu betalepó.

<sup>11</sup> Tétu beteremó, aimó dowi kepené sisó fulukuró betepatei, 18 ba fo kemere so beterepó. Atéruraalu, a donoyóló betere alakélé ini, mo heméetóro tarepó.

<sup>12</sup> Atépa Yesuné kolóló apaae ape yóló duraalu, “Ti so-ó, ya dokóló muló betere kisi bete mió ai kemeratere ape,” yalepó.

<sup>13</sup> Atéró, kale soné tikimó naase mulaletamotóro, ama sisó fulukó taretei donone hotepa, Kótóné doi sóro holalepó.

<sup>14</sup> Saa nokole sukamótei Yesuné ai so wisiratere ala kilitu, ai fo wosetere be kaae tare topo whi a fopaae butu, aimó betó mole so whipaae duraalu, “Kutó diyaaire be derapeta apo miró mulapó. Térapa, diaa a kisi bete wisirópóló depa ti Saa nokole be demó wéni, hale be derapemó wua yae,” yalepó.

<sup>15</sup> Ai fo depa, Talené apaae duraalu, “Dia tó tikiné hale wisire nisi du betere whirape-ó, Saa nokole sukamótei diaa a *bulmakau ó donki* hupurape duló betereitei wei nópóló dapesó fua dumié?

<sup>16</sup> Atére kaae, Abraham-né deté yale i betere so dowi Satan-né képiné dokóló muló betepa, 18 ba fo hale kemeyalepó. Atépa a fópóló, Saa nokole be demótei, yalo teraayalepa ai ala dore?” yalepó.

<sup>17</sup> Ama ai fo deremó, aṭamo dei kisipa muóló só deraaire wh̄rape atimatei hale duraalu, wiyalepó. Téyaletēi, so wh̄i feané ama ai dere ala kilituraalu, kok̄oi ala dapóló doasi h̄kesenē sukutu betalepó.

*Mastard niró yist-tamopaae dó faróló yale fo sale*

*(Mat 13:31-33, Mak 4:30-32)*

<sup>18</sup> Téró Yesuné duraalu, “Kótóné t̄teróló kaae tare aṣmó mole ala etérapóló noa alapaae dó faróló yaaloé?”

<sup>19</sup> Ti aita, i ala kaaenē kelerapó. Beta wh̄iné *mas-tard* ni ke sawatamo só fóló, kutómó biliyalepó. Atéró kale ni holóló, doasi ami daapa, teteimó sikimó kotere barape sirimó daaneta dua dapó,” yalepó.

<sup>20</sup> Atéró, ama kale yale kaae momó duraalu, “Kótóné t̄teróló kaae tare aṣmó mole ala noatamo s̄róló enére?”

<sup>21</sup> Aita, i ala dere kaaepó. Beta soné *flawa* o bula duraalu, *yist* mo sawatamo bulatereteiné doasi o bula alerótua dapó,” yalepó.

*Betek̄ene sawa t̄mó fae yale fo*

*(Mat 7:13-14, 21-23)*

<sup>22</sup> Ai alarape yóló kemetepa, Jerusalem-paae fole t̄mó t̄ mole doasi be huluaró sawa be hulu-arapemó Yesu faai furaalu, Talenē fo yó maté fu betalepó.

<sup>23</sup> Atéró, mepaae wh̄iné Yesupaae duraalu, “Tale doasi-ó, beta beta so wh̄i maaté aluyaṣsóró tao saaloé?” yalepó.

24 Ai fo depa ama atimapaae duraalu, “Diã mo sawa betekene tumó sókó faairaalu, ketekę buóló fae. Yãlo diãpaae mo i dere ape. So whı fea ai sawa tumó faai dapóló faalotei fenénipó.

25 Ai be talené ama be tų kinó betepa diã wóló belamó daalu tumó haluróló fo fakeyóló duraalu, ‘Tale doa whı-ó, dã holaai dapa tų tukıyae,’ yaalopó. Ai fo depa ama diãpaae duraalu, ‘Diã maae so whırapeé?’ yaalopó.

26 Tétepa, diaaę i fo yaalopó. ‘Dã fea betamó bitu, ęlaró weıtamo nóo, yã dané tųrapemó daalu yó matere fo wosóo, du betale so whıpó,’ yaalopó.

27 Ai fo yaalotei, ama atimapaae i fo yaalopó. ‘Dowi ala yó tare so whırape-ó, diã maae wale so whıró ę kisipanipa, taae fae,’ yaalopó.

28 Atétepa, diaaę Abraham, Aisak, Jekop, mepaae Kótóné whırapekélé fea ama tetéróló kaae tare be tuamó betó mupa kelaalopó. Téyaalotei, diã ai be tuapaae honi, belamó dele doasi sóró wole du bitu, diaaę serekenétei diã tukóló nuku betaalo ai ape.

29 Atétere be demótóró suka hotereró wale so whıkélé, suka doropoleró wale so whıkélé, u depaae wale so whıkélé, i depaae wale so whıkélé, mo fea Kótóné tetéróló kaae tare be tuamó detere ęla naairaalu, atima betaaire tiki séle séle sóró betaalopó.

30 Mió i alimó mepaae nalo wale so whı folosene fóo, mepaae folosóró fole so whırape nalone fóo yaalo ai ape. Yãlo i dere fota, hasókó feni, mo yaalopó,” yalepó.

*Yesuné Jerusalem so whi hosaamó sirapóló yale fo*

*(Mat 23:37-39)*

<sup>31</sup> Atéyale sukamótóró, mepaae Farisi whirape Yesu beterepaae wóló duraalu, “Herot-né ya daai du betepa, i be taaróló, metikipaae fae,” yalepó.

<sup>32</sup> Ai fo depa, atimapaae duraalu, “Diã fóló, ai whi dóló nokole dowi haqpaee i fo yae. Mióró dótamota, ẹ mepaae kisi daae mole so whiró dowi kepe tepeyóló betere so whitamó wisiróló, sore be deñé ti yało diyaai yale kutó fea kemeróló dalemó sókó fatapó yae.

<sup>33</sup> Téyaalotei, mió ó dó ó duakélé, atimané ẹpaae me ala eratepa taaréni, hałe fó maaté yaalopó. Ti noatepae, Kótóné kóló whi kae tikimó sukutepa aqni, Jerusalem bemótóró sukutepa ti mo donorapó.

<sup>34</sup> Jerusalem, bemó betó mole so whirape-o, Kótóné ama fo eratere kóló whirape dóo, mepaae ama diã beterepaae doteyale whirapekélé kapo duné siróló dóo, dua yalepó. Kale bané malerape ama baase aqpaee buósu dere kaae, diaaq naale senaale yało atéro buó saalopóló dua yalemó, diãné hórlepó.

<sup>35</sup> Térapa, mió diaaq be mo wópu maalo ai ape! Yało diãpaae mo i dere ape. Ẹ diaaq kilini hałe bitiré fóló, Talené doimó wale whi-ó, Kótóné hamokoróló tao sere alané wisirópóló yae dere sukamó ti ẹ momó kelaalopó,” yalepó.

## 14

*Yesu Farisi whiné bemó ọla naai betere fo*

1-2 Téró, S̄a nokole sukamó Yesu ̄a Farisi wh̄irapekó doi mole wh̄iné bemó ̄la naai fóló beterepó. Atépa, bet̄a hó naase tópure wh̄i Yesu betere felekemó betepa, me alakó déró kelaai kaae tawóló betó molepó.

3 Atépa, Yesuné Farisi wh̄iraperó Moses-né as̄ere fo kisipare wh̄irapetamopaae duraalu, “S̄a nokole sukamótei wh̄i wisiratepa fo mulepé, meié?” yalepó.

4 Ai fo depa, atimané me fokélé tokó menipó. Atétepa, Yesuné kale wh̄i wisiyópóló tikimó tawóló, turukó hóróló fópóló dot̄eyalepó.

5 Atéró, Yesuné atimapaae duraalu, “Dīakó wh̄i bet̄ané ama naale ó *bulmakau* hupu s̄a nokole be demótei nóku dolopaae doropóló mupa, téti hapale tao saalo meié?” yalepó.

6 Ai fo depa, atimané ̄apaae me fo tokó menipó.

7 Téró, atima ̄la naai wale so wh̄irape doasi doi mole wh̄i betere tikimó betaai dapóló fole ala kilitu, atimapaae etei fo sale yalepó.

8 “Wh̄i mené ama so dokoturaalu detere ̄la naai ape depa furaalu, doasi doi mole wh̄irape bitua dere ni fake wisimó betaai ek̄ele yāse. Ti noatepae, yā t̄eteró betere doasi doi mole wh̄irapepaae ape eretei, yā kisipani ai ape.

9 Atéró wóló betepa, diaamopaae ape yale wh̄iné duraalu, yā betaai yale tikimó i sek̄é beterópóló, yā h̄ale tikimó betae depa, yā doasi hale saalopó.

10 Atéyāsóró, yāpaae ̄la naai ape depa furaalu, doasi doi mole wh̄irape betere ni fake āmó h̄oko betae. Atépa, yāpaae ̄la naalopa ape yale wh̄iné

kilituraalu, ‘No-ó, ya i wisi tikimó bitı holae yaalo ai ape.’ Atétepa, yaıtamo betamó ıla nuku betere so whıné keletómó naao doi hale sóró horaalopó.

<sup>11</sup> Ti noatepae, mepaae whı dené amatei ą doi sóró horatepa, atétere whı ti Kótóné haepaae só deróo, whı me de amatei deróló dua betepa, ti Kótóné ą sóró horóló doasi doi mulóo, yaalo ai ape,” yalepó.

<sup>12</sup> Téró, Yesuné ąpaae ıla naai ape yale whıpaae duraalu, “Naao suka tuamó ó dikitamo ıla naairaalu, naao fulumu whırape ó naao norape ó fake so whırape ó yaıtamo felekemó betere néli so whırapepaae maaté ıla naai ape yóló dape saşe. Naaotamo ai ala depa, atimapaee erale ala kaae, yaıpaekélé eraalo ai ape.

<sup>13</sup> Téni, ai detere ıla naairaalu, haıe yolealere so whı ó tiki dore so whı ó hó dore so whı ó kele dilikire so whı fea ape yóló dape supa, ti Kótóné ya wisiróló hale horaalopó.

<sup>14</sup> Ti atei kaae so whırapené naao erale alamó yaıpaae momó tokó menanénipó. Naao ai dere alamó saaire dupu wisata, take wisi ala yóló sukale so whırape kepaayóló wale sukamó senérapó,” yalepó.

*So dokoteremó detere doasi ılapaae dó faróló yale fo sale*

*(Mat 22:1-10)*

<sup>15</sup> Atéró, Yesuné ai dere fo wosóló, aimó ıla nuku betere whırapekó betané ąpaae duraalu, “Kótóné teteróló kaae tare aomó bitu, detere ıla naalopóló kisipa mutu betere so whıta ti Kótóné wisiró betepa, doasi hajné sukutu betepapó,” yalepó.

16 Ai fo depa, Yesuné ɔpaae tokó mótu duraalu, “Whị betané ama doasi ɔla deyaairaa, taleyóló mulóló so whị feapaae naai ape yalepó.

17 Atéró kale whịné ɔla deyaaire be de wapa, ɔla naai ape yale so whị dapesene fópóló, ama kutó diratere whị dotonalepó. Atétepa, ɔ fóló atimapaae duraalu, ‘Mió ɔla taleróló muló betepa faalopa ape,’ yalepó.

18 Atéró deté kweyaleteti, atima fole hómó kutórapené bipi epa fenénipó dua yalepó. Folosóro whị betané duraalu, ‘No-ó, yalo dóti dupuyóló diyaaire kutó kele faaireteiné, ɛ yɔtamo faalomeipó,’ yalepó.

19 Kale dere fo kaae whị menékélé duraalu, ‘No-ó, ɛta yalo dóti dupuyale naasetamo *bulmakau* hupurapené dere ala kele faaireteiné yɔtamo fenénipó,’ yalepó.

20 Whị menékélé kale dere fo kaaetóro yóló duraalu, ‘No-ó, ɛ so mo dótóro dokóló betereleiné yɔtamo fenénipó,’ yalepó.

21 Atétepa, kale kutó diratere whị momó fesaae wóló, whịrapené yale fo ama doasipaae yalepó. Tétepa, kale be tale ɔ fopaae buóló ama kutó diratere whịpaae duraalu, ‘Yɔ mo hapale fóló ai doasi be huluaró sawatamo be huluatamopaae fole tumó yolealere so whịkélé, tiki momaare so whịkélé, kele dilikire so whịkélé, hó naase dore so whịkélé, fea wópóló dapesene fae,’ yalepó.

22 Ti fo depa, ama yae yale alarape yóló kɔlipaae kale kutó diratere whịné duraalu, ‘Doa whị-ó, naao ɛpaae yae yale alarape fea yalo sɔmó yaleteti,

mepaae whị beteraaire de ɥale ai mune fale ape,' yalepó.

<sup>23</sup> Tétepa kale doasi whịné ɥapaae duraalu, 'Ya doasi tɥrapemó fóló, tɥ demó betó mole so whịkélé fea dape siré kweyóló wapa, ti be kerape fea sɥnérapó.

<sup>24</sup> Yalo ɥapaae i dere ape. Mepaae whị de ɔla naalopa ape yalemó wéni yale so whịrapeta, ɥalo doasi detere ɔla mo sawakélé hoteyaalomeipó,' yalepó.

*Filipaa ni beleyóló fenitepa Yesuné yó matere whị betenénipó ere fo*

*(Mat 10:37-38)*

<sup>25</sup> Téró, so whị mo ɥale ɔla kaae Yesutamo fu betepatei, Yesu fetée wóló i fo yalepó.

<sup>26</sup> "Mepaae so whị detamo ɛ beterepaae wouraalu, ti ama aya ó hae ó ama so, naale senaale ó ama noraperó nerapetamopaaekélé ó ama betere betekélé hóróló bóe dinitépa, ti ɥ ɥalo dere fo wosóló yó matere whị betenénipó.

<sup>27</sup> Mepaae whị dené ɥ oleraaire filipaa ni amatei beleyóló ɛ sya anitépa, ti atétere whịkélé, ɥalo yó matere whị betenénipó.

<sup>28</sup> Diakó betɥ whị ama kisipanétamo, doasi fɔloi be olekeyóló tɥyaaairaalu, ama tare *moniné* sɥmó tɥnéreró kisipanépi talenérápó.

<sup>29-30</sup> Ti noatepae, be tɥyaaai folosóró bete kaat-uraalu, dirii eleké bilitapó. Téteretei, kale be kemerénipa kilitu, mepaae so whịné dɔ nanóló doka doka duraalu, i sekéné mo folo tɥale betei kemerénipóló dɔ nanaalopó,' yalepó.



<sup>31</sup> Fo sale me i ape. Me hae kwia teteróló kaae tare topo whiné me hae kwia teteróló kaae tare topo whıtamo bóe de le faairaalu, 10,000 diki tare whırapero me topo whiné 20,000 diki tare whırapetamo bóe dupa, 20,000 diki tare whırape dóló kemeraalopé neté yaalorópóló kale topo whı ą kisipapi tekenérapó.

<sup>32</sup> Atéro bóe whırape mo umó wou betepatei, ama kisipanétamo atimatei betapaae delépa, ti bóe dele ala taarópó. Mió da bóe fiyóló dua betaalopó fo ene fae yaalopó.

<sup>33</sup> Atétere kaae, diąkó whı me dené ama muó mole ąla ąla fea me ąla meipóló taarénitepa, ti ya lo fo eratere whı betenénipó.

<sup>34</sup> “Kóta, mo felé ąla wisitei ama felé kemetepa, ti momó kae neyóló felé bulaaloé?”

<sup>35</sup> Atéro felé initere kóta, ąla betepaaekélé munéni, ha le tikipaae taae fatua dapó. Mepaae whı detamo woséli dapa, ti i dere fo wisiyóló wosópóló yae,” yalepó.

## 15

### *Aluyale sipsip hupupaae dó faróló yale fo (Mat 18:12-14)*

<sup>1</sup> Téro, mepaae *takis moni* sere whırapero so whiné dowi ala dere whırapepó du betere whırapetamo Yesuné dere fo wosaai ą beterepaae tourale wóló betó molepó.

<sup>2</sup> Atépa, mepaae Farisi whırapero Moses-né asere fo yó matere whırapetamoné Yesu kikiti eratere fo yóló duraalu, “I whinéta dowi ala du

betere wh̄irapetei, touróló ọla betámó nuku beter-apó,” yalepó.

<sup>3</sup> Ti fo depa, Yesuné atimapaee etei fo sale yalepó.

<sup>4</sup> “Diákó wh̄i betané 100 *sipsip* hupurapekó betá hupu alupa, 99 hupurape h̄ale tuá tikimó beteróló, alure hupu keketé kw̄eyóló dape sumié?

<sup>5</sup> Atéró, dape supa, ẹ h̄ekesené sukóló bepaae dapesó wua dapó.

<sup>6</sup> Atéró, bepaae só fóló, ama fulumu so wh̄iró be wh̄i so wh̄itamopaae tourale ape yóló duraalu, ‘Yalo kale aluyale hupu kekitu beteró dape salepa, diákélé fea ẹ dere kaae h̄ekese yae,’ yaalopó.

<sup>7</sup> Yalo diapaae i dere ape. Atétere kaae, betá dowi ala du betere wh̄i kisipa tiki feteyóló Kótó beterepaae wapa, ti hepen bemó mo doasi h̄ekese dere alané i haemó dere h̄ekese t̄eteróló bosene falapó. Téretei, mepaae 99 so wh̄iné duraalu, da me dowi alakélé dumipa, kisipa tiki h̄ale neyóló feteyaaloé dere so wh̄ipaae h̄ekese doaló dumipó,” yalepó.

### *Aluyale moni kepaae dó faróló yale fo*

<sup>8</sup> Ai ala kaae me i ape. “So betané *silpa kapané* aleyale naasetamo *moni* kekó betá alutepa, ama noa ala yaaloé? Kekaairaalu s̄a deyóló be tuámó muó mole mome wisiyóló fuóló kekóló mupa sumié?

<sup>9</sup> Atéró su, ama fulumu so wh̄iró be wh̄i so wh̄itamopaae kale aluyale *moni* ke saleteiné da h̄ekese yaalopa, diá fea betapaae tourale ape enérápó.

10 Yało diɣapaae i dere ape. Ai ala dere kaae, mepaae wh̄i de ama dowi ala taaróló, kisipa feteyóló Kótópaae wapa, ti ó hepen bemó betere *ensel-rape* mo doasi hekesené sinaalo ai ape,” yalepó.

*Aluyale naalepaae dó faróló yale fo sale*

11 Atéró, Yesuné ama deté wou betere fo tómó me i fo yalepó. “Wh̄i betɣané naale tamo beterepó.

12 Téru, me deke naalené alimapaae duraalu, ‘Apa-ó, naao yało no ɗamomó melaai muló betere ɔla ɔla bukóló ɛmaletamo ɔlae,’ depa, alimané naalema tamo tuɣmó bukuralepó.

13 Atéró kale deke naale alimané melale ɔla ɔla fea sóró, mo saletó tikipaae felepó. Atéró bitu, mepaae kae kae ala hoko deté fu beteró, ama kale sóró fele ɔla ɔla fea kemeralepó.

14-15 Atéró beteremó, ai hae kwiamó doasi wote ali wóló ɔ naaitere ɔlakélé meitepa, ɔ fóló wh̄i betɣapaae duraalu, ‘Naao me kutókó mupa yało diraalopó yóló wosalepó.’ Ti fo depa, kale wh̄iné ama hupurape kaae tawaaire kutó betɣ mulapa dirane fae yóló doteyalepó.

16 Atéró fóló, kale hupurape kaae tapa mené ɣmó nokole ɔlakélé menipó. Tétepa, ɔ wotemó kale hupurape matere besɣae bolo naai kisipa mutu betalepó.

17 Atétu ama take muale kisipa feteyóló, momó wisi kisipa muóló duraalu, ‘Yało ayané ama kutó diratere wh̄irapeta, ɔla dekéro mupa nuku betereitei, ɛ imó wotené sukutapó.

18 Tétereteiné, mió ɛ momó yało aya beterepaae fesaae fóló i fo yaalopó. Apa-ó, ó hepen-mó betere

Kótópaaekélé, yāpaaekélé yālo wisi ala eréni, mo doasi dowi ala eralepó.

<sup>19</sup> Atéyaleteiné, mió ę naao naale aḡréni, kutó diratere whīrape kaae beterae, yāairaalu faai kisipa mualepó.

<sup>20</sup> Atéró tuę teketu betero, kale naale ą betere tiki taaróló, alima beterepaae momó fesaae felepó. Atéró kale naale mo umó wou betepa alimané kolóló, ama hosaamó suraalu, ą mo hapale sururu yóló fóló, apuó taru kóló tukó nalepó.

<sup>21</sup> Atétepa kale naalené alimapaae duraalu, ‘Aya-ó, naao kele tómókélé, hepen bemó betere Aya Kótóné kele tómókélé, mo doasi dowi ala yalepó. Téyalepa, mió ę naao naale aḡraḡse, yalepó.

<sup>22</sup> Téyaletei, kale naale alimané ama kutó diratere whīrapepaae duraalu, ‘Dią mo hapale fóló, ąmó deraaire kuti wisi sóo, naasemó bulaaire bi sóo, hómó horaaire hęleke be sóo, yóló derae, yalepó.

<sup>23</sup> Atéró, ama kutó diratere whīrapepaae duraalu, ‘Dąné ą hękeseróló ęla deraalopa, betą ser-aa*i bulmakau* hupu male sene fae.

<sup>24</sup> Ti noatepae, yālo i naaleta sukāletei momó kepaayóló biture kaae erapó. Mo ti aluyale whītei momó dape sóró biture kaae epa, mió dąné ąmó ęla deróló hękese yāairaalu i dere ape, yalepó.

<sup>25</sup> Até du betepa, kale whīné topo naale kutómó daai be bela felekemó sókó walemó, *kitatamo* wole fo yóló, kīlitu betere fo wosalepó.

<sup>26</sup> Até du betepa, ama kutó diratere whīrapekó

betapaae ape yóló duraalu, ‘Doa ai-a, noa ala-maaté du bitu de?’ yalepó.

<sup>27</sup> Ti fo depa ama apaae duraalu, ‘Naa no me alakélé ini, mo wisiyóló sókó waleteiné, ayanaaoné seraai *bulmakau* hupu male dóló ɔla i derótu betere ape,’ yalepó.

<sup>28</sup> Ai du betere ala kilitu, kale topo naalené alimamato doasi fopaae buóló, bepaae hotere hōyóló belamó dalepó. Atépa, alima doropóló naalema be dolopaae holópoló, bératere fo yalepó.

<sup>29</sup> Téyaletei, ama alimapaae duraalu, ‘Kelere! Ba fo dokɔ fea ɛ naao wae sóró kutó diratere whi kaae bitu, hókélé ini naao erae dere ala yało eró tawalepó. Téyaletei, yało fulumu whirapetamo dóló nópóló, naao *meme* hupu male betakókélé menipó.

<sup>30</sup> Até yaletei, naao ai naale hoko nópumó kutu beteró naao melale wisi wisi ɔla fea aluróló wapatei, naao amó seraai *bulmakau* hupu male dóló ɔla ai deratere ape,’ yalepó.

<sup>31</sup> Ai fo depa alimané duraalu, ‘Ti naale-ó yaťa, suka fea ɛtamo betereteiné yało mole ɔla ɔla feata, ti naaotóró ai ape.

<sup>32</sup> Téreteiné da fea həkese duraalu, amó ɔla deralepa, ya depe sekeni həkese yae. Ti noatepae, naao no a mo ti sukale whi momó kepaayóló wóló biture kaae epa ɔla deratere ala taarēni, mo enérápó. Aťa, aluyale whitei, momó sókó wapa dape sóró i betere ape,’ ” yalepó.

## 16

*ɔla ɔla tɛteróló kaae tawae yale fo sale*

<sup>1</sup> Téró, Yesuné ama yó matere wh̄irapepaae i fo yalepó. “Wh̄i mené bet̄a néli wh̄ipaae duraalu, naao ɔla ɔla kaae tare wh̄iné wisiyóló kaae tani, h̄oko besekérótu betera pó depa wosalepó.

<sup>2</sup> Atei fo depa, ama sóró betera le wh̄ipaae ape yóló ɔpaae woseturaalu, ‘Naao du betere ala mené ɛpaae ene walepa, naao ȳalo ɔla ɔla netéró kaae tare? Mió naao ditu betere kutó kemeraai dapa, naao t̄eteróló kaae taru deté wale ala fea ɛpaae yae,’ yalepó.

<sup>3</sup> Ai fo depa kale wh̄iné ama kisipanétei duraalu, ‘Ȳalo doasiné ɛ melale kutó kemeratepa, mió ɛ noa kutókó diyaaloé? Hae duk̄iyaaire fotok̄okélé buni yóo, me wh̄ipaae ɔla kema dere alakélé, hale yóo ereteiné, ɛ noa ala yaalorópó.

<sup>4</sup> Tépatei, ɛ i kutó taaróló fupa, mepaae so wh̄iné ɛ mo wisiyóló dape sópóló, i ala bet̄a yaai kisipa mutapó,’ yalepó.

<sup>5-6</sup> Atétepa, kale wh̄iné ama doasiné ɔla ɔla kwia mulóló sale wh̄irape bet̄a bet̄a ape depa, walepó. Atéró kale folosóró kwia mulóló sale wh̄ipaae woseturaalu, ‘Ȳalo doasiné ɔla naao meteró saleé? depa, ama duraalu, d̄ale 4000 *lita olip wel* w̄ei salepó,’ depa, kale wh̄ipaae duraalu, ‘Ȳa hapale fóló sawa betero, naao sale 4000 *lita wel* w̄ei d̄ale helekóló, 2000 *lita ase*yae,’ yalepó.

<sup>7</sup> Téró, kale dere kaae me wh̄ipaae woseturaalu, ‘Naao ȳalo doasiné ɔla meteró saleé?’ depa, kale wh̄iné duraalu, ‘*Whiti* yorape 1000 salepó,’ yalepó. Ti fo depa, kale wh̄iné ɔpaae duraalu, ‘Naao melaai sale kwia as̄etei helekóló 800 ase’yae,’ yalepó.

<sup>8</sup> Atéró, kale ɔla ɔla talené ama sóró beterales whi wisipa meitei a dukiróló duraalu, ‘I whita ɔlémi nuku bitutei, topo daalu fosó fosói ala maaté du betera. Ti i haemó betere so whi atimasisi u tao su i tao su dere ala mepaae so whiné kilitu, mo fosó fosóre so whipóló dukiraterere alané, kale de tuamó betó mole so whi tetéroló ketei aqratapó,’ yalepó.

<sup>9</sup> Yalo diappaee i dere ape. I haemó bituraalu, naao sere *moni* mepaae yayare so whi tao sóró hale melae. Atéró fea melóló kemeratepa, atimané ya mo ti te tare bepaee holae yóló dape saalo ai ape.

<sup>10</sup> Mepaae whi dené sawa kutó mo wisiyóló kaae taru dirótu betepa, so whiné kilitu i sekéné kutó mo dono ditapóló kisipa tiraterere whinéta ti doasi kutókélémo wisiyóló diranérapó. Mepaae so whi denétamo sawa ɔla mekó ɔlémi supa, ti doasi ɔlakélé ɔlémi senérapó.

<sup>11</sup> Atétepa, i haemó muó mole ɔla ɔla diaaɔ wisiyóló kaae tawaaire sunipa, mo ti muó tare wisi wisi ɔla diappaee kaae tawae yóló né melaaloé?

<sup>12</sup> Me whiné diappaee kaae tawae dere ɔla ɔlatamo diaaɔ mo wisiyóló kaae tanitepa, naao mo ti muó tawaaire ɔla yamó né melaaloé?

<sup>13</sup> Beta kutó diraterere whinétei, doasi topo whi tamoné kutó diranéripó. Atétepa, ti me whipaae yaala sókó fóló mulu, ama kutó diróo, me whi hóróló ama erae dere alakélé eréni yóo, yaalopó. Ai ala dere kaae, beta whinétei Kótóné kutóró mepaae *moni* saaitere kutótamo touróló diranéripó,” yalepó.

14 Ai fo depa, mepaae *monimó* hosaa muóló ekɛlere Farisi wh̄rapené Yesuné ai dere fo wose-turaalu, faleyóló doka du betalepó.

15 Ti fo depa, ama atimapaae duraalu, “Diɛné ai du betere ala so wh̄iné kilitu, mo wisirapó du betepatei, diaaɔ hosaa tuɔmó kinóló mole ala ti Kótóné kolóló mo kisiparapó,” yalepó. Atétepa, ama atimapaae duraalu, “Mo so wh̄inéta, diɛné mo doasi bete mole ala dapó du betepatei, Kótóné keletómó ti bete muni, mo sonaalérapó.

16 Kale Moses-né asɛre foró Kótóné kɔló wh̄rapetamoné yó maté waleteti, Jon betale alimókélé taaréni, haɛ yó matétóro fu beterepó. Atétu betepa, Kótóné tɛteróló kaae tare aɔmó mole kisi fo wisi wosaai dapóló haɛné sukuturaalu, so wh̄i fea aipaae alaletamo fu beterapó.

17 Ti s̄aró haetamota kemeyaalotei, Kótóné fo kwia mo sawakélé aluyaalomeipó.

18 Wh̄i me dené ama topo so tokó daaróló so me kae dokotepa, ti Kótóné f̄o tukóló nópu nukulapó. Wh̄i me dené me wh̄iné tokó daalale so dokotepa, ti aikélé yóló muló betere fo tukóló nópu nukulapó,” yalepó.

### *Néli wh̄iró Lasarus-tamoné yale ala*

19 “Téroró suka fea kelaalo mo kokɔi sonaai kuti maaté derótua yóo, mo feléi wisi ɔla maaté nóo du betere néli wh̄i beterepó.

20 Ai néli wh̄iné ama be tu sókó walemó yoleale wh̄i humu fulu daayóló bitu, suka fea ɔla kematu betere wh̄iné doi Lasarus beterepó.

21 Atéroró bitu, ɔ wote depa kale néli wh̄i ni fake tómó ɔla nukuraalu, folope sorokóta deretei



naai kisipa mutu betepa haorapené ama humu ʔe nukua depakélé, dowʔae fóló beterepó.

22 Ai ala du betere tuʔmó kale wh̄i Lasarus sukutepa, *ensel*-rapené ʔa beleyóló fóló, Abraham betere uté t̄eró beteralepó. Atéro ʔa sukʔale k̄ilipaae kale néli wh̄ikélé sukutepa douralepó.

23 Téro, kale néli wh̄i mo ti dó tare simó duku bituraalu kese falalemó, kale Lasarus Abraham-tamo daapa kelalepó.

24 ʔa atépa kolóló duraalu, ‘Aya Abraham-ó, naao ʔe k̄ole depata, ti kale Lasarus-né naase doumó w̄ei f̄e eróló ʔalo hape siri bulʔale wópóló dot̄eʔae. Ti noatepae, ʔe siné dukuraalu doasi dele sereteiné dapó,’ yalepó.

25 Ai fo depa Abraham-né duraalu, ‘Ti naale-ó, aita mo deretei, naao kisipa muae. Take ʔa haemó betale sukamó wisi wisi ʔlamaaté su betalepó. Até du betepa, Lasarus ʔa dowi ʔla sua yalet̄ei, mió ʔa imó hosaa muni deyóló h̄ekesené sinitu betepa, ʔa doasi dele ai su betere ape.

26 Tereitei, d̄a imó betere wh̄i aipaae wóo, atéro betere wh̄i ipaae wóo yaʔsóró, tuʔmó doasi fao muló betereiteiné d̄a aipaae t̄e wonénipó,’ yalepó.

27 Ai fo depa, kale wh̄iné Abraham-paae duraalu, ‘Aya Abraham-ó, Lasarus ʔalo ayané bepaae fóló norapepaae ene fópóló yae.

28 Ti noatepae, ʔalo norape aporó betepa, ʔe doasi dele su betere tikipaae atimakélé waʔsóró, ene fópóló dapó,’ yalepó.

29 Ti fo depa Abraham-né duraalu, ‘Moses-ró Kótóné k̄lóló wh̄irapetamoné yó mótu betere fo

wosóló, atima kisipa feteyóló tué tiki tiratepa, ti té yópólópó,' yalepó.

<sup>30</sup> Ai fo depa, kale whiné Abraham-paae duraalu, 'Aita mo deretei, sukale so whi fólótamo depa, ti atimané du betere dowi ala taaróló, kisipa feteyóló waalopó,' yalepó.

<sup>31</sup> Ti fo depa ama duraalu, 'Moses-ró Kótóné kóló whirapetamoné yó mótu betere fo wosenitepa ti sinóló kepaayóló wale whiné dere fokélé wosóló kisipa tiki tiraalomeipó,' " yalepó.

## 17

*Dowi alamó dée nalatere whi sekei ala erópóló yae yale fo*

*(Mat 18:6-7, 21-22, Mak 9:42)*

<sup>1</sup> Téró, Yesuné ama yó matere whirapepaae duraalu, "So whi fea dowi ala yóló dée nópóló kae kae suseré alarape waalo ai ape. Té yaalotei, whi me dené me whi dowi ala yópóló dée nalatepa, ti atétere whipaae doasi sekei ala eraalopó.

<sup>2</sup> Diakó mé whiné i betó mole naale senaale belekhatikikó dowi alamó dée nalatepa, ti atétere whiné depamó képi dulóló, doasi kapo fake oleróló wéi kelapaae taae deróluasóró mo wisi uapó.

<sup>3</sup> Atérapa, diaaq dere alarape dianétei mo hotowa yóló kaae tawae. Naao notamo mepaae dowi ala depa, ti atékesé yóló ą foné sae. Ténalemótamo, naao dere fo wosóló ą kisipa feteyóló wapa, ti ama yale ala me ąla meipóló haje kemerae.

<sup>4</sup> Betą be demótei, naao noné weikeró félimó yapaae dowi ala eralepóló, ya beterepaae fesaae wóló, 'No-ó, yalo yapaae weikeró félimó dowi ala

eraleteiné doasi kōleó ene wapa, ' ti naaomo kwia tani, me ɔla meipóló hãle kemerae," yalepó.

<sup>5</sup> Téró, Kótóné ama fo erãle fõpóló doteyãle whĩrapené duraalu, "Tale-ó, ðané kisipa tiki doaló tiró bitinireteiné mo diriyóló tiraai dapa, naao ða yó ɔlae!" yalepó.

<sup>6</sup> Ti fo depa Yesuné atimapaee duraalu, "Diã kisipa tiki tiró betere alatamo mo sawa *mastard* niné ke kaae bupa, ti i daale *malberi* nipaae naao feleke turó tokóló, doasi wẽi kɛla tuãmó daane derepae depa, naao dere fo wosóló mo téyaalo ai ape.

<sup>7</sup> Diãkó betã whĩné ama kutó diratere whĩ ɔla wae biliyaai hae dukiyóló mulale fóló, ó *sipsip* hupu kaae tane fi teó waletamotei kale doasiné ama kutó diratere whĩpaae, 'Yã ɔla naasepóló ha-pale ape,' fo dua de? Meipó.

<sup>8</sup> Doasi whĩné atei fo yaalomeitei, etei fota ti enérápó. 'Yãlo naaire ɔlaró wẽitamopi donoróló, ɛ nuku betepa ti naao naaire ɔla donoraasepólópó dua dapó.'

<sup>9</sup> Kale kutó diratere whĩné ama doasiné ɔpaae dirae dere kutó fea diyóló kemeratepa, ama doasiné ɔpaae mo kée fo dua de? Meipó.

<sup>10</sup> Atétere kaae, Kótóné diãpaae dirae dere kutó diyóló kemetepa, diaaɔtei diã bopé fake enére? 'Ðata, whĩ wisi meitei, ðané ditere kutóró diyalepó fo enérápó,' " yalepó.

*Naase tamo whĩrape dowi humu fuluné tiki dopa wisirale fo*

<sup>11</sup> Ai fo yóló kɔlipaae Yesu ɔ Jerusalem be hulu-  
apaae sókó faairaalu, Samariaró Kaleli haetamo  
ɔale tuamó fu betalepó.

<sup>12</sup> Atéro ɔ betɔ be huluamó sókó felemó, dowi  
humu fuluné tiki dore naase tamo whɔrape ɔtamo  
hokolaa yaai wóló, mo tumó daae molepó.

<sup>13</sup> Atéro daalu fo fake yóló duraalu, “Doa whɔ  
Yesu-ó, naao ɔ kɔlené sukutu tao sae!” yalepó.

<sup>14</sup> Ai fo depa, Yesuné atima kelalemó  
kɔlené sukutepa duraalu, “Diɔ fóló, so whimó  
momaratere whɔrapepaae diaaɔ tiki yó melale  
fae,” yalepó. Atétepa, atimané tiki yó melaai tɔ  
tuamó fu betepatei, atimané dowi humu fulu  
torokó fóló wisiyalepó.

<sup>15</sup> Atétepa, atimakó betɔ whɔné ama tiki  
fopeyalemó wisipa kilituraalu, momó fesaae fóló  
fo fakeyóló Kótóné doi sóró horaté fu betalepó.

<sup>16</sup> Até deté wóló, Yesu daale felekemó deraapisa  
fóló mulu, mo kée du betalepó. ɔta, Samaria hae  
kwiamó wale whɔkópó.

<sup>17-18</sup> Tétepa, Yesuné atimapaae woseturaalu,  
“Mepaae naase tamo whɔrape yaalo wisirénié?  
Ita, kae fake whɔtei Kótóné doi hale sóró hor-  
atapa, Naase aporó kemeyóló douró whɔrape-a,  
neyaleé?” yalepó.

<sup>19</sup> Téro ama ɔpaae duraalu, “Naao kisipa tiki tiró  
betale alané ya wisiralepa, turukó holóló mo dua  
fae,” yalepó.

*Kótóné tetéroló kaae tare ala wóló mulapóló yale  
fo*

*(Mat 24:23-28, 37-41)*

20 Atéroró, me sukamó Farisi wh̄irapené Yesupaae duraalu, “Kótóné t̄eteróló kaae tare ala noa be demó wapa so wh̄i feané kelaaloé?” yalepó. Ti fo depa Yesuné atimapaae duraalu, “Kótóné t̄eteróló kaae tare alata, wh̄iné kelené kolóló tūē yópóló me fareyópu kae yaalo meipó.

21 So wh̄i feané imó ó umó wóló beterapó fo enénipó. Ti noatepae, Kótóné t̄eteróló kaae tare alata, mió dī tūamó i wóló mole ape,” yalepó.

22 Téró, ama yó matere wh̄irapepaae duraalu, “Take waaire be d̄erapekó bet̄a tūamó kale Wh̄iné Naalema kelenée du betaalotei mó kelaalo meipó.

23 Atéroró kekitu betepa, mepaae so wh̄iné duraalu, ‘Kale Wh̄iné Naalema umó wóló beterapó,’ ó ‘Imó wóló beterapó,’ depa, mo dere nisiyóló sya fāse.

24 Ti noatepae, kale Wh̄iné Naalema a wouta, epée duraalu hae kwia fea d̄eyó fu dere kaae yaalo ai ape.

25 Ai alarape fea yaaipatei, folosórō api kae kae susupui ala supa, ti mió i alimó betó mole so wh̄iné ama fo woseni, a h̄óraalo ai ape.

26 Take Noa betale alimó yale kaae, mió Wh̄iné Naalema waaire alimókélé atétórō yaalo ai ape.

27 Take Noa betale alimó, so wh̄i fea ɔlaró w̄eitamo nokole alakélé, so wh̄itamo beteratere alakélé, wh̄i so dokotere alakélé, deté fu betepatei, Noasépi nuku tūapaae bit̄i horalepó. Até d̄eretamotórō, atima ai du betale ala kemene felepó. Atéturaalu, doasi w̄ei dukulé horóló so wh̄i fea sisiraae felepó.

28 Ai yale kaae, take Lot betale alimókélé, so wh̄i

fea wisiyóló bitu ɔlaró wɛitamó nokole alakélé, ɔla ɔla dotonóló duputere alakélé, ɔla wae bilitere alakélé, be tɛtere alakélé, fea deté fu bitipakalepó.

<sup>29</sup> Atétu betepatei, Lot ɔ Sodom be hulua taaróló foletamotóró hepen bemó siró kapo whaa kaae ere *sulpa* sitamo hali kaae dorowóló, so whi fea doralepó.

<sup>30</sup> Atétu yale kaae, kale Whiné Naalema mió kinóló beteretei hakeamó wapa, so whi feané ke-laalo ai ape.

<sup>31</sup> Atétere sukamó, whi me ama siki bemó biti hae bemó mole ɔla wisi saai dapóló derepaɔse. Kutómó daale whi momó fesaae fóló, bemó mupa wale ɔla momókó sene faɔse.

<sup>32</sup> Ti noatepae, Lot-né soma yale ala kisipa muae.

<sup>33</sup> Mepaae whi de yaɔlo ala erótutei, ama betere bete me ala yaɔsórópóló, amatei hotowayóló kaae tapa, ti atétere whiné betere bete aluyaalopó. Tépatei, whi me dené ama betere bete me ɔla meipóló taalatepa, ti ama betere bete aluni, mo ti muó tawaalopó.

<sup>34</sup> Yaɔlo diɔpaae i dere ape. Dilikitamo whi tamo betɔ beseɔmó fipatei, me whi dapesó furaalu, me whi fipa taaróló faalopó.

<sup>35</sup> So tamo *flawa* o bula yaai derɔketu betepa, me so dapesó furaalu, me so taaróló faalo ai ape,” yalepó.

<sup>37</sup> Tétepa, kale yó matere whirapené Yesupaae woseturaalu, “Tale-ó, ai alarape-a momó eratepa kelaaloé?” depa, ama duraalu, “Na ó hupu kɛlaai nokole barape sikimó sé kwɛyóló bopétu betepa, ti

ama naaire ɔla kɛlaai mupa ai dere ape yóló kisipa yaalopó,” yalepó.

## 18

*Tao sae yóló dotopo du betale wulia sopaae dó faróló yale fo*

<sup>1</sup> Ai fo yóló kemetepa, Yesuné ama yó matere wh̄irapené Talepaae momatere ala h̄ale yó tanópóló, etei fo sale yalepó.

<sup>2</sup> “Ai doasi be huluamó fo tokóló taletere wh̄i bet̄a beterepó. Ai wh̄ita, Kótó kolóló witere alakélé ini, dotoróɛ falepó.

<sup>3</sup> Ai be huluamó bet̄a wulia so beterepó. Ai so ama bóe wh̄iné ɛtamo fo tokóló só deraɔsóró ɛ tao sópóló, suka fea fo taletere wh̄i beterepaae eneta du betalepó.

<sup>4-5</sup> Kale soné bet̄a fo maaté eneta du betepa, ɛ h̄óturaalu i fo yalepó. ‘Èta, Kótókélé mo so wh̄ikélé, kolóló wi inire wh̄itei, i wulia soné ɛ tao sae yóló dotopoi fo maaté eneta yó taneteiné ɛ h̄ótapa ɛ tao saalopó,’ ” yalepó.

<sup>6</sup> Téró Talené duraalu, “Kale fo tokóló taletere dowi wh̄iné i sopaae yale fo wosóló kisipa muae.

<sup>7</sup> Kótóné ama sorokó su yóló beteró betere so wh̄iné d̄etamokélé, dikitamokélé, kematoró yó tapa, ai kematere ɔla ama melaalomeié?

<sup>8</sup> Yalo diɛpaae i dere ape. Kale fo tokóló só deraaire wh̄iné diɛ só deraɔsóró, ama mo hapale tao saalo ai ape. Téyaalotei, kale Wh̄iné Naalema i haepaae wale sukamó so wh̄i fea kisipa tiki tiró betepa kelaalorópó,” yalepó.

*Farisi wh̄iró takis moni siré kotere wh̄itamóné yale ala*

<sup>9</sup> Yesuné i fo sale atimapaee yó mótu duraalu, mepaae wh̄i atimata mo donoi ala dapóló bopé faketuraalu, mepaae so wh̄i t̄eteratere alamó Yesuné etei fo sale yalepó.

<sup>10</sup> “*Taks moni* sere wh̄iró Farisi wh̄itamó moma yaairaalu, momatere be dolopaae holalepó.

<sup>11</sup> Téró, kale Farisi wh̄i ą turukó holóló daalu amatei, ąmó etei kaae moma yalepó. ‘Tale Kótó-ó, ęta mepaae wh̄irape dere kaae ęla ęlémi nokole alakélé, nópu nokole alakélé, mepaae dere dowi alakélé, ó i daale *takis moni* sere wh̄i kaae bitinipó. T̄eru ȳalo ȳapaae mo kée dapó.

<sup>12</sup> Ęta, bet̄a fulamótei be d̄e tamomó ęla néni, weyóló h̄ale bitu, ȳalo ęla ęla naase tamo moletei dekeyóló, bet̄a Talepaae mótua dapó, yalepó.

<sup>13</sup> Téyaletei, kale *takis moni* sere wh̄i ą mo tumó daalu, hepen bepaae kese horéni haepaae hemée deyóló daalu, ‘Tale Kótó-ó, ęta dowi ala dere wh̄ipa naao k̄olené sukutu, ȳalo dowi ala kwia kemerae, yalepó.

<sup>14</sup> Ȳalo dīapaae i dere ape. Kale nalo momay-ale *takis moni* sere wh̄iné ama dowi ala Talené kemeratepa, ą hāitamó bepaae feletei, me wh̄iné ama dowi ala h̄ale mupatei felepó. Mepaae wh̄i de amatei ą deróló dua betepa, ti Kótóné ą sóró horaalo ai ape, yalepó.

*Naale belek̄atiki Yesupaae dapesó wale fo  
(Mat 19:13-15, Mak 10:13-16)*

<sup>15</sup> Téró so wh̄i feané teó sóró betó mole naale senaale tikimó Yesuné naase mulópóló,



à beterepaae dapesó wua dere ala kilitu, ama yó matere wh̄rapené dapesó wakesé yóló, atima foné salepó.

16 Téyaleteti, Yesuné kale naale senaale à beterepaae dapesó ape yóló duraalu, “Atei kaae naale belek̄atiki ę beterepaae wópólópa, sesékese. Ti noatepae, Kótóné t̄teróló kaae tare aq̄mó betaaire alata, atei naale senaale belek̄atiki kaae fóló betenérápó.

17 Yálo dīpaae mo i dere ape. Mepaae so wh̄i detamo i betó mole naale senaale belek̄atiki kaae betepa, ti Kótóné t̄teróló kaae tare aq̄mó sókó fóló betenérápó,” yalepó.

*Néli wh̄iné Yesupaae wosale fo  
(Mat 19:16-30, Mak 10:17-31)*

18 Atéró, betà Juda topo wh̄i wóló Yesupaae woseturaalu, “Yó matere wh̄i wisi-ó, mo ti betere bete saairaalu, yálo noa alakó yaaloé?” yalepó.

19 Ai fo depa, Yesuné apaae tokó mótu duraalu, “Betà wh̄ikélé wh̄i wisi bitini, Kótó à betà wisir-apa, naao ępaae noatepa wh̄i wisi-ó fo de?”

20 Ti noatepae, kale tukóló muló betere fota, naao dos̄ayóló ai kisipare ape. So nópu naq̄se, wh̄i daq̄se, ọlémi naq̄se, me wh̄i dilikóló kapala fo yaq̄se, naao hae aya aq̄mó mo dua betae erapó,” yalepó.

21 Ai fo depa, kale wh̄iné tokó mótu duraalu, “Ai alarape feata take ę ketemó bitu deté waleteti, miókélé h̄ale yótóró tarapó,” yalepó.

22 Ai fo depa, Yesuné apaae duraalu, “Mo betà ala betà yà ȳȳrapó. Térapa, naao muó mole ọla ọla fea dotonóló, *moni* sóró mepaae yolealere so

whimó melae. Atéro yaṭa, hepen-mó mole wisi wisi ɔla saasepóló ɛ sya ape,” yalepó.

<sup>23</sup> Kale hamoko whiné ai fo woseturaalu, ɔ doasi néli whi mo beterapóló kisipa mutu, kutiri humula yóló fomotamo felepó.

<sup>24</sup> Atéteremó, Yesuné ɔ kelené kikéyóló kaae taru duraalu, “ɔla ɔla fea tare whi Kótóné teteróló kaae tare aomó sókó fóló betaaire mo doasi dirirapó,” yalepó.

<sup>25</sup> “Ti noatepae, *kamel* hupu ketéli dolomó sókó faaire hapóluni, sumó fenérapó. Tépatei, doasi ɔla ɔla mole néli whirapeta, Kótóné teteróló kaae tare aomó sókó faaire mo hapólurapó,” yalepó.

<sup>26</sup> Ai fo depa wosale so whiné Yesupaae woseturaalu, “Da feata alunérapa, Kótóné demaaté tao saaloé?” yalepó.

<sup>27</sup> Ai fo depa Yesuné duraalu, “Mo whiné enénire ala Kótóné mo sumó enérapó,” yalepó.

<sup>28</sup> Tétepa Pitané duraalu, “Dané be ó ɔla ɔla fea mupa taaróló, ya i sya wale ape,” yalepó.

<sup>29</sup> Ai fo depa Yesuné duraalu, “Yało diɔpaae mo i dere ape. Mepaae whi dené ama be ó soma ó nomarape ó hama alima ó naale senaale taaróló, Kótóné teteróló kaae tare aomó betaai dapóló fupata, ti mió i alimó bitukélé ama taaróló wale ɔla ɔla tómó beleróló, Kótóné mo dekéro matepa saalo ai ape.

<sup>30</sup> Ai ɔla maaté meitei, take waaire alimó mo ti betaaire betekélé saalo ai ape,” yalepó.

*Yesu ɔ sinaaire fo mó yaleteti  
(Mat 20:17-19, Mak 10:32-34)*

<sup>31</sup> Atéroró, Yesuné yó matere 12 wh̄irape d̄epaae dapesó fóló bitu duraalu, “D̄ata Jerusalem be huluapaae holaai folet̄ei, Kótóné ama k̄óló wh̄irap̄ené i ala yaalopóló as̄ere fo mió mo dokonóló kale Wh̄iné Naalemapaae eratepa kelaalo ai ape.

<sup>32</sup> Āta, Juda meire fake wh̄irap̄ené d̄ópóló eleké deyóló, atima naase tūapaae mulaalo ai ape. Atétepa, atimané ̄a doka doka yóo, haleroó, fes̄aa apuróo, képi t̄ikiné fokosoi ala yóló, ̄a mo ti sukópóló d̄oo, yaalo ai ape yalepó.

<sup>33</sup> Téyaalotei, sore be d̄emó ̄a mo ti suk̄aletei momó kepaayóló betaalopó,” yalepó.

<sup>34</sup> Ama yó matere wh̄irap̄ené ai yale fo wosóta yalet̄ei, bete hiróló molet̄einé diriyóló k̄isipa sini, k̄óló k̄óló du betalepó.

*Kele dilikire wh̄i wisirale fo  
(Mat 20:29-34, Mak 10:46-52)*

<sup>35</sup> Téró Yesu ̄a Jeriko be huluapaae felekemó sókó faai tumó fu betalemó, bet̄a kele dilikire wh̄i tū d̄emó bituraalu, fua wuatere so wh̄ipaae monikó ̄alae yóló, kema du betalepó.

<sup>36</sup> Atéroró wosalemó, so wh̄i mo fea tumó fua wua du betepa, ai so wh̄ipaae woseturaalu, “Doa ai-a, noa ala maaté du bitu de?” yalepó.

<sup>37</sup> Ti fo depa, atimané ̄apaae duraalu, “Nasaret be hulua wh̄ikó Yesu i fole ape,” yalepó.

<sup>38</sup> Ai fo depa, ama fo fakeyóló duraalu, “Depit̄né Naalema Yesu-ó, naao ̄e k̄olené sukuturaalu tao sae,” yalepó.

<sup>39</sup> Atéroró, mepaae folosóro fele so wh̄iné kale wh̄ipaae momó yaai dée yóló foné salepó.

Tétepatei, kale sekéné fo faketóro dekeró yó taru duraalu, “Depit-né Naalema Yesu-ó, naao ę kolené sukæ,” yalepó.

<sup>40-41</sup> Atétepa Yesu ą keiyóló daalu, kale whırapepaae duraalu, “Ai whı ę beterepaae dapesó ape,” yalepó. Atétepa, kale whı dapesó wóló felekemó daapa, Yesuné ąpaae woseturaalu, “Yalo yamó noa alakó erópóló de?” depa, kale whıné duraalu, “Tale-ó, yalo kelené ęla ęla kelenée yóló kisipa mutapó,” yalepó.

<sup>42</sup> Tétepa, Yesuné ąpaae duraalu, “Naao kisipa tiki tirale alané naao kele ai wisiyalepa, mió ke-lae,” yalepó.

<sup>43</sup> Yesuné ai fo deretamotóro kale whıné ama kele wisitepa, Yesu sya furaalu, Kótóné doi hale sóró horaté felepó. Ai ala depa kelale so whınékélé Kótóné doi hale sóró horalepó.

## 19

### *Takis moni siré kotere whı Sakius-né yale ala*

<sup>1</sup> Atéro, Yesu ą Jeriko be huluamó sókó fóló, ai be belamó fu betalepó.

<sup>2</sup> Téyalemó, *takis moni* siré kotere whırapené doasi topo whı Sakius beterepó. ąta, fea ęla ęlané néli whıpó.

<sup>3</sup> Ama kisané Yesu deró kelaai dapóló felemó, aimó mo hale ęla kaae so whı touróló daae moleteiné, Sakius ą halekeruraalu Yesu wisiyóló kilinipó.

<sup>4</sup> Atépa, kale whı ąpi sururu yóló fóló, Yesu tumó wale kelaai, betą nose kaae ni siki doló holóló kaae tawóló beterepó.

<sup>5</sup> Atépa, Yesu ą ni betemó sókó fóló ai ni sikipaae kele horalemó Sakius daapa kolóló duraalu, “Sakius-ó, mió ę yątamo naao bemó betaai kisipa mutapa, yą mo hapale dere ape,” yalepó.

<sup>6</sup> Atétepa, ą hapale téti dorowóló, hekesetamo Yesu dape sóró ama bepaae felepó.

<sup>7</sup> Atétepa, ai daae mole so whi feané Yesu Sakius-né bepaae fupa kolóló, atimasisi kikiti eróló duraalu, “Aąa dowi ala du betere whitamotei, betaai ai fele ape,” yalepó.

<sup>8</sup> Téyaletei, kale Sakius ą turukó holóló Talepaae duraalu, “Tale-ó, mióta, yąlo i mole ęla ęlarape bukóló, mepaae yolealere so whimó melóo, yąlotamo so whi dilikóló mepaae *monikó* simó ti douřó félimó tómó beleróló tokó melóo, yaai dapó,” yalepó.

<sup>9</sup> Ai fo depa Yesuné ąpaae duraalu, “Kótóné so whi aluyaqsóró tao sere ala mió i bepaae walepó. Ti noatepae, i whi ąkélé Abraham-né naaletóró beterařpó.

<sup>10</sup> Ti Whiné Naalema ą waleteita, aluyale so whi kekóló tao saairaalu, walepó,” yalepó.

*Naase tamo whiřapené doasi whiné kutó diraa  
moni sale fo sale*

*(Mat 25:14-30)*

<sup>11</sup> Atéró, ama ai du betere fo wosetu betepatei, ą Jerusalem be hulua felekepaae sókó waleteiné Kótóné teřeróló kaae tare ařmó mole ala so whiné kisipané mo felekemó sókó waaitere nisi du be-talepó. Atétepa ama du betere fotamo touróló, atimapaae i fo salekélé yalepó.

12 Até ró ama duraalu, “Hae kwia fea tēteróló kaae tare topo wh̄rapené fake wh̄i bet̄a topo wh̄i sóró beteratepa momó fesaae wóló, hae kwia ama tēteróló kaae tawaai dapóló, ą felepó.

13 Ȧ até ró faairaalu, ama kutó diratere naasetamo wh̄irapepaae ape yóló duraalu, ‘Yalo i matere *moniné* mepaae kutó diraté fóló, tómó beleróló sóró muló betepa, momó fesaae wou ke-laalopóló,’ ą felepó.

14 Téyaletei, ama be wh̄i so wh̄iné ai sekéné atima tēteróló kaae tawaqsóró kisipa mutu, ‘Kale doasi topo wh̄ipaae ene fópóló, atimakó mepaae wh̄irape ą fi k̄ilipaae dotęyalepó.’

15 Até yaletei, doasiné kale wh̄ipaae naaotóró tēteróló kaae tawaasepóló, yą sóró beteratapa fae depa, ą bepaae fesaae walepó. Téró, ama kutó diratere wh̄irapepaae melale *moniné* mepaae kutó diróló, tómó beleróló meteró saleró kelaaiapa, dapesene fae yóló, wh̄irape dotęyalepó.

16 Atétepa, ama *moni* melale wh̄irapekó bet̄a wh̄i folosóró wóló duraalu, ‘Doa wh̄i-ó, take naao ępaae bet̄a melale *moni* bosenóló, mo dekéró sóró muló beterapó,’ yalepó.

17 Ti fo depa, kale topo wh̄iné duraalu, ‘Yalo kutó diratere wh̄i wisi-ó, naao ai ere ala mo wisirapó. Ti noatepae, yalo mo sawatamo melale ęla naao mo wisiyóló kaae tawirapa, naasetamo be huluakélé naaotóró tēteróló kaae tawaasepe,’ yalepó.

18 Kale dere kaae wh̄i me wóló duraalu, ‘Doa wh̄i-ó, naaota ępaae *moni* bet̄a melaletei, yalo mepaae kutó dité fóló, naao melale *moni* tómó beleróló aporó sóró muló beterapó,’ yalepó.

19 Ti fo depa, ama topo whĭné tokó mótu duraalu, ‘Aporó be huluarape naao tĕteróló kaae tawaasepóló, yało ya sóró beteratapó,’ yalepó.

20 Téro kale dere kaae, ama kutó dirale whĭ me wóló duraalu, ‘Doa whĭ-ó, naao kale melale *monita*, yało me kutókélé dini, kuti kwiané bopeyóló mulaletei, i sóró wale ape.

21 Ti noatepae, yaťa mo kekepai whĭ bitu, mené ọlatei naao sóo, me whĭné biliyale ọla naao bukóló, kwiapaae ya sóo dua dapó. Atétere ala yało tuĕruraalu, ẹ witepa naao yae yale ala inipó,’ yalepó.

22 Ti fo depa ama topo whĭné ọpaae duraalu, ‘Yaťa, kutó diratere whĭ dowipó. Yaťamo fo tokóló ya só deraaitere ala ti naao dere fonétei ya ai só deretere ape.

23 Ti naao atei kaae kisipa mulutei, ẹ fesaae wouraalu hĕróló sópóló *moni* mulatere tikipaae mulale fole noatepa yaleé?’ yalepó.

24 Téro, kale topo whĭné aimó daae mole whĭrapepaae duraalu, ‘Ama ai tare *moni* fasóló naase tamo *moni* tare whĭpaae melae,’ yalepó.

25 Ai fo depa, atimané kale topo whĭpaae duraalu, ‘Doa whĭ-ó, ai whĭta naase tamo *moni* taketi sóró tarapó,’ yalepó.

26 Ti fo depa ama duraalu, ‘Yało diąpaae i dere ape. Mepaae ọla ọla hĕróló mole whĭpaae ti mo dekéro beleróló melaalo ai ape. Téyaalotei, mepaae whĭ de ọla ọla sawa téti mupa, ti ai ọla fasó saalo ai ape.

27 Téyaalotei, mepaae yało tẹteróló kaae tare aqómó betere hóróló bóe dele whirapeta, ipaae dapesó wóló, mo ti sinópóló dae, ” yalepó.

*Yesu Jerusalem be huluapaae doasi topo whi aqyóló sókó wapa hale sóró horale fo*

*(Mat 21:1-11, Mak 11:1-11, Jon 12:12-19)*

28 Téró Yesuné i fo yóló kemetepa, atima Jerusalem be huluapaae furaalu, ama alísó felepó.

29 Atéró, a Betpas beró Betani betamopaae sókó faai fu betalepó. Ai be hulua tamo felekemó *Olip* dupó du betere tiki erapó.

30 Aimó ama yó matere whi tamo dotonaai atimaamopaae duraalu, “U bepaee diaamopi fae. Ai bemó sókó fóló kelenalemó, whikélé betóló kunire teó *donki* hupu duló betaalopó. Téyaalopa, ai hupu taayóló ipaae dapesó ape.

31 Atéró taanalemótamo, whi mené diaamopaae woseturaalu, ‘Ai neyaai de?’ depa, ti i fo yae. ‘Momó dapesó waaitei, Talené ama diyaaire kutó mupa sóró ape yale tikimó sóró fulapó yae, ’” yalepó.

32 Atéró dotonatepa fóló kelalemó, atimaamopaae yale fotórómo epa kelalepó.

33 Atépa, atimaamo kale *donki* hupu halika teraatu betaalemó, hupu talerape wóló atimaamopaae woseturaalu, “Ai hupu teraatu betere-a noyaai de?” yalepó.

34 Ti fo depa atimaamoné duraalu, “Ita Talené ama diyaaire kutó mupa, serale fae yale tikimó sóró fulapó,” yalepó.

35 Atéró, Yesu beterepaae dapesó wóló daaló bitu, atimaamoné deró betere fłoi kutirape



sorokóló, Yesu ʔ hupuné sisó tómó beterópóló, whamenalepó.

<sup>36</sup> Atéró ʔ ai hupu tómó betóló wapa, so whi folosóró furaalu, atimané deró betere kutirape sorokóló tumó whamenaté felepó.

<sup>37</sup> Atéró, ʔ Jerusalem be huluapaae felekemó sókó faairaalu, *Olip* du sokore aʔpaae doropole tumó sókó derepelepó. Aimó, ama yó matere so whi mo feané Kótóné kae kae kelemei alarape eratepa kelaletiné atima hekesené sukuturaalu, fo fakeyóló Kótóné doi hale sóró horaai kae salepó.

<sup>38</sup> “Mió Talené doimó wale doasi topo whi wisi-ó, Kótóné ʔa wisirópóló yae!”

“Kótóné hepen be tuamó mole hosaa muni deyóló dua betere ala so whi feapaae erópóló yae.

Téturaalu, mo taoró betere Kótóné kae mole doasi doi hale sóró horae!” deté fu betalepó.

<sup>39</sup> Tétepa, ai so whi kuamó betó mole Farisi whirapené Yesupaae duraalu, “Naao yó matere whirapepaae taalae yóló, foné sae,” yalepó.

<sup>40</sup> Ti fo depa ama atimapaae duraalu, “Yalo diapaae mo i dere ape. Atimatamo fo ini dua betepa, ti tumó ai daae mole kaporapenétei doasi fo fake yaalo ai ape,” yalepó.

<sup>41</sup> Atéró, Yesu ʔ Jerusalem be huluapaae felekemó sókó faai fu bitu, ai doasi be hulua tuapaae kese deralemó, mo kōlei ala epa, ʔ doasi wole yalepó.

<sup>42</sup> Atéró woleyóló duraalu, “Hosaa muni deyóló dua betaaire ala mió i be demótóró diʔ beterepaae walapóló, kisipa uʔsóró ti mo wisi uʔpó. Téuʔtei, ai ala yaaire be de kemeyaletiné mió diaaʔ kelené kelaʔsóró, kinó beteraʔpó.

<sup>43</sup> Téretei, nalo me be demó kale bóe wh̄rape atima naao bepaee dorowaairaalu, be bopéro betere tipimó hae kaayóló mulaté holóló, naao be bopéro betaalopó.

<sup>44</sup> Atére tómó atima daane holóló, diakélé diaaḡ naale senaalekélé tao sóró haemó hairaalo ai ape. Kane fake me tómó beleretei, atéro mulópóló taalaalomeipó. Ti noatepae, Tale Kótóné diḡ tao saai wale be deḡ diaaḡ kisipani, h̄raleteinépó,” yalepó.

*Momatere bemó ḡla dupu du betepa Yesuné h̄konale fo*

*(Mat 21:12-17, Mak 11:15-19, Jon 2:13-22)*

<sup>45</sup> Téró, ḡ momatere be bolaare tipi tuḡpaae sókó holalemó, wh̄rapené ḡla ḡla dotonóló dupu du betepa f̄póló dóló h̄konalepó.

<sup>46</sup> Atéro, ama atimapaee duraalu, “Yḡlo beta, moma maaté yaai tenapóló ašemó epatei, diaaḡ ai du betere alané ḡlémi wh̄i betere be aḡrótu beterapó,” yalepó.

<sup>47</sup> Atéro momatere bemó, betere dokḡ fea ama fo yó maleta du betalepó. Tétu betepatei, so wh̄imó momaratere topo wh̄rapekélé, Moses-né asere fo yó matere wh̄rapekélé, so wh̄i kaae tare mepaae wh̄i disirapekélé, fea touyóló, Yesu daaire tḡ kekitu betalepó.

<sup>48</sup> Téyaletei, atimané ḡ daaire tḡ me kilinipó. Ti noatepae, yó matere fo so wh̄iné wosóló, hosaamó su betaleteiné ḡ daaire tḡkélé kilinipó.

## 20

*Yesupaae ya topo whi né sóró beteralee yóló wosale fo*

*(Mat 21:23-37, Mak 11:27-33)*

<sup>1</sup> Téró, me sukamó Yesu a momatere be tuamó Kótóné ala etérópóló so whi feapaae yó matere alaró, kale mió wosetere fo wisitamo yó mótu betalepó. Tétu betepa, mo so whimó momaraterere whirapekélé, Moses-né asere fo yó matere whirapekélé, mepaae whi disirapekélé, fea touyóló a beterepaae walepó.

<sup>2</sup> Atéro wóló apaae duraalu, “Naao ai alarape yópóló, ya né sóró beteralee?” yalepó.

<sup>3</sup> Ti fo depa, ama atimapaae duraalu, “Yalokélé diapaae wosetere fo betá i dapa, epaae tokó alae.

<sup>4</sup> Jon-né wei tópuratere ala ó hepen bemó yae depa yalepé, mo whiné yae depa yaleé?” yalepó.

<sup>5</sup> Ai fo deremó, whirape atimasisitei fo kelaaróló duraalu, “Dánétamo, hepen bemó yae depa yalepó depa, ti dapaae ama dere fo wosóló kisipa tiki tiratere noatepa deé enérapó.

<sup>6</sup> Tépateti dané duraalu, mo whiné yae depa yalepó depa, ti doai wóló betó mole so whiné kapo duné da siróló daalopó. Ti noatepae, Jonta so whipaae yó matere Kótóné kóló whi betaleteti feané kisiparapó,” yalepó.

<sup>7</sup> Atétepa, atimané apaae duraalu, “Jon-né wei tópuratere ala apaae né yae depa yaleró, da kisipanipó,” yalepó.

<sup>8</sup> Ai fo depa Yesuné duraalu, “Diaaḡ yało wosale fo tokó menitepa, ti diané epaae wosale fokélé tokó melaalo meipó,” yalepó.

*Whi betané ama kutó kaae tanópóló sóró betere-  
 atere alapaae dó faróló yale fo  
 (Mat 21:33-46, Mak 12:1-12)*

<sup>9</sup> Téró Yesuné so whĩpaae ai fo deté fóló, me i fo salekélé yalepó. “Whi betané ama kutó diyóló *wain* képi wae biliyalepó. Atéró, ai kutó mepaae whĩrapené kaae taru, ʘlumétere ʘla sóró dotonótu betae yóló, ʘ foʘo sukamó me be huluapaae bitĩ felepó.

<sup>10</sup> Kale ʘla ʘlumétepa sere alimó, kale kutó talené ama kutó diratere whĩkó betapaae duraalu, ya kutó kaae tare whi beterepaae mepaae ʘlumére ʘlakó serʘle fae yóló doteyalepó. Téyaleteti, kutó kaae tare whĩrapené ʘ du beteró, haʘe fópóló doteyalepó.

<sup>11</sup> Téró, kale dere kaae ama kutó diratere whi me doteyalepó. Téyaleteti, ai whĩkélé atimané dóló susupuróló, haletamo haʘe fópóló doteyalepó.

<sup>12</sup> Atéró, kale dere kaae sore dakoróló whi memo doteyalepó. Téyaleteti, ai whĩkélé atimané du beteró samea sókó faróló, belapaae sóró taae deralepó.

<sup>13</sup> Téró, kale *wain* képi kutó talené duraalu, ‘Mió yaʘo noa alakó yaaloé? Yaʘo yaala sókó fóló hosaa turó mole naale betʘ atima beterepaae dotonatepa, atimané ʘ mo wisiyóló dape sóró, ama dere fo wosaalopóló kisipatu, doteyalepó,’ yalepó.

<sup>14</sup> Téyaleteti, kale kutó diratere whĩrapené ʘ wale kolóló, atimasisitei fo dokóló duraalu, ‘Aita, i kutó talené ama naalepó. Alima sinitepa, i kutóró mepaae mómu ʘla ʘlatamo fea ama saʘsóró, da saairʘalu, ʘ daalopa siépe,’ yalepó.

15 Atéró, atimané ǵ kale *wain* képi kutó tuámó sóró belapaae taae deróló mo ti dalepó. Atétepa, kutó tale wóló atimapaae noa alakó eraaloé?

16 Kale kutó diratere wh̄rape mo ti dóló sukunóló, ai kutó mepaae wh̄rapené kaae tawópóló melaalopó,” yalepó.

Tétepa, aimó betó mole mo so wh̄i feané ai dere fo wosóló duraalu, “Aita enénire alatei dapó,” yalepó.

17 Téro, Yesuné kelené kíké yóló kaae taru atimapaae woseturaalu, “Kótóné fo tuámó, ‘Mepaae be t̄tere wh̄rapené taae farale kane faketei, sóró be hulua eleké wisinaale botokoróló deyaalo ai ape,’ yóló ašemó ere fo-a, noa betené yaleé?”

18 Téyaalotei, mepaae so wh̄i de ai kapo fake tómó kotóo sóró dée nukupa, ti ama tiki turukó fóló doalé maaté yaalo ai ape. Téyaalotei, ai kale kapo dokó dorowouraalu t̄iya dere so wh̄ita, mo ti derakó fóló muaalo ai ape,” yalepó.

19 Tétepa, Moses-né as̄ere fo yó matere wh̄raperó mo so wh̄imó momaratere topo wh̄rapetamoné ama ai yale fo saleta, atimapaaetóro dapóló aimótóro tawóló daai yaletei, ai touró betere so wh̄iné atimapaae me ala eraosóro, witepa taaralepó.

*Sisapaae takis moni melaróe yóló wosale fo  
(Mat 22:15-22, Mak 12:13-17)*

20 Atétepa, atimané Yesuné me alakó ǵsóko fóló déró kelaai, mepaae wh̄rape mo ala dere wh̄i aoyóló kikiti kaae tawóló beterópóló, mepaae wh̄rape dot̄yalepó. Aita ǵle mei, ǵ ǵsóko

fóló, ama i fo mo depa wosalepóló, Rom *Gavman* topo whĩné naase tuámó mulale faai kisipa mutu yalepó.

<sup>21</sup> Atétepa, kale whĩrapené aƣaae woseturaalu, “Yó matere whĩ-ó, naao dere foró so whĩpaee yó matere alatamota, mo dono dapó. Naao fake so whĩ maaté taosuraalu, mo so whĩ sisópaae erótumpópó. Naaota, Kótóné tuę mole alatóró mo dono yó mótu beteretei ɗané kisiparapó.

<sup>22</sup> Ti ɗané *takis moni* Sisapaae materetei-a, donorépe meié?” yalepó.

<sup>23-24</sup> Atimané a só deraai dere ala ama kolóló, atimapaee duraalu, “Ai *denarias moni* yało ke-laalopa eƣaae yó ałae yóló matepa tao sóró duraalu, *moni* tómó i mole asoró doitamo-a né?” yalepó.

<sup>25</sup> Ti fo depa, atimané duraalu, “Sisanéópó,” yalepó. Tétepa ama duraalu, “ Sisané ɔlapa, ti Sisapaae melae. Kótóné ɔla ti Kótópaae melae,” yalepó.

<sup>26</sup> Atéró, Yesu so whĩ feané keletómó me alakó ɣasókó fuléró kelaai sũ saletei, a ɣasókókélé feni, ama atimapaee fesaayóló dere fomó, atima hokomó sókó furaalu fokélé tekini, siratei du be-talepó.

*Sinale whĩ kepaayóló so dokaaloé yóló wosale fo (Mat 22:23-33, Mak 12:18-27)*

<sup>27</sup> Mepaae sukále so whĩ kepaayaalo meipó, du betere Sadyusi fakekó mepaae whĩrapetamo Yesupaae wosetere fo yaai walepó.

<sup>28</sup> Atéró duraalu, “Yó matere whĩ-ó, whĩ beta so dokaletei, naale senaalekélé deni ɣale sinitapa,

noma me whiné ai so wulia dokóló naale de-  
tepa, ti ai naale noma sukále whi betale sirimó  
beterópóló yae fo Moses-né ašemó dāpaae erapó,”  
yalepó.

<sup>29</sup> “Take weikeró nomarape beterepó. Atéro  
bitu, topo whi so dokaleteti, ai sotamo naale deni,  
a hāle sinalepó.

<sup>30</sup> Atéro sukutepa, kale so wulia noma me  
whinémo dokalemó, ai whikélé naale deni, hāle  
sukālepó.

<sup>31-32</sup> Nomarape fea até deté fóló, nalo mo ke-  
merótu noma awā taalu whiné dokaleteti, akélé  
hāle sukālepó. Atéro mo ti kemeróturaalu, kale  
sokélé sukālepó.

<sup>33</sup> Atéro, weikeró whirapené dokale so take  
kepaayóló wale sukamó, mé whiné dokaaloé?”  
yalepó.

<sup>34</sup> Ti fo depa Yesuné atimapaee duraalu, “Mió  
i alimó bitu, whi so dokóo, so whitamó fóo, du  
beterapó.

<sup>35</sup> Tétu betepatei, sukále so whi momó  
kepaayóló betaaire alimó atéro whi so dokotere  
alakélé, so whitamó beteratere alakélé, sinitere  
alakélé ini, hepen bemó betere *ensel* kaae betaalo  
ai ape.

<sup>36</sup> Téturaalu, atima kepaaró betere naale senaale  
ereteiné Kótóné ama naale senaaletóro betaalopó.

<sup>37</sup> Ni sesaapemó duku betere si mi dolomó yale  
fo Moses-né ašerapó. Aṭa, Abraham, Aisak, Jekop-  
sépi fea teteróló kaae tare Kótó beterapó. Atére  
foné sukále so whi aluni, kepaayóló beterapóló,  
hākeamó yó matapó.

38 Ti ʔata, sukʔale so whi maaté teteróló kaae tanitei, mo betere so whikélé teteróló kaae tare Kótó beteraó. Ti noatepae, sukʔale so whikélé, betere so whikélé, fea amatóro beteraó beteraó,” yalepó.

39 Moses-né asere fo yó matere whirape mepaaené ʔpaae tokó mótu duraalu, “Yó matere whi-ó! naao dere fota, mo dono dapó,” yalepó.

40 Téyaletei, ama ai yale foné atima haleturaalu, whi betanékelé ʔpaae me wosetere fo inipó.

*So whi teteróló kaae tare whi-a né naaleé yale fo (Mat 22:41-46, Mak 12:35-37)*

41 Téró, Yesuné atimapaae duraalu, “Kótóné so whi teteróló kaae tare whi Kerisota, Depit-né naalepó du betere-a noa fo betené de?

42-43 Ti ai fo bete Depit-né amatei, hʔakearóló buk Sam-mó aseýóló muló beteraó.

‘Talené ʔ teteróló kaae tare Talepaae duraalu, “Yʔalo naao bóe whirape tétei aleróló, naao hó aomó beteraalopa, kaae tawóló yʔalo turu naase demó betae,” ’ erapó.

44 Ti Depit-né ʔ teteróló kaae tare Tale-ó du betaletimo, ama naalepó, fo neteró yaleé?” yalepó.

45 Téró, aimó betó mole so whi feané ama yó mótu betere fo wosetu betepatei, Yesu ʔ ama yó matere whirape daalepaae fetée fóló duraalu, “Moses-né asere fo yó matere whirapené dere alané diʔ doraʔsóró mo wisiyóló kaae tawae.

46 Ti atimata, so whi feané doasi whi-ó yóló, dukiratare kokomó so whi fea tourʔleta dere tikipaae faairaalu, mo fʔloi kuti wisimaaté deróló fua yóo, Kótóné fo wosetere be dolopaae fukélé,



mo wisi tikimótóró betaai hẹkese dua yóo, ọla detere sukamókélé, topo whịrape bitua betere tikimó, betaai ekele yóo, dua dapó.

<sup>47</sup> Téturaalu, kale wulia sorapekélé dilikóló atimané ọla ọla fea ọlémi sóo, moma duraalukélé, so whịné dukiraterere kokómó ọlọ sịyóló yóo, dua dapó. Take kemetere sukamó atétere whịrapené saaire kwiata, mepaae so whịné saaire seke bosenóló, mo doasi saalo ai ape,” yalepó.

## 21

### *Wulia soné moni ke derale wale fo (Mak 12:41-44)*

<sup>1</sup> Téró Yesu ọ momatere bemó bitu kaae taremó, mepaae néli whịné Kótópaae hẹle matere *moni* deratere dolopaae dekéro deraleta du betalepó.

<sup>2</sup> Atétepa kelalemó, betẹ yoleale wulia sonékélé sonaai *moni* ke belekaamale tamo derale walepó.

<sup>3</sup> Atétepa ama duraalu, “Yalo diapaae mo i dere ape. I yolealere wulia soné derale *moni* kené so whị feané derale *moni* taaróló, mo bosene falapó.

<sup>4</sup> Ti noatepae, so whị feanéta doakale *moni* mupatei, téti maaté deraleta yalepó. Téyaletei i wulia sonéta, ama depe dolo sesé mole *moni* ketei, mo ti kemeróló derale walepó,” yalepó.

### *Saró haetamo kemeyaaí deremó eratere fareyópu*

#### *(Mat 24:1-35, Mak 13:1-31)*

<sup>5</sup> Téró, mepaae ama yó matere whịrape atima furaalu, “Mepaae so whịné Kótópaae hẹle matere ọla ọlaró kapo fake wisitamóné momatere be

wisinaale tɛyale tikimó kokõné sininó beterepa kelaé,” yalepó.

<sup>6</sup> Tétepa, Yesuné atimapaee duraalu, “Diaaḡ mió i keletere ɔla ɔla feata, take waaire sukamó me kapotamo atéro wolekepa kelaalomeitei, fea fisikó fóló, haemó kolokó doropóló mupa kelaalo ai ape,” yalepó.

<sup>7</sup> Ti fo depa atimané ɔpaae woseturaalu, “Yó matere whi-ó, ai alarape-a noa sukamó yaaloé? Noa kaae fareyópu eratepa, kolóló kisipa muaaloé?” yalepó.

<sup>8</sup> Ai fo depa Yesuné duraalu, “Mepaae whiné kapala fo yóló diɔ dilikaḡsóró, mo hotowa yóló kaae tawae. Ti noatepae, mepaae dilikitere whirape wouraalu ɔalo doi yóló, ‘Kale waalopó du betere whi ɛtórótípó. Ali mió felekemó walapó,’ depa mo nisyóló sya faḡse.

<sup>9</sup> Doasi bóe dele alaró mepaae whirape atimané hae tiki atimatei tɛteróló kaae tawaairaaalu, *Gavman* whitamó bóe du beterepó dere fo wosóló wiyaaḡse. Ti noatepae, folosóró ai alarape mo yaalotei, kemeyaaire ali folo sókó waalomeipó,” yalepó.

<sup>10</sup> Téró atimapaee duraalu, “Me hae kwiamó betó mole so whiró me hae kwiamó betó mole so whitamó bóe dóo, me hae kwia tɛteróló kaae tare topo whiraperó me hae kwia tɛteróló kaae tare topo whirapetamo bóe dóo, yaalo ai ape.

<sup>11</sup> Atéturaalu, hae kwia feamó doakale bao dere alakélé, doasi sekei alakélé, wotetere aliró hepo alitamokélé waalopó. Téturaalu, so whi mo doa winé sinóló diri furu furu yaaire alaró me ala

yaaiemó dere fareyóputamo samó eratepa, diaaḡ kelaalopó.

<sup>12</sup> Ai alarape yaaitei folosóró, mepaae whiné diḡ dóló susupuróló, fo wosetere berapepaae dapesó fóló, *dipula* beteraalo ai ape. Atéroró, diḡ doasi topo whiraperó *Gavman* whirapetamo beterepaae dapesó faalopó. Diḡ yaḡo ala erótu betere mó bóe duraalu ai alarape yaalopó.

<sup>13</sup> Atétere alané yaḡo yó melale alarape atimané keletómó yó melópóló, diḡ tḡ ai mulatere ape.

<sup>14</sup> Atimané diḡ só deraairaalu, fotokḡiné depa diḡ noa fo yaaloé, yóló whaalia yaḡse.

<sup>15</sup> Ti noatepae, ai ala deretamo yaḡo diḡpaae kiswa tiki dotoróḡ fole alaró atimané dere fo tokó melaaire fotamo yó melaalo ai ape. Diḡané ai fo depa woseturaalu, diḡ só deraaitere whirape folópu kolokó fóló, mo betḡ whiné kélé me tokó matere alakélé yaalomeipó.

<sup>16</sup> Diaaḡ hae aya ó norape ó fake whirape ó fulumu whirapéné kélé, diḡ dópóló eleké deyaalo ai ape. Téturaalu, diḡ mepaae whirape atimané mo ti dóló sukunaalopó.

<sup>17</sup> Atétu, so whi mo feané diḡtamo bóe dóló, diḡ hórāalo ai ape. Ti atétere alata, atimané ḡ hórótu diḡkélé ai hóraterere ape.

<sup>18</sup> Téyaalotei, diaaḡ topo niki mo betḡkókélé aluyaalo meipó.

<sup>19</sup> Diḡ mo ti betaaire bete saairaalu, mo diriyóló betae.

<sup>20</sup> Diaaḡ kelerālemó, Jerusalem be hulua bóe whirapéné bopéro betepa kilituraalu, kale be hulua mió mo felekemó dóló wópu mulaai dapóló, kiswa muae.

<sup>21</sup> Atétere sukamó, Judia hae kwiamó betó mole so whì dià ti du sorokó molepaae botokó fóo, mepaae doasi be hulua tuamó betó mole so whì dià ai be hulua taaróló fóo, mepaae ai hae kwiamó betóló fale so whìkélé ai doasi be hulua tuapaae faqsóró yae.

<sup>22</sup> Ti atétere alimó yaaire alata haḷe meipó. I haemó betóló fale so whìné yale alamó Kótóné kwia móturaalu, doasi sekei ala eraalopóló, ašemó ere fo dokonóturaalu, mo eraalo ape.

<sup>23</sup> Ti aita, Kótóné i hae kwia feamó betó mole so whítamo doasi fopaae buturaalu, só ai deratere ape. Atétere be demó mepaae naale ere soraperó, naale teó awa nuku betere sorapetamo beta kọleó, mo doasi sekei ala saalo ai ape.

<sup>24</sup> Téturaalu, atima mepaae ti bóe dele sepakené dóló kemeróo, mepaae so whì ti hae kwia feapaae *dipula* sóró dapo dapo yóo, yaalopó. Tétu, Jerusalem be mo ti doróló torokó faróló, Juda meire fake atimané teteróló kaae taté fóló, Kótóné daḷe muló betere kwiamó sókó fupa, ti kemeyaalo ai ape.

<sup>25</sup> Atéturaalu, samó daale sukanékélé, ḥorerapénékélé, wéliénékélé, kae kae alarape depa kolóo, doasi wei kẹla whaau yóló holóo yaalopó. Atétere ala i hae kwia feamó betó mole so whìné kilitu, noa ala du derópóló hosaa wei wei yóló wiyaalopó.

<sup>26</sup> I hae kwia feamó betó mole so whìné ó sa wore duraalu, ḥorerape torokó dorowale kilitu, i haemó noa ala du derópóló, doasi winé sukçalopó. Tétu, diri furu furu yóló be fesaaetamo du dere kaae yaalo ai ape.

27 Ai alarape yóló kemetepa, kale Whịné Naalema ó sàko dolomó doasi bole fotokoró mo kae ere de wisinaaletamo haķeamó wapa kelaalopó.

28 Ai alarape kaae sóró depa kilitu, aluyaosóró Kótóné ama dupure so whị mo felekemó dape-sene walapóló kisipa mutu, haķtamo turukó holóló daae muae.

29 Atéró, ama atimapaee i fo sale yalepó. Ti daale ni noseró mepaae nirapetamoné ere ala diaaķ kolóló kisipa muae?

30 Nirape sóku fóló, tokķ momó beletepa kilitu-raalu, kale ba fo ali mió mo felekemó ai sókó wale ape dua dapó.

31 Atei alarape kaae depa diaaķ kilitu, Kótóné tķteróló kaae tare ala mió mo felekemó walapóló kisipa muae.

32 Yaķo diāpaae mo i dere ape. Mió i alimó betó mole so whị sukuni haķle betepatei, i alarape folosóró yaalo ai ape.

33 Saķó i haetamo kemeyaalotei, yaķo fo betā mo kemekélé ini, haķle muó tawaalopó.

34 Diā wẹi nóló topo dotere alané diaaķ tiki ó naao dere ala haķle ķla kaae taae fatereteikélé, ó i haemó whaaliatu betere alakélé, diāné hosaa tuamó seķené sinitere alakélé du betepa, i be de sókó wouraalu yaķ hemó duku dere kaae yaosóró, mo hotowaró kaae tawae.

35 Ti noatepae, ai yaaire alarapeta, i hae kwiamó betó mole so whị mo feapaae waalo ai ape.

36 Kale Whịné Naalema betere tikimó diāķélé betaalopó. Téyaalopa, ai alarapené diā só de-

raqsóro, betere dokọ fea hotowayóló kaae taru, momatere ala yó tawae,” yalepó.

<sup>37</sup> Atéro, Yesu ą suka fea ai momatere bemó Tal-ené ala etérapóló yó melóló, be kuluka deretamo ą *Olip* du sorokó molepaae fini fi wuatu betalepó.

<sup>38</sup> Atei ala du betepa, so whı fea mo hikitei turukó holóló Yesuné momatere bemó yó mótu betere fo wosaai wua yalepó.

## 22

### *Judas-né Yesu eleké deale fo*

(*Mat 26:1-5, 14-16, Mak 14:1-2, 10-11, Jon 11:45-53*)

<sup>1</sup> Kale bosene fele be de ę kisipa mutu, fopei *bred* o deyóló nokole be de felekemó sókó waai depa etéyalepó.

<sup>2</sup> So whımó momaratere topo whıraperó Moses-né asere fo yó matere whırapetamo so whıné kapo duné siróló daqsóro wituraalu, Yesu kikitı daaire tu kekıtu betalepó.

<sup>3</sup> Téró, atıma 12 yó matere whırapekó betą whıné doi Judas Iskariot tuąpaae dowı Satan bıti walepó.

<sup>4</sup> Tétepa kale Judas ą fóló, mo so whımó momaratere topo whıraperó momatere be kaae tare diki tare whırapené topo whırapetamo betó molepaae felepó. Téró Yesu dópóló netéro eleké deyaaloé? yóló, fo dokaaı felepó.

<sup>5</sup> Atéro, fo dokóló kemetepa, hęese duraalu *moni*-né ą dupuyaalopó, yóló mulalepó.

<sup>6</sup> Atéró, Judas-né wisirapó depa, so whì touróló bitinitere sukamó Yesu dópóló naase tuapaae mu-laaire tų kekitu betalepó.

*Yesu amayó matere whìrapetamo siki bemó bitu ọla nale fo*

*(Mat 26:17-30, Mak 14:12-26, Jon 13:21-30, 1Korin 11:23-25)*

<sup>7</sup> Kale bosene fele be de kisipa mutu, fopei *bred* o deyóló nokole be demó betą *sipsip* hupu male dóló, Talepaae simó sukulaa daróló melaaire be de sókó walepó.

<sup>8</sup> Téró, Yesuné Pitaro Jon-tamo dotonaai duraalu, “Diaamo fóló, kale bosene fele be demó deyóló naaire ọlakó taleyóló mulaai fae,” yalepó.

<sup>9</sup> Ti fo depa atimaamoné apaae woseturaalu, “Naao kisipané ai ọla-a, damoné momó taleyóló mulópóló de?” yalepó.

<sup>10</sup> Ai fo depa ama duraalu, “Diaamo ai be hulua tuamó sókó felelemó, whì betą weì wuti beleyóló tumó diaamotamo hokolaa yaalo ai ape. Téyaalopa a sya fóló, fole be dolopaae diaamokélé buó deya.

<sup>11</sup> Téró, ai be talepaae etei fo yae. Yó matere whìné yapaae duraalu, “Yalo yó matere whìrapetamo bosene fele be demó, ọla deyóló naaire be kekó momó donoróló muló betere?” yóló, wosae yalepó,” yalepó.

<sup>12</sup> Aténalemó, ama diaamopaae óté taoró doasi be ke yó melaalo ai ape. Ai be ke dolomó betaaire ni fake ó mepaae ọla ọlakélé fea sumó donoróló muló betepa kelaalo ai ape.

<sup>13</sup> Atétepa atimaamo fóló kelalemó, Yesuné yale fo motóro epa kelalepó. Atéró bituraalu, kale

bosene fele be demó atimané deyóló naaire ɔla aimó donoróló mulalepó.

14 Atéró, kale ɔla naaire suka kele sókó wapa, Yesuné yale fotóro mo epa kelalepó. Atéró *aposel* whirapetamo ɔla nokole ni fake tó mó boperó bitu ɔla nuku beterepó.

15 Atéru, ama atimapaae duraalu, “E doasi seke saaire ala feleke depa, kale bosene fele be demó detere ɔla da betámó nokoletiné e mo doasi hekesese dapó.

16 Ti yało diɔpaae i dere ape. I bosene fele be demó detere ɔla e néli hałe bitiré fóló, Kótóné tetéroló kaae tare aomó mió i ɔla detere ala bete dokonatepa, ti momó naalo ai ape,” yalepó.

17 Atéró, Yesuné *kap* wuti sóro taru, Tale Kótópaae mo kée yalepó. Atéró mótu, Yesuné atimapaae duraalu, “I matere weı tao sóro, diɔ fea nósu deté fóló, kemerae.

18 Ti yało diɔpaae mo i dere ape. Mió i nokole *wain* képi weı momó kaae néli hałe bitiré fóló, Tale Kótóné tetéroló kaae tare ala sókó wale sukamó momó naalopó,” yalepó.

19 Téró, ama *bred* o bula tao sóro Kótópaae mo kée yóló, terekée daalu yóló anirótu duraalu, “Ita, yało tiki diámó i matere ape. Térapa, diɔné e kisipa muóló nukulé fu betae,” yalepó.

20 Atéró, atima ɔla nóló kemetepa, kale yale kaae weı wuti tao sóro taru duraalu, “I *wain* weıta, Kótóné ama so whı tao saalopóló, kisi yóló mulale fo diriróturaalu, diɔ tao saai sunée farale yało sameapó.

21 Téretei, i ni fake tó mó etamo betámó ɔla nuku betere whınétei, e dópóló eleké deyaalopó.



22 Téyaalotei, Whịné Naalema i ala yópólópó yóló, Kótóné tukóló muló betere fo mo dokonóturaalu eraalo ai ape. Téyaalotei, Whịné Naalema dópóló eleké deyaaire whị beta mo doasi sekei ala saaireteiné kọlerapó,” yalepó.

23 Ti fo depa, ai ala-a né yaai dée yóló, atimasitei u wosene i wosene du betalepó.

24 Atéró kale dere kaae, ama yó matere whịrape atimasisi doasi topo whị-a, de betaai dée yóló fonétei alale su betalepó.

25 Tétepa Yesuné atimapaee duraalu, “Kale Juda meire fake tẹteróló kaae tare topo whịrapenémo so whị tẹteróló kaae tanópóló, sóró beteró betere whịrapeta doasi néli whị bitu, so whị fea tao sóró wisi ala erótu betere whịrapepó dua dapó.

26 Tépatei, diạ atei kaae ala ini, diạ tuamótamo doasi topo whị betepa, ti mo ketei kaae betóo, diạ tẹteróló kaae tare topo whị ti kutó diratere whị kaae betóo yae.

27 Ti noatepae, ọla deyóló nokole sukamó doasi doi mole whịrapené noa ala dua de? Ti atima doasi whịrape ni fake tómó bitu, ọla maaté nuku beterepé, kutó diratere whị kaae bitu, ọla biliyóló maleta dua de? Meipó. Ai doasi doi mole whịrape atima ai ala dumi, ni fake tómó bituraalu, ọla maaté nukua dapó. Tépatei, ẹta diạ feané kutó diratere whị kaae beterapó.

28 Diạta, ẹpaee sekei ala wou betepatei ẹ taaróló botokó feni, ẹtamo betámó bitiré walepó.

29 So whị tẹteróló kaae tanópóló yalo Ayané ẹ sóró beterótu yale kaae, yalokélé diạ so whị tẹteróló kaae tanópóló, sóró beteratapó.

<sup>30</sup> Até dapa, yało teteróló kaae tare ala tuamó ni fake tómó bitu, ọla nóló, wẹi nóló du betaalopó. Atéturaalu, doasi topo whị betere tikimó bitu, 12 Israel fakerapetamo diaaọ fo tokóló tale yaasepóló, sóró beteratapó.

*Pitané yaaire alamó Yesuné yale fo  
(Mat 26:31-35, Mak 14:27-31, Jon 13:36-38)*

<sup>31</sup> Saimon, Saimon-ó, yało yapaae i dere fo wosae. Mepaae so whinė *whit* ke buléro ke-lai fumi sukutu dere kaae, ya tuamó noa alakó muléro kaae kelaairaalu, Satan-né yapaae wosene walepó.

<sup>32</sup> Téyaletei Saimon-ó, naao kisipa tiki tiró betere ala taaróló haepaae derepaosóró, yało yamó momaralepó. Naao kisipa tiki feteyóló, ya ẹ beterepaae momó wapata, ti naao norape tao sóró fotokọ bulaasepé,” yalepó.

<sup>33</sup> Tétepa Pitané apaae duraalu, “Tale-ó, ya *dipula* beteratepa ti ẹkéle wusuró beteróo, sukutepakélé ti wusurótóro sukọ enérapó,” yalepó.

<sup>34</sup> Ai fo depa Yesuné duraalu, “Pita-ó, yało yapaae i dere ape. Mió i be demó wẹ *kakaruk* bané hale yaaipatei, naao ẹ kisipanipó fo sore félimó yaalo ai ape,” yalepó.

<sup>35</sup> Téró, Yesuné atimapaae woseturaalu, “Yało diẹ dotonale sukamó *moni* butere be ó hẹleke be ó me ọlakélé sóró fae ini, hẹle fópóló doteyalepó. Téyaletei, diẹ me ọlakó mei yaleé?” depa atimané duraalu, “Meipó,” yalepó.

<sup>36</sup> Ai fo depa, ama atimapaae duraalu, “Mió diaaọ *moni* detere be mupa sóo, yokélé sóo yae.

Bóe dele sepakekótamo munipa, ti diaaḡ tómó deró betere kuti sokóló, me whıtamo dotonóló sepake betakó dupuyae.

<sup>37</sup> Ti noatepae, i fo aseýóló muló beterapó. Dowi ala dere whırape dosąaturaalu, akélé touróló dosąayalepó. Yało diąpaae i dere ape. Ai ere fo dokonóturaalu epaae mo eraalopó. Mo dapó. Emó kisiapa muturaalu, Kótóné kóló whırapené asemó ere forape fea dokonóló epaae motóró eraalo ai ape,” yalepó.

<sup>38</sup> Téró, ama yó matere whırapené apaae duraalu, “Tale-ó, dané bóe dele sepake tamo i tarapa kelere?” depa, ama duraalu, “Ai supó,” yalepó.

*Yesu Olip dumó daalu moma yale fo  
(Mat 26:36-46, Mak 14:32-42)*

<sup>39</sup> Atéró, Yesu a belapaae sókó doropóló ama dua dere kaae, *Olip* du sokorepaae fupa, ama yó matere whırapekélé, a sya felepó.

<sup>40</sup> Atéró, aimó sókó fóló, ama atimapaee duraalu, “Sı sere alané dią dowi alamó dée nalaqsórópa, Talepaae momatu betae,” yalepó.

<sup>41</sup> Atéró, a atima daale tiki sawa taaróló fóló, bukutiri teýaró bituraalu momayalepó.

<sup>42</sup> Ama i moma yalepó. “Aya-ó, naao kisiapané epaae i waaire sekęi ala waqsóró sesé yaai depa ti té yae. Yało kisiapané enére ala yaalomeipa, naao yaai kisiapa mole ala betą erae,” yalepó.

<sup>43</sup> Atétepa, ó hepen bemó betere *ensel* betą dorowóló a tao sóró fotokę bulalepó.

<sup>44</sup> Atéró, Yesuné ama hosaa tuamó mo doa sekęné sinitepa, Alimapaee mo fotokęi moma

yalepó. Atéturaalu, ama tikimó fosono doasi fãke kaae dorowóló, haepaae fu betalepó.

<sup>45</sup> Atéro momayóló kemetepa, a turukó holóló ama yó matere whĩrape beterepaae momó fesaee fóló kelalemó, atima dekené sukuturaalu fotokókélé meiyóló, noke foposaa yó molepó.

<sup>46</sup> Atépa ama atimapaee duraalu, “Diã noatepa, noke foposaa yó mule? Sũ sere alané diã alísoró fóló, dowi alapaae só deraqsóro, turukó holóló Talepaae momatu betae,” yalepó.

*Judas-né Yesu bóe whĩné naase tuqpaee mulale fo*

*(Mat 26:47-56, Mak 14:43-50, Jon 18:3-11)*

<sup>47</sup> Ama fo kemeni hãle du betepatei, so whĩ mo hãle òla kaae walepó. Kale yó matepa wosetere 12 whĩrapekó betã whĩ Judas-né Yesu kóló tukó naai, a daale felekepaae walepó.

<sup>48</sup> Téyaletei, Yesuné aapaae duraalu, “Judas-ó, kale Whĩné Naalema dópóló, eleké deyóló kóló tukó naai wou de?” yalepó.

<sup>49</sup> Até yaaire ala, Yesuné ama yó matere whĩrapené kolóló apaae duraalu, “Tale-ó, ðané i tare sepakerapené deyaróe?” yalepó.

<sup>50</sup> Téró, atimakó betã whĩné mo so whĩmó momaratere doasi topo whĩné kutó diratere whĩné tururó woséli saae deralepó.

<sup>51</sup> Tétepa Yesuné duraalu, “Ai ala me momókó yaqse!” yalepó. Atéro, Yesuné kale whĩné woséli ama ere kaae eralepó.

<sup>52</sup> Téró, Yesuné mo so whĩmó momaratere doasi topo whĩrapekélé, momatere be kaae tare whĩrapené topo whĩrapekélé, whĩ disirapekélé fea

woló, ą tawaai boperóló daae molepó. Atépa ama duraalu, “Diaaọ ęta, i hae kwia ęteróló kaae tare doasi topo whırapené kaae tare alarape fasó saai, bóe daai ąlısóró fole whıpóló, sepakeró nópulutamo tao diliki yóló, ę tawaai wou de?”

<sup>53</sup> Take ę diątamo momatere be tuąmó bitua yaletı, diaaọ ę daai tanıpó. Ténıteı, mıóta, dilıkire alané ęteróló kaae tapa, diaaọ yaaıtere ala yópóló, tukóló muló betere sukakelemó dapó,” yalepó.

*Pitané Yesu tuénıpó yale fo*

*(Mat 26:57-58, 69-75, Mak 14:53-54, 66-72, Jon 18:12-18, 25-27)*

<sup>54</sup> Téro, atımané ą tawóló so whımó momaratere topo whıné bepaae dapesó felepó. Atétepa, Pitakélé Yesu sya nalo taaeta deté fu betalepó.

<sup>55</sup> Téyaletı, ai momatere be bolaare dopóku tuą dolomó si noke yóló, atıma fea simó boperóló betó mupa, Pitakélé atımatamo beterepó.

<sup>56</sup> Atéro ą simó berteremó, kutó diratere so seımale betané kolóló, mo ti kikéyóló kaae taru duraalu, “I sekęta, Yesutamo betámó kwęale whıkópó,” yalepó.

<sup>57</sup> Ai fo depa Pitané duraalu, “Ti senaale-ó, naao ai bope dere whıta ę mo tuékélé inıpó,” yalepó.

<sup>58</sup> Atéro sawa berteró, whı me kaené ą kolóló duraalu, “Yąkélé atımatamo kwęale whıkóe?” depa, Pitané duraalu, “Ai whıta ę meıpó,” yalepó.

<sup>59</sup> Atéro, suka kele betą kemetepa kale dere kaae, whı menémo duraalu, “I sekęta, Yesutamo betámó kwęale whıkó irurapó. Tı ąkélé Kalelı whıtóro mo hıtipó,” yalepó.

<sup>60</sup> Ti fo depa, Pitané duraalu, “Diaaḡ ai bope dere wh̄ita, demó déró ę tuénipó,” yalepó. Ai fo deretamotóró w̄a *kakaruk* bané hale deremó, ama du betale fo tukó felepó.

<sup>61</sup> Tétepa, Tale ą Pita daalepaae fetée wóló, kelené kikéyóló kaae tawalepó. Até deremó, take Talené Pita ąpaae *kakaruk* bané hale sore félimó yaaipatei, naao ę kisipanipó yaalopó yale fo kisipa muni walepó.

<sup>62</sup> Atétepa, Pita ą belapaae sókó doropóló, mo doa dekené sini wole du betalepó.

*Diki tare wh̄irapené Yesu faleyale fo  
(Mat 26:67-68, Mak 14:65)*

<sup>63</sup> Atéro, Yesu botokó faḡsóró, kaae tare wh̄irapené ą doka doka duraalu faletere forape yóló deleta du betalepó.

<sup>64</sup> Atéro, ama kelepaa atimané kutiné kinóló dokóló ąpaae woseturaalu, “Ȳa né daleé? Ȳa dale wh̄i ḡapaae yó ąlae,” yalepó.

<sup>65</sup> Atéro, atimané ą faleyóló kae kae dowi forape du betalepó.

*Pailat-ró Herot-tamoné Yesutamo fo tek̄ale fo  
(Mat 26:59-66, Mak 14:55-64, Jon 18:19-24)*

<sup>66</sup> Atéro, be teó dețeretamo fo tokóló tale yópóló beteró betere wh̄i disirapekélé, mo so wh̄imó momaratero doasi topo wh̄irapekélé, Moses-né as̄ere fo yó matere wh̄irapekélé, fea bet̄apaae tour̄ale walepó. Atéro touró bitu, Yesu fo tokóló taleyópóló tale dere wh̄irape beterepaae dapesó felepó.

<sup>67</sup> Atéro atimané duraalu, “Ȳata, Kótóné so wh̄i t̄eteróló kaae tare wh̄i Kerisopata, ti ḡapaae yó

ɔlae,” yalepó. Ai fo depa, Yesuné duraalu, “Yɔlo diɔpaae depa diaaɔ ɛpaae kisipa tiki tiraalomeipó.

<sup>68</sup> Yɔlo diɔpaae mepaae fo wosenalemókélé, diaaɔ tokó melaalomeipó.

<sup>69</sup> Térerei, mo miótóró kaae sóró kale Whɛné Naalema mo doasi fotokɔ bole Kótóné turu naase tuamó betaalo ai ape,” yalepó.

<sup>70</sup> Ai fo depa, atima mo feané ɔpaae woseturaalu, “Ti yɔta, Kótóné Naalemaé?” depa ama duraalu, “Me kae mei, diaaɔ mo dono ai dere ape,” yalepó.

<sup>71</sup> Ti fo depa, atimané duraalu, “Me kae noa fokómo depa, wosaai de? Fo feata, ama kɔlómótóró sókó wapa ɔané ai wosale ape,” yalepó.

## 23

*Yesu Pailat-né keletómó fo tokóló, filipaa ni tómó olerae yale fo*

*(Mat 27:1-2, 11-26, Mak 15:1-15, Jon 18:28-19:16)*

<sup>1</sup> Téró, atima aimó betó mole whɛ mo fea turukó horóló, Yesu Pailat beterepaae dapesó felepó.

<sup>2</sup> Atéró, atimané ɔ faleyóló só derótu duraalu, “Ai whɛnéta, so whɛ feané Sisapaae *takis moni* melaɔsóró sesé yóló, so whɛ kɔpaae ɔlisóró fu beterapó. Tétu, amatei ɔta so whɛ tɛtéróló kae tare topo whɛ Kerisopó du betere alané ɔané tɛtéróló kaae tare alarape fea dorótu beterapó,” yalepó.

<sup>3</sup> Atétepa, Pailat-né Yesupaae woseturaalu, “Yɔta, Juda fake so whɛ tɛtéróló kaae tare topo

whjë?” depa, Yesuné duraalu, “Ēpó. Naaotóró dono ai dere ape,” yalepó.

4 Téro, Pailat-né Talepaae momaratere topo wh̄iraperó so wh̄i featamopaae duraalu, “I wh̄i yało kaae kelalemó, fo tokóló ą só deraaire bete mekéle mupa kilinipó,” yalepó.

5 Tétepa, atimané fo fakeyóló deteraainé duraalu, “Ai wh̄iné Judia hae kwiamó betó mole so wh̄ipaae yó matere fo wosetu, fo tiki whaa deté fu betalepó. Ama Kaleli hae kwiamó kaae sóró yó maté wóló, mió ipaae ai sókó wale ape,” yalepó.

6 Ai dere fo wosóló, Pailat-né atimapaee woseturaalu, “Ata, Kaleli wh̄ié?” yalepó.

7 Ai fo depa, atimané duraalu, “Ai wh̄ita, Herot-né t̄eteróló kaae tare hae kwiamó betera-pó,” yalepó. Atéyale sukamó Herot ąkélé ai Jerusalem be huluumó betepa, Pailat-né Yesu Herot beterepaae dot̄eyalepó.

8 Téro, Yesu atéro sókó wapa kilituraalu, ą mo hajné sinalepó. Ti noatepae, ama mepaae kelemei alarape erótu betera-pó deté fole fo woseturaalu, Yesuné kelemei alakó eratepa kelenée yóló, kisipa mutu betaletinépó.

9 Atéro, kale Herot-né ąpaae kae kae forape woseté feletei, Yesuné fo betąkélé tokq̄ menipó.

10 Atétepa, so wh̄imó momaratere doasi topo wh̄iraperó Moses-né as̄ere fo yó matere wh̄irapetamoné ą faleyóló só deratere fo du betalepó.

11 Téro, kale Herot-ró ama diki tare wh̄irapetamoné ą faleyóló duraalu, wisi wisi



kuti deróló Pailat beterepaae momó fesaae fópóló dotonalepó.

<sup>12</sup> Upuléta, kale Herot-ró Pailat-tamo bóe dóló betaleteti, mió i ala yale sukamó fulumu whi aleyóló beterepó.

<sup>13</sup> Atéró, kale Pailat-né so whimó momaratere topo whirapepaaekélé, so whi teteróló kaae tare topo whirapepaaekélé, so whi feapaaekélé ape yalepó.

<sup>14</sup> Atéró touró betepa, ama atimapaae duraalu, “Diaaḡ i whita, take teteróló kaae tare doasi topo whirapetamo bóe daai ḡlisóro fole whipóló, ḡ beterepaae dapesó wapa diaaḡ keletómó yaḡo ḡ tuamó daaló bitu, me ḡsókó fele alakó muléró kekḡlemó meipó.

<sup>15</sup> Herot-nékélé taleyalemó, dowi ala mekélé munipa, ama ḡapaae ai dotonale ape. I whi mo ti sukópóló dele alata, me noa ala itikimó daai de?

<sup>16</sup> Térapa, yaḡo ḡ fokosó sóro ḡle fópóló doteyaa i dapó,” yalepó.

<sup>18</sup> Atimané mo betḡ ḡló daae fóló fo fakeyóló duraalu, “Ai *dipula* betere whi Barabas ḡa beterepaae wópóló dotonóturaalu, i seké dóló aluræ,” yalepó.

<sup>19</sup> Ti noatepae, ai whi Barabas-ta *Gavman* whi betaai dapóló bóe dóló whi dupa, ḡ *dipula* beteralepó.

<sup>20</sup> Pailat-né ama kisipanéta, Yesu ḡle fópóló dotonaairaalu, so whipaae momó yalepó.

<sup>21</sup> Téyaletei, atimané mo doa fo fakeyóló duraalu, “Ḃ filipaa ni tómó dóló oleræ, ḡ filipaa ni tómó oleræ,” du betalepó.

<sup>22</sup> Téró, ama sore dakoróló atimapaae duraalu, “I whĩné noa dowi ala yalemó daaloé? I whĩ daaire bete me munipó. Téreteiné, yało ą dóló susupuróló, hałe fópóló dotonaai dapó,” yalepó.

<sup>23</sup> Téyaleteti, atimané fo fake dekeró yó taru, doasi seýóló duraalu, “A sukópóló filipaare ni tómó dóló olorae,” yóló, dere foné Pailat-né fokélé só de-ralepó.

<sup>24</sup> Atétepa, Pailat-né kisipanétei taleyóló wisir-apa téyae yóló, dotopoi fo du betere so whĩpaae melalepó.

<sup>25</sup> Atéró, ama whĩ betą dóo, teđeróló kaae tare alamó topo whĩrapetamó bóe dóo deremó, *dipula* beterale whĩ hałe fópóló dotonae yalepó. Téró, Yesupaae atimané kisiipa mole ala erópóló, doasi diki tare whĩrapené naase tuąpaae melalepó.

*Yesu filipaa ni tómó olerale fo*

*(Mat 27:32-44, Mak 15:21-32, Jon 19:17-27)*

<sup>26</sup> Atéró atimané Yesu duóló sóró fu betalemó, Sairin be hulua whĩkó Saimon ipu bemó biti doasi be huluapaae derepaai wou betepa tu tuamó hokolaa yalepó. Atéró ą tawóló Yesu oleraaire filipaa ni beleróló, Yesuné sisómó fópóló yalepó.

<sup>27</sup> Atétepa, so whĩ mo feané ą sya felepó. Atéró, sorape feané sya fu bitu kolené sinituraalu, mo dekené sukĩ wole fo deté wou betalepó.

<sup>28</sup> Até deté wou betepa, Yesu fetée anóló duraalu, “Jerusalem senaalerape-ó, diaaą ę wolekesé, diąsisitei wole yóló, diaaą naale senaalekélé wole yae.

<sup>29</sup> Ti noatepae, take waaire sukamó diaaą etei fo yaalo ai ape. Mepaae sorape naale senaale

deni, haḷe ni daale sorapekélé, naale senaale meiyóló haḷe betere sorapekélé, naale senaale awa menitere sorapekélé, haḷiné sinóló ai betere ape.

<sup>30</sup> ‘Ai sekeḷi ala wale sukamó atimané i fo yaalopó. “I daae mole ulupaae dukó dorowóló da teḷirae,” yaalopó.

Du sorokó mole hae durapepaaekélé, kḷaae dorowóló da husurḷe dere ape yaalopó, erapó.

<sup>31</sup> Ti kisi daale nipaae atei ala depa, ti sélitere nipaae noa kaae sekeḷi ala eraaloé?” yalepó.

<sup>32</sup> Kale Rom *Gavman*-né yóló muló betere fo tukóló dowi ala yale whḷi tamokélé aḷtamo betamó dóló oleraa i dapesó walepó.

<sup>33</sup> Atéró, atima sókó wale tiki né doita, whḷiné topo diripó doi mulapó. A sukópóló aimó atimané filipaa ni deyóló oleralepó. Atéró, me whḷi ama turu naase deḷó oleróo, me whḷi ama fḷe naase deḷó oleróo, yalepó.

<sup>34</sup> Atéró Yesuné duraalu, “Aya-ó, e dele whḷirapené saaire dowi ala kwia naao haḷe kemerae. Ti noatepae, atimané du betere alarape atima wisiyóló kisipanipó,” yalepó. Atéró, atimané ama kuti taleyóló saairaalu i ala yalepó. Ni fakerape tao sóró fesekée horótua yalemó, me whḷiné doi ó siri moletei sókó dorowapa, ai whḷinétóro sua yalepó.

<sup>35</sup> Atéró kale so whḷi fea mo tumó kese ḷu yóló daae molepó. Kale teḷeteróló kaae tare topo whḷirapené Yesu faletere fo yóló duraalu, “Mepaae whḷi aluyaqsóro ama mo wisiyóló tao sua

yaleteti, ʔatamo Kótóné sókó sóró, beteró betere whi Kerisopata, ti amatei ʔ tao sópóló yae,” yalepó.

<sup>36</sup> Atéró, kale doasi diki tare whirapekélé, ʔ oleró betere tikipaae wóló daae muluraalu, faletu betalepó. Atéró, atimané ʔmó betʔ kɛlaa wale *finika wain* wɛi ʔ nae yóló melalepó.

<sup>37</sup> Atéró ʔpaae duraalu, “Yʔatamo Juda so whiné doasi topo whipata, ti yʔ sinaʔsóró naaotei tao sae,” eneta du betalepó.

<sup>38</sup> Yesuné ama toporó beteremó oleró betere aʔemó i fo erapó.

ITA, JUDA FAKE SO WHI TɛTERÓLÓ KAAE TARE DOASI  
TOPO WHIPÓ.

<sup>39</sup> Téró, kale dowi ala du betepa dóló olerale whi tamokó betʔané ʔ faleyóló duraalu, “Yʔ Kerisopata, ti naaotei yʔ taosu ɔamokélé tao sae,” yalepó.

<sup>40</sup> Téyaleteti, me fakeró oleró betere whiné me whi foné sóró duraalu, “ɔamó sukutereteita, mo ɔamoné yale dowi alamó kwia tokó mótu dereteiné mo donorapó. Téretei i whiʔta, me dowi alakélé meipatei, ɔʔ fea betʔ ala yóló sinitapa, yʔ Kótópaae winié?

<sup>41</sup> Ti noatepae, ɔamota ɔamoné yale alamó i sinitere ape. Téretei i whiʔta, dowi ala mo betʔakélé inipatei, hʔle dóló oleró beterapó,” yalepó.

<sup>42</sup> Téró ama duraalu, “Yesu-ó, yʔ naao tɛteróló kaae tare be tuʔpaae furaalu, ɛ kisiʔa ketaʔaʔe,” yalepó.

<sup>43</sup> Ti fo depa, Yesuné ʔpaae tokó mótu duraalu, “Yʔlo yʔpaae mo i dere ape. Miótitei, yʔ ɛtamo mo kokóné sukʔi be wisinaalemó fóló betaalo ai ape,” yalepó.

*Yesu sinale fo**(Mat 27:45-56, Mak 15:33-41, Jon 19:28-30)*

<sup>44</sup> Atéro suka tuamó daapatei, hae kwia fea diki yalepó. Atéro dikipatei bitiré fóló, 3 kilok suka tó daane folepaae kemeyalepó.

<sup>45</sup> Ti noatepae, sukané de sukaleteiné, diki yó tawalepó. Talepaae momaraterere be sataaleróló oleró betere kuti ama hāletei tuamótóro teketé doropóló, haepaae sókó deralepó.

<sup>46</sup> Atétepa, Yesuné fo fakeyóló duraalu, “Aya-ó, yało kepe bete naao kaae tawasepóló, ya tuapaae i mulatere ape,” yalepó. Atéro ama ai fo yóló kemetepa, ama fomo sókó fóló a sukalepó.

<sup>47</sup> Atétepa, kale diki tare whirapené topo whiné ai yale ala kolóló, Kótóné doi hale sóro horótu duraalu, “Mo dapó, ita mo whi wisinaale ai sukirapó,” yalepó.

<sup>48</sup> Atéro, betapaae touró betere so whiné kelale alarape atima bepaae momó fesaae furaalu, naao téyae yóló dekené sinité fu betalepó.

<sup>49</sup> Téyaletei, mepaae a kisipare whiraperó atamo Kaleli haemó betamó betóló wale sorapetamo atima mo tumó daae mulu, ai dere alarape kaae dilikiyóló yó molepó.

*Yesu dourale fo**(Mat 27:57-61, Mak 15:42-47, Jon 19:38-42)*

<sup>50</sup> Atéro ai Judia hae tuamó tene Arimatea be whikó Josep beterepó. Ata, mo whi wisinaale naameyóló dua betepa, Judia hae kwiamó betó mole so whi hasókó fupa fo tokóló taleyópóló sóro betero betere whipó.

<sup>51</sup> Ai sekénéta, mo whjné dere alaró mo tikiné dere alatomó ama mo wisirapó kisipa mutumipó. Āta, Judia hae kwiamó tene Arimatea be huluamó walepó. Tériu, ā Kótóné teteróló kaae tare aomó mole ala wópóló kaae tawóló beterepó.

<sup>52</sup> Atéró, kale whj ā Yesuné tiki saaitapóló Pailat-paae wosene felepó.

<sup>53</sup> Téro, kale whjné Yesuné tiki tokóló muló bituraalu, mo dēi kutiné bopeyóló whj betakélé munénire kapo dolomó mulalepó.

<sup>54</sup> Atima s̄aa naai tukóló muló betere be dē dótóró sókó waai depa, ɔ̄la ɔ̄la donoróló mulatere be demó ai alarape yalepó.

<sup>55</sup> Atéró, mepaae Kaleli hae kwiamó Yesutamo wale sorape Josep-né Yesuné tiki mulaai fupa, neyóló mulatérō kelaairaaalu, atima Josep s̄ya felepó.

<sup>56</sup> Téro, atimané bepaae fóló kale felé k̄laa wale fetera kaae ɔ̄laró felé k̄laa wale *wel* w̄ɛitamó taleyóló munalepó. Téyalet̄ei, kale yóló muló betere fo tikinépa, Talepaae moma yaai dapóló tukóló munale sukamó s̄aa nóló betalepó.

## 24

### *Yesu kepaayóló fele fo*

<sup>1</sup> *Fula* kaae sere be demó, mo hikati kale sorapéné felé k̄laa wale ɔ̄larape sisóló whj mulale dou tópaae felepó.

<sup>2</sup> Atéró atima fóló kelalemó, whj dou t̄u kinale kane fake biliyó faló beterepó.

<sup>3</sup> Atépa, atima kane dolopaae buó deóló kelalemó, Tale Yesuné tiki munipó.

<sup>4</sup> Atépa, neyalerópóló atima kisipa teketu beteremó, mo kasa kasai kuti deró betere whi tamo atima daae mole uté dēró sókó wóló daalepó.

<sup>5</sup> Até deremó, kale sorape atima winé sinitu, kelepaa haepaae hemée deyóló betó molepó. Tépa, kale whi tamoné atimapaee duraalu, “Sukale whi douró betere tikimó, betere whiné noatepa keketé kutu bitu de?

<sup>6</sup> Ti noatepae, ą aimó muni kepaayóló falapó. Take dią Kaleli haemó bitu ama diąpaae yale fo diaaą kisipa munié?

<sup>7</sup> ‘Whiné Naalema mepaae dowi ala dere whirapené naase tuąpaae mulaalopó. Atétepa, atimané ą filipaa ni tómó oleróló sukutepa, sore be demó ti ą momó kepaayóló betaalopó,’ ” yalepó.

<sup>8</sup> Téró, atimané ama yale fo mopóló kisipa yalepó.

<sup>9</sup> Atéró, atima whi dou tópaee fi fesaae wóló atimané kelale alarape kale 11-whiraperó mepaae whirapetamopaae yalepó.

<sup>10</sup> Ai sorapeta, Maktala sokó Mariakélé, Joanakélé, Jems-né hama Mariakélé, mepaae sorapekélé, atima fea betó mulu, kelale alarape ama *aposel* whirapepaae yalepó.

<sup>11</sup> Téyaletai, kale sorapené yale fo mo dapóló kisipa tirénipó. Ti noatepae, atimané kapala fo detere nisi yalepó.

<sup>12</sup> Téyaletai, Pita ą mo hapale sururu yóló fóló, whi dou tómó sókó felepó. Atéró ą dou dolopaae fóló kelalemó, ama tiki bopeyóló mulale deį *linen* kuti maaté demó mupa kelalepó. Atépa ą momó bepaae fesaae furaalu, i noa ala yalerópóló kisipa tekété fu betalepó.

### *Emeas bepaae fole tų tuamó yale fo*

<sup>13</sup> Atéyale sukamótóró atimakó whı tamo Emeas bepaae faai tų tuamó fu betalepó. Ai Emeas be taaróló Jerusalem be huluapaae fole dąleta, 11 kilomitapó.

<sup>14</sup> Atimaamo tumó fu bituraalu, kale yale alarape fea sųraté fu beterepó.

<sup>15</sup> Atimaamo até deté fu betepa, Yesu tų tuamó sókó wóló, atima fea betamó fu betalepó.

<sup>16</sup> Até yaletei, atimaamoné Yesupóló kisipa yaqsóró, me ąlané atimaamoné kele seraaralepó.

<sup>17</sup> Atéró fu bitu, Yesuné atimaamopaae wose-turaalu, “Diaamo ai-a noa fo deté fu bitu de?” yalepó. Ti fo depa, atimaamo fu betaletei, kelepaa humula yóló keųyóló daalepó.

<sup>18</sup> Atimaamo fu betere me whı Kliopas-né ąpaae duraalu, “I be demó yale alarape so whı feané kisiparapa, yaąa Jerusalem be huluapaae wale whıé?” yalepó.

<sup>19</sup> Ai fo depa ama ąpaae woseturaalu, “Noa alamó de?” yalepó. Ti fo depa atimaamoné duraalu, “Nasaret be hulua whıkó Yesupaae erale alamó dapó. Ti noatepae, ąta Kótóné kóló whı bitu, ama dere foró dere alatamo Kótóné kele tómókélé, so whı feané kele tómókélé, mo doasi fotokątamo du betalepó.

<sup>20</sup> Atéró so whımó momaratere topo whıraperó dą teteróló kaae tare whırapetamoné ą sukópóló dae yóló, doasi *Gavman* whırapené naase tuąpaae mulalepó. Atétepa, atimané ą filipaa ni tómó sinópóló oleralepó.



21 Téyaleteti, Israel fake so whi dupuróló tao saaire whipóló kisipa mualepó. Ai maaté mei, ai ala yóló betepa be de tamo kemeyóló, soreratere be de ti mió i ape.

22 Ai fotei me ipó. Da betámó kotere sorape sore mo hikati kale whi dou tópaae fóló, mepaae kelale alarape depa wosetu da kilita yalepó.

23 Kale sorape fóló kelalemó ama tiki munipa, *ensel-rapené* Yesu kepaayóló beterapóló atimapaee yale fo fea dapaee ene walepó.

24 Téró, dané fulumu whirape atimakélé fóló kelalemó, kale sorapené ene wale ala motóro epa kelalepó. Téyaleteti, atimané a betá kilinipó,” yalepó.

25 Ama atimapaee duraalu, “Diaamota, take Kótóné ama kóló whirapené deté wale fo wosóló kisipani, ketei kaae kisipa tiki okokoru kutiri hapólu ai ererapó.

26 Kótóné so whi tetéroló kaae tanópóló, soroó beteroó betere whi Keriso a doasi doi muuaire ala tuapaae sókó faairaalu, folosóro ai sekei alarape salepó. Ai alata hasókó faalomei, mo yaalopó ere fo dokonóturaalu yalepó.

27 Mo take Moses-né asere fomó kaae sóroó wóló, Kótóné kóló whirape feanékélé asere fo beteta, emótóro erapóló amatei hakearóló yó malepó,” yalepó.

28 Atimaamo fole bepaee felekemó sókó faai, tu aupalomó fu betalepó. Téyaleteti Yesu ata, ai be hulua bosenyóló saletópaae faai fole aq yalepó.

29 Atéro a fupatei, kale whi tamoné a kejróló duraalu, “Felekemó be diki yaai dapa, da imó fiyaalopa siépe,” Depa atima fea fiyaai felepó.

<sup>30</sup> Atéroró, ą atimaamotamo ęla naairaaalu, ęla nokole ni fake tó mó beterepó. Atéroró bitu, ama *bred* o bula betą tao sóroró Alima Kótópaae mo kée yóló terekeyóló nópóló sóroró malepó.

<sup>31</sup> Téró, atimaamoné kele seraaretei fisąae furaalu, kale seké airapóló diriyóló kisipa yalepó. Téyaletamo atimaamoné kele ąlinameróló ą aluyó deyalepó.

<sup>32</sup> Tétepa, atimaamosisitei duraalu, “Da tųmó wouraalu, ašemó ere fo dąmopaae yó matepa, wosóló hosaamó si kaae dukuraalu mo feléné sukąlepó,” yalepó.

<sup>33</sup> Atétepa, mo ai fapotóroró atimaamo Jerusalem be huluapaae momó fesaae felepó. Téyalemó, mepaae 11- *aposel* whįraperó atimatamo betere so whįrapetamo fea betąpaae touró betepa kelalepó.

<sup>34</sup> Atéru, atimané kale whį tamopaae duraalu, “Ai mo dapó. Tale kepaayóló furaalu, Saimon beterepaae wapa ama mo kelalepó,” yalepó.

<sup>35</sup> Téró, kale whį tamo tų tuąmó wou bitu yale alaró *bred* o bula tekeyóló atimaamo matepa, ą kisipa yale alatamo atimapaae yalepó.

*Yesu ą ama yó matere whįrapepaae yó male wale fo*

<sup>36</sup> Atéroró, ai fo du betepa Yesu atima betó mole tuąmó sókó wóló atimapaae duraalu, “Hosaa muni deyóló mo dua betere ala dią tuąmó mulópóló yae,” yalepó.

<sup>37</sup> Atei fo deremó, atima kisipané kepené dere nisi yóló kilita sókó furaalu, winé sinalepó.

<sup>38</sup> Atétepa, ama atimapaee duraalu, “Diꞑ witu-raalu kisipa tamo muóló, hosaa noatepa weṭitu bitu de?”

<sup>39</sup> Eṭóro mo ḥṭipa, yaḷo naaseró hótamo diaaꞑ kelaē. Ti noatepae, kepeta miró diritamó bunipa, e ai ala erémóló olaa yae,” yalepó.

<sup>40</sup> Ama ai fo yóló kemetepa, atimapaee ama naaseró hótamo yó melalepó.

<sup>41</sup> Téyaletēi, atétere ala kilituraalu, ḥeḳesetere alaró, siratere alatamo atima tuꞑmó mualetēi, aṭa Yesupóló kisipa tirénipó. Atétepa atimapaee woseturaalu, “Diꞑ imó bitu, naaitere oḷakó mule?” yalepó.

<sup>42-43</sup> Tétepa, atimané simó biliyale ya kwia a matepa tao sóro, atimané kaaē tapa nalepó.

<sup>44</sup> Atéroró ama atimapaee duraalu, “Moses-né aṣere fokélé, Kótóné kḷó whṭrapené ere fokélé, Sam *buk*-mókélé, eṃótóro kisipa mutu ere fo fea dokonóturaalu mo eraalopóló e diꞑtamo betꞑmó bitu ai yale ape,” yalepó.

<sup>45</sup> Kótóné aṣemó ere fo fea kisipa yópóló, ama atima kisipa wisi mulalepó.

<sup>46</sup> Atéroró ama atimapaee duraalu, “Kale aṣemó ere fo i ape. Kótóné ama so whṭ fea teṭeróló kaaē tanópóló, sóro beteró betere whṭ Kerisota, doakale seḳei alaró susupui alatamo sóro mo ti sinaalotei, tamo be de kemeyóló sore be deṃó a momó kepaayaalopó.

<sup>47</sup> Jerusalem be huluamó kaaē sóro hae kwia feamó betó mole so whṭpaaē yaḷo doimó i fo yó maté kweyaalopó. Diaaꞑ dere dowi ala taaróló kisipa feteyóló wapa, ti diaaꞑ dowi ala kwia yaḷo ḥale kemeraalopó.

<sup>48</sup> I alarape depa kelalepóló so wh̄ipaae yó melaaire wh̄irapeta, ti diātóró ai ape.

<sup>49</sup> Take yało Ayané dī melaalopóló mulale ɔla yało dīpaae dotonaai kisipa mutapó. Téyaalopa, dī ai be huluamó bitiré fóló, mo óté taoró mole doasi fotokóné dī kuti kaae bukur̄ale dorowópóló, kaae tawae,” yalepó.

*Yesu i hae taaróló ó s̄apaae dapesó holale fo*

<sup>50</sup> Téró atima wópóló, ̄pi folosóró Betani be huluapaae felepó. Téró, ama naase horóló fonétei atima wisiralepó.

<sup>51</sup> Atéró, atima wisiraterere fo du betepatei taaróló, Alimané ̄ hepen-paae dapesó holalepó.

<sup>52</sup> Téró, atima bukutiri tēaró bitu, Doa Tale-ó, yóló ama doi sóró horaté h̄kesetamo Jerusalem be huluapaae momó fesaae felepó.

<sup>53</sup> Atéró, atima momatere bemó bitu, Kótóné doi hale sóró horaterere ala suka fea deté fu betalepó.

**Yesu Kerisoné So Whi Tao Sere Kisi Fo Wisi  
The New Testament in the Falopa Language of Papua  
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

---

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105